

# WANTOK


Wantok (Boroko, Papua New Guinea)  
SSH Current Shelves  
UC San Diego  
Received on: 11-18-09

Niuspepa Bilong Yumi Ol PNG Stret!

Namba 1838


Wan Wik, Oktoba 29 - Novemba 4 2009

K1tasol long olgeta hap




**Pawa hevi  
bai stap  
yet..  
Pes 2**

**Yusim Digicel  
fon long  
sekim prais  
bilong maket  
kaikai.. Pes 3**



## Ol boi Saut Simbu seksek long magani



Dispela ol lain brata bilong Saut-Simbu em Sammy Bal long fran wantaim Tisa na Rex long sait I amamas tru long lukim ol magani o sikau mit ol yangpela bilong Rigo I salim klostu long ples Girobada. Ol I bin raun igo long Baraumataa long Abau na kambek na brata bilong ol em Loya Kelly Naru, husat I go helpim Baraumataa SDA Sios wantaim K2000 (Lukim Stori long pes 5). Mista Naru I sore long ol brata bilong Saut-Simbu na ol niusripota na baim wan wan ol dispela magani long ol I karim igo bek long Mosbi siti. *Poto: James Kila*

## Digicel LAKI SIM kad!

Yu gat Digicel SIM kad yu no yusim long sampela taim? Putim long fon bilong yu na sekim balens. Yu bai inap winim wanpela bilong 1000 moa ol fri top-ap prais!

**Digicel**

Digicel: Stropela moa Netek long PNG

Digicel Tems na Kondisen bai stap. Presim \*120# na presim Send long sekim balens.

## Panguna Soim Rot Wantaim Belisi

Veronica Hatutasi i raitim

**PLES we Bogenvil hevi i bin stat long en, Panguna, em i ples we hevi bai pinis long em, Otonomes Bogenvil Gavman Presiden, James Tanis i tokim Wantok Niuspepa olsem.**

Em i tok ol wok long kamapim wanbelisi na sekan pasin i wok

long ron gut long Panguna eria, wantaim namba wan wanbelisi seremoni i bin kamap long las wik Trinde.

Mista Tanis i tok ol wanbelisi seremoni bai stretim ol papagraun long Panguna na ol i ken toktok gut namel long ol yet wantaim wanbel na muv i go fowet long ol wok kamap long Bogenvil

we i sut long trupela gutpela sindaun, rokrok long opim bek Panguna main, wok mani bilong sapatim otonomi na ol samting bai kamap bihain taim.

Em i tok bihain long wanbel pasin i kamap, ol bai luksave long ol trupela Panguna papagraun na pasin bilong papa long graun i skruim i go long ol famili.

Mista Tanis i tok taim ol i gat wanbel isi seremoni, dispela bai mekim ol man i trautilim ol belhat bilong ol i go aut na stretim rot long gutpela tingting na toktok bilong stretim ples na mekim wok i ken kamap.

**Moa stori long pes 3**



## OCEAN BLUE TUNA

*Gutpela abus tru na i no dia tumas!*



# Pawa hevi bai stap yet

**Bustin Anzu i raitim**  
**PROBLEM bilong pawa blek aut na sot bilong wara i kamapim bikpela hevi insait long ol taun na siti olsem Lae, Madang na ol narapela Hailens provins bai stap yet.**

Planti ol bikpela bisnis, haus, hausik, skul na ol maket ples i kisim taim wantaim pawa blek aut wara i sot long las wik na dispela i mekim planti ol bisnis i lusim bisnis bilong ol. Tupela grup long Lae i bin bungim dispela tupela grup, PNG Pawa

Limited na PNG Watabot long toktok moa long dispela hevi i wok long kamap insait long ol bikpela taun na siti. Morobe Provinsel Gavman i lukim tupela grup pastaim na bihain Lae Semba bilong Komes igo lukim ol. Morobe administre-

sen igat Provinsel Administreta Kemas Tomala, diputi administreta bilong distrik sevis Bart Ipambonj, Provinsel Helt Advaisa Dokta „Likei Theo, bosman bilong Angau Hausik (CEO) Dokta Polapoi Chalau na siti polis bos Sif Superintenden Nema Mondiai.

Dispela miting em long painim aut bilong wanem na ol i save gat kain pawa blek aut insait long Lae siti we i givim hevi long planti ol bisnis haus na tu hausik, skul, maket na tu, dispela i save stopim wara saplai insait long siti. Dispela

bung i lukluk tu long sapos provinsel gavman i ken helpim long sampela rot.

Bikpela samting em olsem hevi i stap long Yonki pawa generate. PNG pawa wokim sampela ekstensen wok tu long Is Taraka sab stesin long putim wangepela 12 megawat unit.

Na dispela wok bai pinis long neks mun na bai sevim ol manmeri husait i stap long Is na Wes Taraka, Yunivesiti bilong Teknoloji (Unitech), Igam Bareks, Bumayong, Ten siti na bek rot," em i tok. Dispela pawa stesin long Milfordhaven Rot bai saplaim pawa insait long taun na ol lain

bilong Mails tu.

Taim pawa i blek aut, em i save stopim ron bilong wara saplai long ol pamp bilong em insait long Is Taraka na tu bagarapim narapela fopela pamp long Butibam Rot igo olsem long Bumayong na dispela i save sloim wara igo long bikpela tenk wara we save stap long Bumayong.


Long las wik Mande, planti lain i kisim taim long pawa na wara na lukim planti ol bisnis na kampani i pasim wok long belo na salim ol manmeri igo painim pawa na wara. Long wankain tu, ol benk i pas na planti kampani

ino wokim bisnis.

Pawa blek aut na sot bilong wara i mekim planti manmeri insait long siti i sakim tok bilong helt na pulumapim wara bilong Waswas na kalkai long wara Bumbu, Busu na Markham.

Nau yet, PNG Pawa na PNG Watabot i wok hat long stretim dispela tupela samting.

Provinsel Administreta Tomala i tok, maski igat hevi istap wantaim tupela grup, ol i mas wok bung wantaim tupela long daunim ol dispela hevi long mekim gut insait long komyuniti bilong ol.



**SEKAN NA WANBEL MAS:** Ol man na meri long Panguna i mas long go insait long sekan na wanbel seremoni long las wik Trinde. *Poto: Aloysius Laukai*

## Sentrol Bogenvil ABG memba amamas long Panguna sekan seremoni.

MEMBA bilong Sentrol Bogenvil husat i makim olgeta meri long Otonomes Bogenvil Gavman (ABG), Magdalen Toroansi i tok amamas na luksave long sekhan seremoni long Panguna.

Long dispela seremoni, Ms Toroansi i tok olsem olgeta meri na pikinini i birr save wetim dispela samting long long pela taim.

Em i tok ol meri bilong Bogenvil i bin save laikim tru gutpela sindaun i mas stap long ples wantaim nogat man i karim nambaut ol

samting bilong pait long rot. MsToroansi em wanpela bilong ol lida husat i bin stap long dispela seremoni we moa long 2,000 ol yangpela man long olgeta hap long Panguna na Bana distrik i bin stap long em.

Ms Toroansi i singaut long ol yangpela long go bek long ol famili bilong ol na helpim long mekim sampela wok long kisim mani i go bek long famili blong ol.

*-Aloysius Laukai i raitim*

## Wok long stretim Buka maket i go het

**Sonia Kenu - DWU- i raitim**

BUKA maket i wok long kamap nupela gen bihain long rijinel memba bilong Bogenvil, Fidelis Semoso i bin givim mani inap olsem K700,000 long wokim dispela projek.

Katsin Plaming na konstraksen kampani i wok long kisim ol yangpela man bilong Hahon na Sapos long wes kos long wokim dispela Buka taun maket haus.

Menesing dairekta, Chris Helagen i tok dispela make tem ol i no wokim wanpela mentenens long em stat yet long taim em i bin sanap moa long 25 krismas i go pinis.

Ol wok long stretim maket i bin stat long dispela mun we i mekim na ol i surukim market i go long Isa nis eria.

Wok long dispela maket haus bai i pinis na redi long narapela mun i kam.

## Kisim K4 milion long stretim Buka Bris .....Wok bai pinis long dispela yia

**Tapo Tovilu, DWU Jenelism sumatin- i raitim**

BUKA bris i wok long kamap gut gen bihain, long ol wok stretim long mekim gut gen i wok long go het long sampela hap long bris.

Not Bogenvil Konsotium (NBC) wantaim PNG Ports Limitit i



wok long go pas wantaim wok long lukim olsem em i gat ol brik na ol arapela samting bilong mekim ol wok long bris i stap.

Ben Victor, wanpela asisten enjinia i tok dispela K4 million projek i bin stat long yia i go pinis na klostu ol wok long em bai i pinis na

redi.

Mista Victor i tok olsem ol bin save gat hevi long wetim ol metiriel o samting bilong wok i save kam olgeta long Mosbi, Lae na Rabaul.

Tupela projek ol i wok long em nau bai i pinis long pinis bilong dispela yia.



**OL polisman meri long Lae i bin klinim Lae Polis Stesin sel long las wik Sarere. Sel ino op long klostu wan mun bihain long ol lain Helt i pasim taim sik kolera igo bikpela long las mun. sampela kalabus man i tok ol i painim dispela sik kolera taim ol i stap long sel na ol i bin kisim ol igo long Angau Hausik. Sel ino op na dispela i givim taim long ol polisman meri igo wok long wiken long Klinim, stretim na wasim na mekim redi long ol stilman meri igo bek gen. Ol dispela poto i soim ol polisman i klinim insait long ol sel blok na autsait long polis stesin tu. *Poto: Bustin Anzu***

**OXFORD, TOK PISIN INGLIS DIKSENERI**

Katim, na pulumapim oda fom daunbilu na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

**ORDER FORM**

TITLE	ISBN	PRICE	QTY	SUBTOTAL
PNG Tok Pisin English Dictionary	9780195551129	K38.50		

Recommended retail price is correct at the time of printing and is subject to change without notice.

Freight cost for one book:  
 K\$ 80 to PNG, K\$ 100 to Solomon Is  
 K\$ 1.50 rest of Pacific Is, K\$ 1.50 rest of the world

**Options for Payment**

1: Direct deposit into Bank Account details below:  
 2: Mail Cheques to World Publishing Company Ltd, PO Box 7982, BICOMEL, NCD.  
 3: Call into the office. Office 62, Section 58, Alotau Road, Alotau, Honiara, T. NCT.

Account Number: World Publishing Company Ltd  
 190 060 5380  
 Bank: Bank of South Pacific Ltd  
 Branch: Commercial Centre  
 Branch Code: 8951  
 Swift Code: BOSPPCMM

**FAX BACK TO: (675) 325 2579**

If you are ordering more than one copy please contact us for a quote.  
 Phone: (675) 325 2580  
 Fax: (675) 325 2579  
 Email: world@world.com.pg

Name (print): \_\_\_\_\_ Phone: \_\_\_\_\_  
 Address (print): \_\_\_\_\_  
 Fax: \_\_\_\_\_  
 Email: \_\_\_\_\_ Signature: \_\_\_\_\_

# Yusim Digicel mobail fon long sekim prais bilong maket kaikai

JAMES KILA i raitim

FRES PRODIUS Developmen Ejensi (FPDA) i wok bung wantaim wantaim Digicel (PNG) Limited long kamapim pinis wanpela Mobail Maketing Infomesin Sistem we bai lukim ol kastomas i yusim Digicel mobail fon long kisim prais bilong ol kaikai ol pipel i salim long ol bikpela maket insait long PNG.

Siaman bilong FPDA, Fabian Chow I tok olsem bikpela as-tingting bilong dispela maket infomesin is em bringim kamap moa gutpela rot bilong givim infomesin na tu ol maket infomesin. Long dispela rot ol bai I ken mekim kamap moa rot long maket long ol groas na ol kastomas o lain bilong baim ol fres gaden kaikai insait long PNG.


Dispela MMIS em mani sapot bilong Agrikalsarel Inovesin Grent Skim (AIGS) I bin mekim kamap.

AIGS kodineta long PNG, Peter Ross I tok ol amams long stap olsem patna wantaim wanpela gutpela na strongpela praivet sekta kampani olsem Digicel (PNG) Limited long bringim ol infomesin igo long ol ruel famas long PNG.

Mista Chow I tok ol maket infomesin ol bai redim gut na kamapim nupela long olgeta Tunde. Ol famas na ol kastomas bai I ken kisim ol dispela infomesin long Digicel mobail fon bilong ol isi tru.

Sif Eksekutiv Ofisa bilong

## ....FPDA na Digicel kamap maket infomesin patnasip



LUKIM PRAIS: Siaman bilong FPDA, Fabian Chow I soim ol maket infomesin wantaim Sif Eksekutiv Ofisa (CEO) bilong Digicel (PNG) Limited, Joe Mangos. Foto: James Kila

Digicel (PNG) Limited, Joe Mangos husat I bin stap long dispela lausing seremoni long Mosbi long aste I tok em I amamas long kain wok patnasip wantaim FPDA long bringim ol kain maket infomesin igo long ol ruel famas na tu ol lain husat I save laik long baim ol gaden kaikai.

"Dispela prodak bai helpim tru long pipel long kamapim gutpela sindaun long laip bilong ol," Mista Mangos I tok.

Em I tok tu olsem dispela em wanpela gutpela ppin tru bilong salim ol prodius bilong ol famas husat I save stap long ruel erias long kantri.

FPDA siaman Mista Chow I tok ol infomesin we bai I stap insait long MIS em prais, kwaliti na saplai bilong ol dispela kaikai ol I save salim long ol bikpela taun maket insait long PNG

12-pela bikpela kaikai ol I luk-save long en na putim insait long maket infomesin na dispela bai yu ken lukim long mobail fon bilong yu wantaim kod bilong ole m Avokado (AVO), bin (BEAN), Brokoli (BROC), Kabis (CAB), Kerot (CAR), galik (GAR), onion (ONN), orens (ORA), painapol (PINE), poteto (POT), swit poteto (SPOT) na tomato (TOM).

8-pela taun maket insait long PNG we FPDA nau yet I save mekim ol sevei long wan wan wik em Goroka, Mt Hagen, Lae, Pt Mosbi, Kokopo, Madang, Wewak na Popondetta.

Ol kod bilong ol dispela maket em Mosbi (POM), Goroka (GKA), Lae (LAE), Hagen (HAG), Kokopo (KKP), Madang (MAD), Wewak (WWK) na Popondetta (POP).

Sapos kastoma I laik kisim ol infomesin long mobail fon, orait ol bai yusim kod em 4636. Dispela kod em ol save yusim long salim na kisim infomesin yusim mobail fon wankain olsem ol narapela sevises em Digicel save givim long sekim

Long kisim infomesin long prais bilong kapis ol I salim, dispela ol rot bai yu bihainim:

Rot 1: Kamapim wanpela text mesej

Rot 2: Raitim daun CAB, na larim wanpela spes

Rot 3: Raitim daun PRICE

Rot 4: Salim text igo long 4636.

Wanpela text mesej bai yu kisim. Dispela bai I gat ol infomesin long prais bilong kapis I stap long olgeta 8pela senta insait long PNG.

Rot 3 na 3 yu ken senisim to laik bilong yu yet bihainim (prais, kwaliti na saplai) na wanem kain kaikai, tasol rot 1 na 4 I stap wankain tasol. Yusim ol sain na kod bilong wan wan prodak.

Kos bilong yusim dispela ol sevis I bihainim ol wankain komesal reit em 35-toea long wan wan text mesej.

# Panguna bai soim rot wantaim belisi

## I kam long pes 1

Em i tok em i givim bikpela tingting na lukluk long wanbelisi i mas kamap long Panguna bikos em i as long ol hevi bat aim ol narapela ples long Bogenvil i lukim dispela i kamap, ol tu bai mekim olsem na Bogenvil i ken kamap gut bek gen.

Tu, dispela i ken opim rot isi isi long kirapim ol toktok i sut long Panguna main.

Insait long wanbel seremoni long Panguna las wik, Mista Tanis i tok dispela i yunaitim ol yangpela long Panguna na bai i nogat ol wan wan grup long eria.

Long wankain taim, Panguna Distrik menesa, Otto Noruka i tok Bogenvil i laikim mani long mekim ol wok, kisim ol sevis i go aut long na tu, long sapotim otonomi.

Na em i tok Panguna main bai i op bek gen, tasol wan belisi pasin i mas kamap pastaim namel long ol Panguna papagraun.

"Opim bek main i samting we pipel i no toktok long em long dispela taim, tasol em i stap baksait long tingting bilong pipel. Ples na ol samting i mas stap gut na pipel i ken kamaut na totkok long ol samting i sut long opim bek main," Mista Noruka i tok.

"Bogenvil i laikim mani long mekim ol wok long ronim otonomes gavman. Tasol ol pipel i laikim bai nesenel gavman i givim ol maining pawa i kam long Bogenvil na pipel yet i ken gat pawa long lukautim na banisim ol risos bilong ol. Na main i ken op bek gen," Mista Noruka i tok.

Em i tok bihainim ol awenes wok na tu, planti yangpela bilong Panguna yet i go lon g ol skul na kisim bikpela save, ol pipel nau i gat kloapela na gutpela save long sindaun na toktok long ol samting i sut long main na ol risos.

Long wankain taim, ol pipel long ol ples we ol i bin surukim ol long mekim rot bilong Panguna main i bungim hevi nau bikos ol haus samting ol i stap long em i bagarap pinis. Samting olsem 1,200 ples lain long ol viles klostu long main eria olsem Dapera, Moeoni, Piruari na ol narapela moa i bungim hevi i stap.

# KURUMBIKARI papagraun asoseiesen i gat nupela Siaman

Michael Novingu i raitim

KURUMBIKARI papa graun asoseiesen long Ramu Nikel projek long Madang provins i gat nupela siaman.

David Tigavu bilong Dange Kevi ples i stap long Kurumbikari main hap em ol makim em na nogat arapela man i resis wantaim em. Ol

memba i makim em ol i trupela papa gr aun bilong Ramu Mikel projek long las wik.

Mista Tivagu i tok promis long wok bung wanataim gavman ,divelopa Ramu Nikel projek long stretim ol tok orait( mou) ol i ino stretim yet.

Em i tok em i no nupela long dispela wok, Em i holim dispela wok bipo inap long 2006

taim narapela man i bin kisim ples bilong em.

MistaTivagu i tok em i amamas long kisim bek wok em i mekim long pinisim ol wok long stretim ol tok orait o( moa) wantaim gavman na divelopa bai nogat hevi i kamap long karimaut wok go het long gutpela bilong divelopa, gavman, manmer i bilong Madang na Papua Niugini.



## ATTENTION OIL PALM MILLS, TIMBER MILLS, FLOUR MILLS, INDUSTRY ELECTRIC MOTORS, DRIVES & TRANSMISSIONS

- \* Italian Made Power Transmission
- \* Hollow or Solid Shaft Designs
- \* Low Speed Applications
- \* Sealed For Life
- \* Alloy Light Weight
- \* Special One-Off Designs



- \* High Cycloid Efficiency Speed Reducer
- \* Solid Drive Shaft
- \* High Torque Outputs
- \* Low Maintenance
- \* Italian Made



**BISHOP BROTHERS**  
everything for industry...

Fully supported by in-house technical representative who can answer all your motor requirements, email: sean.sill@bishopbros.com.pg

| Phone: 300 46 | Fax: 300 47 | Email: horsales@bishopbros.com.pg | Website: www.bishopbros.com.pg



**NESINOL KAPITOL DISTRIK KOMISIN  
OFIS BILONG GAVANA  
SITI BILONG POT MOSBI**

**NESINOL KAPITOL DISTRIK KOMISIN TEKNIKOL NA VOKESINOL  
EDUKESIN TRENING SKOLASIP POLISI**

**Bek-graun**

Dispela siti em i pulap tru long ol yangpela man na meri husat ino gat wok na ino save long wok o level bilong edukessin long mekim gutpela wok long developmen bilong siti bilong yumi. Insait long taim bilong mi olsem Gavana, mipela i bringiaut sampela ol programs long helpim ol yangpela man na meri insait long siti.

Olsem wanpela polisi plen bilong mi, Nesinol Kapitol Distrik Komisins i launsim pinis wanpela Teknikol na Vokesinol Edukesin Trening Skolasip Skim long mun Epril 2008 long helpim na strongim teknikal na vokesinol save long ol yut bilong yumi. Long 2008 na 2009, dispela skolasip i bin spona long 702 ol skul na non-skul liva long go insait long ol kain kain tred kos insait long sampela ol teknikal na vokesinol skul insait long siti.

Mipela i karimaut wankain program long 2010 na husat sumatin i soim intares i ken aplai yusim ol gaid-lain na rot long kisim sumatin i stap daunbilu.

Wankain program bai kamap long 2010 na husat ol student i gat intares i ken aplai yusim ol gaid-lain na rot long kisim ol student i stap daunbilu.

Em i bikpela samting tru olsem ol manmeri long pablik, papamama bilong ol skul-livas, ol lain husat i laik skolasip na ol lain i gat intares i mas kisim gut ol toksave long as tingting bilong dispela Skolasip Skim.

Dispela ol Polisi Gaidlain i stap daunbilu i kamap long toksave long olgeta lain husat i gat intares long dispela skolasip na bai ol i save gut long wanem rot long bihainim long aplai, wanem as tingting bilong dispela skolasip na husat tru dispela skolasip bai helpim. Plis, ridim gut ol dispela gaid-lain pastaim long yu aplai long skolasip, nogut bai yu ino amamas na bai yu wari bihain.

**LUKLUK-IGO PAS**

Long strongim ol yangpela manmeri (yut) long sait bilong givim Teknikol na Vokesinol Skills Developmen Trening Skolasip.

**AS TINGTING**

Long givim moni sapat long moa long 500 skul na non-skul liva insait long 2010 na 1000 studen long ol yia i kam bihain.

**JENEROL GAIDLAIN BILONG NCDC TVET SKOLASIP**

Dispela ol rot em olgeta i mas bihainim long makim husat lain long kisim spona aninit long NCDC Teknikol na Vokesinol Edukesin Trening Skolasip Skim

1. Dispela skolasip em bilong ol Vokesinol na Teknikol Skis Developmen Trening tasol. Em i lukluk long kamapim ol

Mekanik, Kapenta, Plama, Metol Febriketas, Weldas, Auto ilektrisen, friza mekanik na ol narapela.

2. Dispela skolasip em bilong ol Skul Livas na Non-Skul liva husat i pinisim fomal edukessin insait long Nesinol Kapitol Distrik na ol bai kisim nambawan luksave.

3. Ol lain husat i pinisim fomal edukessin bilong ol autsait long NCD INO INAP stap insait long dispela skolasip tasol bai i gat luksave sapos i gat ol risoses i stap na spes i stap long ol institusen.

4. Dispela NCDC TVET Skolasip Skim i lukluk long developim ol skul liva na non-skul liva wantaim vokesinol, teknikal na laik skils. Olsem na, em bilong ol lain husat i laik stap insait long vokesinol na teknikal koles tasol.

5. NCDC TVET Skolasip ino sapotim skul fi bilong ol sumatin i gohet long edukessin long normal skul we ol i mekim gret 6 igo long yunivesiti level.

6. I gat liklik namba bilong ol Vokesinol Sentas na Teknikol Koles em Nesinol Dipatmen ov Edukesin i luksave long ol insait long Nesinol Kapitol Distrik. Ol Skul na Non-Skul liva husat i kisim spona aninit long NCDC TVET Skolasip Program bai go long ol dispela institusen tasol, sapos i gat spes na ol i bihainim stret wanem dispela institusen i laikim.

7. NCDC TVET Skolasip bai peim 75% bilong skul fi bilong wan wan Skul na Non-skul liva long go long wanpela teknikal na vokesinol institusen em Nesinol Dipatmen ov Edukesin i luksave long en.

8. Skul o non-skul liva em kisim spona long stap insait long wanpela kos long wanpela teknikal o vokesinol institusen em Nesinol Dipatmen ov Edukesin i luksave long en bai peim 25% skul fi olsem kontribusen. Ol i mas givim risit wantaim aplikasin

9. Ol Prinsipol bilong wan wan instituen i gat olgeta atoriti long putim ol lain i gat skolasip long ol kos em i go wantaim laik na save bilong ol. Ol lain i holim Skolasip bai ino inap kros wantaim Prinsipol long kisim wanpela kos long laik bilong ol yet. Disisen bilong Prinsipol long wanem kos ol i givim em fainol.

10. Ol Praivet koles na Teknikol institusen em Nesinol Dipatmen ov Edukesin ino luksave long en na ino gat samting o spes long trenim ol sumatin em ol i no inap stap insait long dispela. Ol TVET institusen bai gat luksave na moa luksave bai go long ol pastaim long ol narapela institusen.

11. Sapos wanpela man i kisim spona aninit long NCDC TVET Skolasip Skim i tingting long widro ol lusim dispela kos, ol hap mani bai go bek long NCDC na ino inap go long dispela sumatin. Dispela i min olsem, olgeta rifan bai go bek long NCDC na nogat narapela lain.

12. Aplikasin bilong NCDC TVET Skolasip i kam bihain long klosing deit em ol bai ino inap kisim.

13. Disisen bilong NCDC TVET Skolasip em fainol na

nogat moa ol pepa wok bai kamap namel long lain i aplai long Skolasip.

14. Skul na Non-Skul Liva bai ino inap kisim luksave long moa moni-helpim aninit long Skolasip sapos ol i no enrol o go long dispela skul ol i makim long en na sapos ol ino mekim gut skul wok bilong ol.

15. Olgeta lain i holim Skolasip bai stap aninit long lukaut na was bilong Ofis bilong Gavana bilong NCD long olgeta taim bilong yia.

16. Ol lain i holim Skolasip bai bung wantaim ol wokman meri bilong Ofis bilong Gavana bilong NCD long wan wan taim wantaim tu ol lain bilong Menesmen bilong ol wan wan institusen.

17. Ofis bilong Gavana bai wok na toktok oltaim long kamapim gutpela wok bung wantaim Menesmen bilong olgeta institusen we ol sumatin igo kisim ol kos aninit long dispela skolasip.

18. Ol sumatin i holim Skolasip i laik widro long kos long wanem institusen mas givim gutpela toksave long wanem as tru ol i laik widro.

19. Dispela Skolasip bai ino inap spona long seim man o meri long go long narapela kos long narapela institusen.

20. Dispela Skolasip em bilong man na meri wantaim na jenda balens bai gat bikpela luksave long en. Dispela i min olsem 50% bilong ol sumatin bai man na narapela 50% bai ol meri.

21. Dispela skolasip em ino bilong ol Skul liva na Non-Skul Liva husat i laik go mekim TVET kos autsait long NCD mas ki olsem dispela lain i mekim fomal skul bilong ol insait long NCD.

22. NCD TVET Skolasip lain must noken stap long narapela skolasip taim ol i stap yet aninit long NCD TVET Skolasip. Ol lain husat i stap long narapela skolasip bai lusim NCD Skolasip bilong ol.

23. Wanem ol Institusen o skul we ino bihainim dispela polisi o sapos i giaman long kisim Skolasip bai goaut o bai ino moa stap insait long list.

24. Ol Aplikasin i open long taim dispela edvataismen na bai pas long 13th Novemba 2009. Ol lain i laki wantaim long aplikasin bai kisim toksave bilong o long Mande 14th Novemba 2009.

25. Yupela i ken kisim ol Aplikasin foms long Mista Julius Tamah long Palamen Haus, Mista Andrew Auna long Ilektor-eit Ofis na Mista Justine Alu long Lagatoi. Yu ken bringim ol aplikasin yu pulapim pinis long dispela ol lain bihain.

**AUTHORISED BY:**

.....  
Hon. Powes Parkop, LLB,LLM,MP  
Gavana na Rijiinol Memba bilong NCD

**ROT LONG BIHAIN LONG SELEKSIN**

**O**l Skul o Non-Skul liva husat i laik aplai na kisim luksave long skolasip mas bihainim stret ol rot bilong seleksin. Sapos yu no bihainim dispela aplikasin bilong yu bai ino inap kisim luksave.

1. Man/meri lukluk long kisim spona aninti long dispela skolasip i mas pinisim gret 6 igo 12 insait long las tupela yia igo pinis long wanpela skul insait long Nesinol Kapitol Distrik.

2. Lain husat i pinisim fomal edukessin autsait long NCD INO INAP long stap insait long dispela skolasip tasol bai gat luksave sapos i gat ol risoses na spes long institusen;

3. Papamama bilong ol sumatin i laik long kisim dispela skolasip mas kisim moni mak olsem K10,000 o daunbilu

insait long wan wan yia.

4. Femili bilong ol lain i laikim skolasip mas stap hia long NCD na stap olgeta taim insait long las tupela yia.

5. Ol lain husat i laikim skolasip mas

a) Soim pei-slip bilong papa o mama bilong em long soim olsem ol i save kisim K10,000 long wan wan yia o daunbilu long en.

b) Wok long taim em i putim aplikasin

c) Noken stap long narapela skolasip long taim em aplai long NCD Gavana's Skolasip Skim

6. Soim refrens i kam long klas-tisa o prinsipol bilong skul ol i pinis long en ino long taim igo pinis

7. Soim refrens i kam long kaunsila, Komuniti lida o wanpela Sios Pasto husat i stap long NCD.

8. Soim wanpela leta we i givim tok-orait i kam long institusen ol i laik go kisim Skills Developmen Trening


9. Ol Skul liva husat i pinisim Gret 6 o 12 long narapela provins ino inap stap insait long dispela skolasip.

10. Wanpela Skul liva tasol long wanpela femili bai kisim spona aninit long dispela skolasip.

11. Ol lain i putim aplikasin wantaim giaman skul pepa bai ino inap kisim luksave o spona.

12. Ol lain husat kismas bilong ol i antap long 25-yia ino inap stap long dispela skolasip.

13. Disisen bilong skolasip seleksin Komiti bai fainol na



**HELPIM:** Loya Kelly Naru (raitan) wantaim Deputi Praim Minista Puka Temu I sanap fran long nupela sain long Baraumataa SDA sios long Cloudy Bay LLG long Abau distrik. *Poto: James Kila*

## Sen Lawrence Praimeri skul kisim helpim long PNGSDP

WANPELA skul we Angliken Sios i papa long em na i stap insait long Simbai Lokol Level Gavman eria bilong Madang provins bai kisim helpim long sanapim ol klasrum na haus tisa i kam long PNG Sastenebol Dvelopmen Program Limitit (PNGSDP). PNGSDP i givim K228,880 i go long Sen Lawrence Simbai Praimeri skul long sanapim wanpela haus slip bilong tisa, tupela haus slip bilong ol wokman na wanpela dabel klasrum bilong ol Gret 7 na 8 sumatin long dispela skul. Long las wik Sarere, Oktoba 22, Dairekta bilong PNGSDP Donald Manoa na Jenerel Sekreteri bilong Angliken Sios long PNG, Richard Rabiafi i bin sainim wanpela agrimen long Lae, Morobe provins. Taim Mista Rabiafi i autim. bikpela tok tenkyu i go long PNGSDP, em i bin tok em o gat bilip dispela bai kamapim gutpela samtign insait long komyuniti na dispela i kamap bikos long gutpela helpim PNGSDP i givim. Em i bin tokim ol lain i kisim helpim bilong noken sindaun na lukluk tasol long helpim i kam tasol long yusim gut dispela sapos we bai helpim gut ol.

Dairekta Manoa i bin autim tok amamas bilong em long PNGSDP i wok wantaim planti ol sios insait long kantri bikos ol i gat gutpela rekot bilong wok wantaim ol komyuniti i stap long ol longwe ples. "Mipela i save amamas long givim mani helpim i go long ol oge-naisesen i save mekim wok long sevim ol ruel komyuniti. Wanpela bikpela samtign we PNGSDP i laikim em long helpim ol ruel komyuniti i mekim ol wok long kisim mani long em. Dispela em namba tru helpim mipela i givim i go long Angliken Sios," Mista Manoa i tok. Dispela projek long Sen Lawrence bai helpim klostu 6,000 pipel i stap long Simbai LLG eria na moa yet, ol pikinini meri i go long skul. Edukesen em i wanpela eria we PNGSDP i saposim bikos em bai helpim gut pipel na komyuniti i lukim na kisim senis long ol yet, famili, komyuniti na kantri. Mista Manoa i tok tenkyu i go long ol pipel bilong Westen provins husat i papa bilong Ok Tedi Main we mani em i mekim em i tilim aninit long PNGSDP na helpim tu ol pipel bilong olgeta hap long PNG. Em i helpim we Sen Lawrence i kisim em ol i ken lukim olsem hap presen i kam long ol pipel bilong Westen Provins.

Dispela em wanpela strongpela toktok tru wanpela praivet loya, Kelly Naru I bin mekim long ples Baraumataa insait long Cloudy Bay LLG insait long Abau Distrik long Sentral provins taim em I bin go long hap long givim K20,000 long saposim wok bilong dispela komyuniti long wokim nupela haus-lotu bilong ol. Mista Naru, husat I prinsipol bilong Kelly Naru Loyas I bin go long dispela seremoni long Baraumataa long luksave long wok bilong ol Kristen manmeri long dispela ples long surikim I go moa bilip ol I gat na tu long developmen ol Kristen manmeri na pikinini long dispela eria.

# Kelly Naru Loyas strongim Kristen pasin long helpim narapela

JAMES KILA I raitim

**GUTPELA Kristen pasin bilong givim na helpim wanpela narapela I ken mekim bikpela senis na blesing insait long wan wan laip bilong yumi ol manmeri, viles, komyuniti, distrik na kantri bilong yumi PNG.**

Dispela em wanpela strongpela toktok tru wanpela praivet loya, Kelly Naru I bin mekim long ples Baraumataa insait long Cloudy Bay LLG insait long Abau Distrik long Sentral provins taim em I bin go long hap long givim K20,000 long saposim wok bilong dispela komyuniti long wokim nupela haus-lotu bilong ol.

Mista Naru, husat I prinsipol bilong Kelly Naru Loyas I bin go long dispela seremoni long Baraumataa long luksave long wok bilong ol Kristen manmeri long dispela ples long surikim I go moa bilip ol I gat na tu long developmen ol Kristen manmeri na pikinini long dispela eria.

Sapot Mista Naru I givim em long tajm tu we I lukim Baraumataa SDA Sios I selebretim 66-Krismas bilong en long wok bilong sios.

Dispela seremoni I lukim tu Deputi Praim Minista na Minista bilong Lens na Psikol Plening, Sir Puka Temu I stap long en long givim toktok insait long ilektoret bilong em long Abau distrik.

"Mi wanpela Luteran Sios memba tasol yumi olgeta em brata susa na sapos yumi olgeta I senisim bilong yumi na bihainim gutpela tingting na Tok bilong baibel, yumi bai lukim planti gutpela samtign I kamap insait long kantri bilong yumi," Mista Naru I tok.

"Long dispela as tasol mi wok long givim ol helpim igo long ol Sios bikos Baibel I tok olsem sapos yu givim bai yu kisim planti blessing," Mista Naru I tok.

Em I tok tu olsem PNG em wanpela Kristen kantri na Papa God I blesim dispela kantri, na em I ken lukim planti blessing sapos ol pipel I bihainim tupela

bikpela toktok insait long baibel. "Nambawan em yu laikim tru Bikpela God bilong yu, na namba tu em yum as laikim ol narapela olsem yu laikim yu yet," Mista Naru I tok.

Insait long wanpela wik tasol, Mista Naru I bin givim moa long K80,000 igo long ol kain kain ol sios na grup husat I nidim halivim. Em I givim Oro Luteran Sios K30,000, Tim Oro K2000, Marimari Luteran Sios long Mosbi K10,000, Tim Morobe 10,000 na Baraumataa SDA Sios K20,000. Mista Naru I helpim tu wanpela poroman loya bilong ples Tubusereia wantaim K12,000 long go kisim medikol helpim long Singapo.

Mista Naru I helpim tu planti ol sios wantaim donesin long Morobe na Hailens rijon.

Em I givim moa long K600,000 moni I kam long loya kampani bilong em bikos strongpela bilip bilong em olsem taim em I givim helpim ol bai I ken kisim blessing.



NATIONAL CAPITAL DISTRICT COMMISSION

## PABLIK NOTIS

### SITI MENESA TOK LUKAUT LONG OL KON MAN

Dispela em pablik tok-lukaut igo long olgeta bisnis na ol wan wan man meri insait long Nesinol Kapitol Distrik.

Mipela I kisim sampela toksave pinis olsem I gat wanpela konman/giaman man huat I wok long yusim nem bilong Siti Menesa (Lesley Alu) long askim ol kontrakta, divelopa na ol klaints bilong NCDC long kisim moni na givim aut ol wok projek.

Olgeta lain husat I save long dispela kon-man I mas sekim wantaim ofis bilong Siti Menesa pastaim long yu mekim wanpela pepa wok.

Plis givim ripot long ol kain giaman wok igo long Seketeri long Ofis bilong Siti Menesa on 3240707 o salim e-mail long [Kenina V@ncdc.gov.pg](mailto:Kenina.V@ncdc.gov.pg) long save moa long wane mol kleim o projek wok.

Helpim bilong yu bai I ken stopim kain pasin nogut long kamap.

**Leslie Alu**  
Siti Menesa



**PNGSDP GIVIM LONG ANGLIKEN SIOS:** Sekreteri bilong Angliken Sios long PNG, Richard Rabiafi i kisim sek mari long Dairekta bilong PNGSDP, Don Manoa insait long wanpela seremoni long Lae.

# Las bung bilong askim na save

**KAMAP bilong nupela helt plen we bai stap long tupela tok bai karim tingting bilong gavman long wok na kamap bilong helt long plen long narapela 40 yia.**

Dispela plen bai go wantaim Nesenel Stratejik Plen (2010 i go long 2050) bilong gavman.

Dispela ol tok bai kamap taim Dipatmen bilong Helt i kamapim las rijenel bung bilong en long askim na save. Dispela las bung em ol bai kamapim wantaim ol helt opisa bilong Niugini Ailan rijen long Kimbe, Wes Nu Briten provins dispela wik.

Dipatmen i holim pinis bung wantaim ol narapela tripela rijen pinis. Na ol toktok i kamap long dispela kibung i bilong helpim ol rijen long wok bilong helt long narapela 10-pela krismas.

Het tok bilong bung em "Mipela ol manmeri bilong Papua Niugini i laik kamapim kantri we i stap gut, amamas na i sanap olsem wanpela kantri, bai helpim gut dipatmen long dispela taim."

Dispela helt plen bai i gat tripela bikipela hap tok em long strongim wok bilong helt, givim gut sevis i go



**KAMAPIM WOK:** Mista Malau redi long go pas long plen na kamapim wok.

long ol manmeri na luksave long ol bikipela salens i kamap long helt sevis.

Namba wan wok bilong redim dispela ol tok bai kamap long Februari long 2010 na putim aut bilong dispela plen bai kamap

long Julai, 2010.

Dispela namba wan hap bilong wok wantaim astingting em ol sinia eksekutiv bilong menesmen bilong Helt Dipatmen i raitim pinis.

Dispela namba wan hap tok i

gat ol toktok bilong astingting, driman bilong ol toktok, ol pasin ol i sanap strong long en (values), prinsipel bilong karimaut ol toktok.

Helt advaisa bilong Galp provins Ben Bal i amamas long kain ol dispela bung na i tok tenkyu long dipatmen. Em i tok kain plen bai helpim dipatmen long kamapim helt sevis we bai strongim ol manmeri.

Toktok bilong Mista Bal i bihainim tingting bilong planti ol opisa bilong helt husat i kamap long dispela ol bung.

Plening tim lida na eksekutiv menesa bilong Helt Dipatmen, Elizabeth Gumbaketi, i tok astingting bilong dispela bung i bilong givim sans long ol helt opisa, provinsel gavman na ol atoriti long givim tingting bilong ol na kamap wantaim wanpela 10-yia helt developmen plen.

Wok bilong nupela plen i stat long Mas dispela yia na i kamap bihainim askim i kamap bilong 2009 Nesenel Helt Kibung long Goroka, Isten Hailans provins.

## Asosiesen askim long moa mani long strongim helt wok

Paul Zuvani i raitim

JENEREL Sekretari bilong Papua Niugini Helt Woka Asosiesen, James Amuna, i askim ol provinsel na nesenel gavman long putim moa mani long helt sekta na strongim wok kamap.

Em i tok olsem longpela taim gavman i wok long mauswara tasol na i no mekim wanpela gutpela wok long sapatim sekta, olsem long stretim ol pe, haus bilong ol wokmanmeri long stap.

Em i tok planti bilong ol samting long sekta i bruk pinis na i no longtaim ol wokmanmeri bai lusim wok i go aut na i no inap long givim sevis moa.

"Gavman olgeta taim i tok em i gat planti mani na i save redi long givim gutpela sevis long ol wokmanmeri.

"Olsem na mipela i tok nau em i taim bilong em i mekim wanem samting oltaim em i save tok na i laik long mekim.

"Wok bilong helt na edukesen i save go wantaim," Mista Amuna i tok.

## Rit na rait na strongim kantri, Se Michael i tok

SAVE bilong rit na rait i bikipela samting long laip bilong ol manmeri. Olsem na Mama Lo bilong kantri i gat tok bilong dispela samting.

Praim Minista Gren Sif Se Michael Somare i mekim dispela tok long taim em i opim Yunivesel Besik Edukesen (Universal Basic Education o UBE) Plen (2010 i go inap long 2019) long Papua Niugini (PNG) Edukesen Institut long Mosbi las wik Fraide.

Se Michael i tok edukesen o skul i as bilong olgeta gutpela sindaun, olsem na gavman i mas givim gutpela na bikipela sapat long en.

Taim ol manmeri i save long rit na rait em i ken go het long mekim ol arapela samting. Na taim ol manmeri i mekim ol arapela samting dispela bai helpim sindaun bilong ol yet, long komyuniti na long kantri wantaim, em i tok.

"Mipela i luksave na i bilip olsem wantaim kain save, PNG i ken kamap gutpela moa," Se Michael i tok.

Em i tok olsem mak bilong ol manmeri husat i mas go long skul i stap daunbilo yet na i gat planti pikinini husat i no skul inap gret 6 o



**SKUL:** Save long rit na rait i bikipela samting.

8 na lusim skul.

"UBE plen bai helpim na lukim olsem namba bilong ol pikinini i pinisim besik edukesen," Se Michael i tok.

Milenium Developmen Gol (MDG) i tok olsem long 2015 inap olsem 90 pesen (%) bilong ol pikinini i mas stap long skul na i pinisim besik edukesen.

Gavman na Dipatmen bilong Edukesen i tok bikos long kain sindaun bilong kantri em i bilip olsem kantri inap long kisim tasol 70 pesen na bihain traim long go moa long 90 na 100 pesen.

Em i gutpela nius tu long ol papamama husat pikinini bilong ol bai stap long elementari skul long 2010. Ol bai i no inap baim skul fi.

Dispela i namba wan stat bilong Fri Edukesen polisi we nenesel gavman i laik kamapim long ol yia i kam. Bihain long wanwan yia gavman bai pinisim wok bilong sasim ol pikinini long skul fi i go inap long gret 12.

Edukesen Dipatmen bai yusim inap olsem K16 bilion long UBE plen bilong en.

## UBE sanap long faivpela tok

YUNIVESEL Besik Edukesen (Universal Basic Education o UBE) plen i kamap bihainim 5-pela as tok.

Dispela ol as tok em:

- MAMA Lo bilong kantri i tok long em i rait bilong ol pikinini long go long skul;
- MILENIUM Developmen Gol (MDG) 2 i tok Yunivesel Praimeri Edukesen. I olsem Yunaitet Nesen (United Nation o UN) i laik lukim olsem long 2015 planti pikini-

ni i stap long skul na i save long rit na rait, em long ol pikinini man na pikinini meri wantaim;

- UN (UNICEF) i tok long rait bilong pikinini olsem go long skul i wanpela bilong dispela ol rait;
- MIDIUM Tem Developmen Strateji (MTDS) namel 2005 i go long 2010 we em i gavman polisi i tok strong long olgeta manmeri i mas gat save bilong rit na rait; na

- EM i Nesenel Edukesen Plen namel long 2005 i go long 2014 long lukim olsem polisi bilong Edukesen Dipatmen i bihainim toktok i stap long Mama Lo bilong kantri na long MDG bilong UN.


UBE plen em olsem olgeta pikinini husat krismas bilong ol i stap long mak bilong skul i mas pinisim 9-pela yia bilong skul na i gat save bilong wokim o kamapim ol samting.

Minista bilong Edukesen, James

Marape, i tok maski sampela lain i tok em bai hat long kantri i bungim mak bilong MDG long 2015 tasol wantaim sapat bilong gavman em i bilip PNG inap bungim dispela mak.

"Mi laik lukim olsem long 2015 inap long 70 pesen bilong ol pikinini i stap long skul," Mista Marape i tok.

Em i tok krismas bilong ol dispela lain bai stap namel long 5 i go inap long 15.



# DAIHATSU

# WOK I LAIKIM TRAK BILONG WOKIM MOA WOK



**NUPELA TRU  
OL I REDI  
LONG GOAUT  
TASOL**

*New Em*

# K77,990

**DRAIVIM IGO!**

**✓ PRAIS ✓ STAP LONG TAIM ✓ WOKIM MOA WOK**

**Ela Motors**



**HARIAP NOGUT BAI STOK PINIS!**

Port Moresby.. Ph 3229400	Kimbe.... Ph 9835155	Wewak...Ph 8562255
Lae..... Ph 4781800	Lihir..... Ph 9864099	Vanimu...Ph 8571254
Kokopo..... Ph 9829100	Buka..... Ph 9739915	Tabubil... Ph 5489060
Madang..... Ph 8522188	Goroka... Ph 7321844	Porgera.. Ph 5479367
Mt. Hagen..... Ph 5421888	Kavieng.. Ph 9842788	Alotau... Ph 6410100



Conditions Apply . [www.elamotors.com.pg](http://www.elamotors.com.pg) . Spesel Bai Pinis long : 31/10/2009.

Your First Choice

EM10204

# Tok ples Baibel bilong ol Hube

## Bustin Anzu i raitim

**OL pipol bilong Hube insait long Pindiu distrik bilong bus bilong Finschhafen bai igat Baibel bilong ol yet long tok ples bilong ol.**

Planti manmeri bai igo bung long lukim dispela lonsing bilong Baibel na tu wanpela Sande skul program long Niu Rok Blok (New Rocks Block) long Lae na witnessim dispela program.

Mausman na siaman bilong dis-

pela bung Dede Dixie Sewey i tok dispela lonsing bai traime na senisim pasin na laipstail bilong ol pipol bilong Kuwe (Hube) insait long kantri.

Em i tok dispela em namba wan taim bilong ol pipol bilong Hube long igat Baibel long tok ples bilong ol yet. Dispela tu bai senisim pasin na kastom bilong ol long wanem, dispela pasin kastom na pasin bilong ol i lus taim ol pasin bilong waitman o Westen i kam insait na bagarapim ol yangpela

bilong ol. Na planti bilong ol ino gat pasin bilong kastom olsem respek na harim tok.

"Planti bilong ol yangpela long nau sapos yu askim ol long harim tok long wokim haus lotu o wokim sampela komyuniti wok insait long ples, ol bai sakim tok tasol na kirap igo. Na dispela i soim olsem ol ino bihainim kastom na pasin bilong ol long ples long harim tok na bihainim," em i bin tok.

Mista Sewey i tok ateng moa beta ol i kisim bek pasin kastom na

pasin bilong respek igo bek gen long ol wantaim ol kain samting olsem wantaim tok bilong Bikpela yet wantaim Baibel long tok ples bilong ol yet.

Em i tok dispela Westen laipstail o kastom na pasin bilong ol waitman i kilim planti pasin bilong ol long ples na planti bilong ol yangpela bilong nau ino save moa long ol pasin na laipstail bilong ples na dispela tu i lukim planti samting long ples ino ron gut stret na sapos ol ino mekim wanpela sam-

ing nau, ol yangpela bilong bihain bai paul olgeta long pasin na kastom bilong ol.

"Mipela i mas mekim sampela samting nau long stopim ol yangpela long lo na pasin kastom bilong ol nau long stretim sindaun bilong ol yangpela long bihain taim," em i tok.

Gavena bilong Morobe Provins Luther Wenge, Provinsel Administrata Kemas Tomala na namba tu het bisop bilong Luteran Sios bilong Papua Niugini Zau Rapa bai kamap long dispela bung.

## Meri Laipstail...

# Tok sori long Sisi

### BUSTIN ANZU i raitim

**OL GUTPELA tok pilai na pani bilong em -taim em lap, bai yu tu ken lap nating taim yu lukim pes bilong em. Em ino gat kros long pes bilong em, em i no save sem long toktok wantaim wanem kain man o meri em i bungim, em pasin na wel bilong em.**

Olgeta manmeri husait i save long, save kolim em Sisi - sot kat nem bilong em.

Taim em i toktok, tit bilong em i save sain na wait olsem laitning na em i gat bikpela bodi na traipela yangpela meri.

Sapos em man ateng em inap pilai namba 8 bilong All Blacks long Niu Silan, long wanem, planti Niue i save stap long Niu Silan na pilai long dispela ragbi tim.

Tasol ol dispela pasin, stail na wok-about bilong em ino moa stap. Taim em i dring wara long wanpela sip bilong Ailan kantri Tonga, olgeta i lus wantaim.

Dispela em stori bilong wanpela yangpela polimeri bilong kantri Niue. Niue em wanpela liklik kantri, klostu long ol narapela kantri olsem Samoa, Cook Ailan na Tonga.

Namba bilong manmeri long dispela hap em samting olsem 1800, yes em populesen bilong ol. Na igat 16-pela polisman meri i lukautim ol dispela populesen.

Dispela kantri em i bin stap aninit long lukaut bilong Niu Silan na bihain kisim independens. Olsem na planti samting long kantri bilong ol, em Niu Silan igo pas. Planti bilong ol tu, i save stap long Niu Silan na kamap sitizen.

Sisilia Pulheloto, husait igat 23 krusmas i bin go wok long Solomon Ailan aninit long RAMSI wok program long pinis bilong 2008. Na em namba wan polimeri bilong Niue i joinim dispela pis kiping misin.

Insait long dispela wok program, polisman meri bilong 16-pela kantri i stap na wok wantaim. Planti bilong ol dispela em insait long Pasifik tasol, bihain long bikpela hevi bilong lo na oda.

Em i wok long opis bilong Komyuniti Rilesens bilong RAMSI polis o PPF (Participating Police Force) long mekim wok aweanes bilong wok bilong PPF na RAMSI.

Ol opisa bilong Pasifik igat 12-pela mun long wok long dispela hap na insait long dispela, ol i save kisim 2-pela brek o malolo taim.

Long Sisi, narapela sot kat nem bilong em, em i kisim wanpela long stat bilong yia na em i bin go long ples. Em i kam bek na wok na bihain, long mun Julai, em i kisim narapela gen. Dispela taim em i

bungim hevi long Solwara na em i dai.

Em i go long kantri bilong em Niue na stap sampela taim na bihain, igo long Tonga long lukim tumbuna mama bilong em. Em i lukim pinis na klostu long taim bilong kam bek long wok long Solomon Ailan olsem na em i kalap long wanpela sip bilong ol Tonga na sel igo.

Long Honiara, ples we Sisi i wok long sotpela taim, planti manmeri i bin kam long kem bilong PPF long GBR (Guadacanal Beach Resort) long tok gutbai long em.

Em i gat planti lain wantok na poroman na poromeri husait i kam long luksave long wok bilong em wantaim misin long sotpela taim.

Long dispela taim bilong tok gutbai, Spesol Kodineta bilong RAMSI Graeme Wilson i tok RAMSI bai sori tru long lusim Sisi.

"Long planti rot, Sisi i bin mekim planti pren, aninit long dispela het tok bilong RAMSI, 'Helpem Fren'. Wokabout bilong em na pasin bilong i save kilim em. Em i gat planti fren taim em i raun na mekim wok bilong em. Em i kam bilong helpim ol manmeri bilong Solomon Ailan long stap gut na ino gat hevi moa.

"Ino long ol wanwok bilong em tasol, olgeta lain long Honiara em i save long ol. Ol tu i tingting sori long dispela taim nogut," em i bin tok.

Spesol Kodineta i bin tok tu olsem RAMSI i stap long bel sori wantaim ol famili bilong ol manmeri bilong Tonga husait i bin kapsait na idai long dispela taim tu long dispela sip Princess Ashika long Ogus 5.

Komanda bilong PPF Wayne Buchhorn i bin tok Sisi, em planti manmeri i save long em. Em wanpela bilong tupela Niue polis opisa i wok long misin na tu, Sisi em namba wan polimeri husait i makim kantri bilong em na kam wok long dispela misin.

"Long wok bilong em wantaim Komyuniti Rilesens, em i kisim planti luksave. Ol smails bilong em na pani bilong em i mekim na planti lain i save long em hariap tru.

"Em i bungim planti ol NGO na ol narapela lain manmeri. Dispela luksave i gro hariap tru long wok bung wantaim," em i tok.

Em i tok 16-polis opisa long kantri bilong em yet long Niue bai misin em tru na tu, ol narapela lain insait long wol we em i bungim ol long sotpela taim.

Dispela funeral sevis em ami saplin (Chaplin) Padre Darren O'Callaghan i holim na planti ol lain wan wok bilong em i kam witnessim. Planti bilong ol dispela lain husait i bin igo i bin stori long ol smails bilong em na pasin bilong em long



Poto i soim Sisi (I) wantaim narapela tupela wanwok bilong em long Solomon Ailan long las yia.

pilai wantaim ol pikinini.

Wanpela bilong ol dispela lain husait i bin go bin tok: "Mipela laikim planti long ol kain meri olsem i mas kam na wok long wanem, ol bai helpim ol pikinini bilong mipela."

Komanda bilong ol Pasifik Ailan Polis long PPF i tok Sisi em wanpela bilong ol dispela yangpela meri we save go bilong em yet long wokim ol gutpela samting.

"Em i wanpela yangpela meri husait i gat bel bilong laikim olgeta manmeri. Tasol God yet igat plen bilong em na kisim em bek hariap tru," polis opisa bilong Fiji Sala Vakaturigani i bin tok long dispela taim.

Long taim bilong sip igo sink long solwara na nius bilong Sisi i kisim RAMSI, ektim Spesol Kodineta Justin Fepulea'i i bin tok sori igo long ol lain famili bilong Sisi long Niue na tu, ol pren na wantok bilong ol Tonga polis husait i wok na stap wantaim dispela misin.

Long dispela taim yet, ektim spesol kodineta i bin singautim Niue Polis Komisina Ross Arden, long pasim tok sori bilong ol lain long RAMSI igo long ol lain famili na pren bilong Sisi.

"Em wanpela meri husait i save wok hat tru taim em i joinim dispela PPF Komyuniti Rilesens na planti lain ol i save long em.

"Long dispela aweanes na autris program, em i save go pas long mekim ol wok taim em i joinim dispela tim long las yia Oktoba," em i bin tok.

Olpela komanda bilong PNG Polis long kontijen 6 long dispela misin, Jack Wek i bin tok sori tru long wanem samting i bin kamap.

"Mipela olgeta i save long em long pasin bilong em na ol maus wara toktok na tok pilai. em tu i save gut long olgeta lain long misin tasol nau bai ol i lusim em.

"Em i bin go stap long nem bilong pis kiping misin olsem mipela na kamapim wanbel na amamas long dispela kantri. Nau bai ino gat Sisi moa, sori tru," em i bin tok bihain long harim nius olsem Sisi i dring wara na lusim laip bilong em.

Olpela wanwok bilong em wan-

taim PPF Komyuniti Rilesens Dulcie Siaguru, Sisi em wanpela gutpela eksampil o piksa bilong RAMSI long kamapim gutpela sindaun.

"Pasin save kilim em na em ino save kros. Em meri bilong tok pilai wantaim husait lain em i bungim na tu, em i meri bilong wok stret," em i bin tok long Lae, bihain long harim olsem em i bin dai long Tonga.

Em i tok smail bilong em i save mekim na planti pikinini bilong Honiara i save laik long tok pilai na pani wantaim em. Em i trupela rol model bilong RAMSI polis.

Long mi yet, Sisi i kam wok wantaim mi na Dulcie long komyuniti rilesens seksen. Mi painim em wanpela yangpela meri we ino save sem na nogat kros. Olgeta taim bai em i smail na askim moa askim long painim aut long sait bilong wok na raun.

Ino RAMSI tasol i lusim em tasol dai bilong em i mekim kantri bilong em na polis fos long Niue i lusim wanpela wokmeri bilong ol na sotim tu namba bilong polis fos i go daun long 15.

Ms Puleheloto i bin go kisim wanpela mun malolo long ples bilong em na bihain igo long ples bilong tumbuna mama bilong em long Kingdom bilong Tonga na bungim dispela hevi.

Dispela wokabout bilong em igo long Tonga tu em namba wan wok-about bilong em na em inap igo bek long Solomon Ailan long namel bilong mun Ogus (las mun).

Dispela sip, MV Princess Ashika em wanpela sip bilong ol Tonga gavman na kepten bilong dispela sip i luksave long hevi bilong sip na i no laik igo. Dispela sip tu ino registra long raun long solwara tasol ol i in fosim em long igo long wanem, long mekim mani.

Dispela sip bilong Tonga gavman; husait igat 34 krusmas i sink 90 kilomita o 11 notikol (nautical) mail notis long big taun bilong Tonga Nuku'alofa.

Ino lusim Tonga longpela hap na sip i sink igo daun long bik nait bilong Ogus 5. Insait long dispela birua, samting olsem 129 pasindia i lus long solwara: 74 pasindia em ol i

dai wantaim sip na 54 i sef wantaim tupela ded bodi. Sip i sink hariap tru na igo aninit long solwara, samting olsem 110 mita.

O Nevi bilong Niu Silan i bin go long painim aut long dispela sip istap long wanem hap stret.

Komanda bilong dispela oporesen Komanda Andrew McMillan i tok ol i salim wanpela rimot kontrol (remote) sabmarin wantaim kamera igo daun na painim aut olsem dispela sip i bin stap daunbilo. Em i kapsait na narapela sait bilong en, em ino inap soim long wanem, em i pas aninit.

Em i tok dispela masin i kisim piksa bilong narapela sait wantaim registresen namba bilong em na i soim tu olsem igat ol bodi istap insait long dispela sip.

Tonga Polis Komisina Chris Kelley i tok ol ino bin save long hamaspela pasindia i bin ron long dispela taim long wanem, ino gat rektol long soim dispela bilong birua. Faivpela bilong dispela grup em ol bilong ovasis na wanpela em Sisi.

Long tingim dai bilong ol, ol i bin holim wanpela funeral sevis long solwara long ples we ol i go daun long solwara saut-wes long Nomuka Ailan, insait long Hap'apai grup bilong Tonga.

Dispela seremoni em kamap antap long tripela sip, wanpela em pasindia sip bilong Tonga na tupela em patrol bot bilong ami. Ol i sel igo long wanpela gutpela moning taim solwara i slip sori.

300 manmeri, husait i famili na pren bilong ol dispela pasindia husait i lus long solwara, wantaim ol sip kru long MV Pulupakiwere na 100 nevi, 50 long tupela patrol bot.

Insait long dispela princes bilong HRH princes rigen (regeant) Pilelevu Tuita Praim Minista bilong Tonga Dr. Feleti Sevele, sampela gavman opisols na ol narapela foren diplomats.

Namba tu Praim Minista Dr. Viliami Tangi na Polis Komisina Chris Kelley, sampela kabinet ministas bilong palamen na polis bef. i bin stap insait long MV Pulupakiwere

I bin gat narapela sevenpela liklik bot bilong Ha'apai bin kisim tok orait long ron long dispela hap we ol i tambuin.

Pinis long dispela, ol i tromoi wanpela traipela ston, olsem sais na piksa bilong kofin, igat nem bilong ol dispela lain i bin lus long solwara igo daun. Taim em i go daun pinis na solwara i stap isi, ol i tromoi ol plaua igo daun.

"Sori tru, Sisi bai ino inap kam bek gen tasol long husait ol i save long em, em bai stap longpela taim long lewa bilong ol," Wilson i bin tok.

Ms Puleheloto em namba faiv mamba bilong misin husait i painim kain birua olsem na idai, taim RAMSI igo long Solomon Ailan long Julai 2003.

Niue i joinim RAMSI long 2005, tripela yia bihain long RAMSI stap pinis na wok long Solomon Ailan.



## Bai ol i kirapim wanpela tred opis long Vanuatu

OL TRED minista i kam long Pasifik rijen, i tokaut pinis olsem bai ol i kirapim wanpela tred opis long Pot Vila (Port Vila), long Vanuatu, olsem hap bilong wanpela nupela ikononik agrimen.

Ol i bin mekim dispela tingting insait long pinis bilong tupela de kibung we ol i bin tok-tok long wanpela nupela tred na ikononik agrimen, ol i kolim PACER Plus, long Brisben (Brisbane), Australia.

Tred minista bilong Australia, Simon Crean, i bin jonim 14 mausman bilong ol Pasifik Ailan kantri long kibung, we em i tok, em bilong strongim ikononik bilong rijen bilong taim bihain.

Militari o ami gavman bilong Fiji i no bin stap long dispela kibung, tasol wanpela man i bin makim kantri long kibung i toksave long gavman long wanem ol tok ol i bin toktok long en long kibung.

## Federal gavman i tok, difens fos bai no inap i go pas long operesen

FEDERAL gavman bilong Australia i tokaut gen olsem em i nogat ol tingting long larim difens fos i go pas long ol koalisen operesen long Oruzgan provins, long Afganistan (Afghanistan). I gat moa long 1500 soldia

bilong Australia i stap long Afganistan, na planti bilong ol i stap long Oruzgan.

Das (Dutch) gavman i wok long tingting long kisim aut ol soldia bilong em long provins, long Ogas neks yia.

Foren Afes minista bilong Australia, Stephen Smith, i tok, sapos Das gavman i kisim bek ol soldia, ol soldia bilong Australia bai no inap kisim ples bilong ol na go pas long grup i stap long provins.

## Australia kirapim tim long helpim hariap ol manmeri long birua

AUSTRALIA bai kirapim wanpela tim, em ol inap salim kwik long taim bilong birua long ol hap bilong Esia (Asia).

Praim minista Kevin Rudd i bin tokim kibung bilong ol lida bilong ol kantri long Saut Is Esia (South East Asia) long Tailan (Thailand), long dispela tingting bilong em.

Em i tok, dispela tim bai kamapim hap bilong bikpela plen bilong rijen bilong redim militari (ami) na ol manmeri i no stap long ami (o polis) na salim ol i go hariap long ol hap ol birua olsem graunbruk, raunwin na sunami i kamap.

## Bot lus long Pas Solwara

WANPELA bot blong Siapan (Japan) wantaim 8-pela wokman antap long en, i lus long Pasifik Solwara.



Ol lain husat i gat wok long was long ol solwara long Siapan i tok, dispela bot nem bilong en Kofuku Maru, i bin stap 300 kilimita saut long Tokyo, taim em i bin wokim las toktok wantaim wanpela lain bot long Sarere apinun.

Ol dispela atoriti i tok ol i bin salim ol patrol bot na ol helikopta long painim dispela bot, tasol, ol i no painim en yet o ol wokmanmeri antap long en yet.

## Polis bai karimaut wok painim long ol gavman opis

POLIS long Vanuatu i wok long painim aut long planti mani ol i no yusim gut insait long ol gavman opis, wantaim tu nesanel balus kampani bilong kantri, Air Vanuatu.

Supaintenden John Taleo i tok, dispela wok painim bai lukluk tu long Nesanel Benk bilong Vanuatu na Vanuatu Komoditi Marketing Bod.

Em i tok, ol seaholda bilong Air Vanuatu i rausim pinis ol bod bilong dairekta bilong kampani.

## Strongpela guria hamarim Santa Crus ailan

WANPELA strongpela guria, 6.0-strong

bilong en, i bin hamarim Santa Crus (Santa Cruz) ailan long Saut Pasifik (South Pacific), tasol i no bin i gat tok lukaut olsem bai sunami i kamap.

Dispela guria i bin kamap klostu 390 kilomita not-notwes long Luganville long Santo ailan, em hap long ol ailan grup bilong Vanuatu.

Taim stret guria i bin kamap, nogat wanpela toktok i kamap long sunami.

## Sik Swain Flu kalap go long ol narapela hap bilong wol

OL HELT opisel i tok sik Swain Flu (Swine Flu) i wok long hariap tru long kaiap na em i wok long kilim sampela moa manmeri long hap bilong Yurop (Europe) nau.

Namba bilong ol manmeri long ol kantri long wol husat i dai pinis long dispela binatang i kamap bikpela na stap klostu nau long 5000.

Wol Helt Oganaisesen (World Health Organisation o WHO) i tok planti moa long ol manmeri husat i dai long dispela sik em - 3,539 - em ol i bin rejista long ol long Not na Saut Amerika (North and South America).

*Lukim moa ABC Wol na Pasifik Tok Pisin Nius neks wik.*



### NATIONAL MARITIME SAFETY AUTHORITY

## TOKSAVE I GO LONG JENERAL PABLIK NA OL WANWOK Ol Sabstendat Nupela Sip i kam long Ovasis

I no long taim i go pinis, i kamap klia olsem ol nupela sip we ol lokol sip ona na bisnis i wok kisim long ol kantri i stap klostu. Ol dispela ol sip i mas gat setifikesen na tok orait bilong NMSA long wok bisnis, na sapos ol dispela sip i strongpela na gutpela yet, Atoriti bai tok orait long ol i ken kisim long ovasis na i kam.

Tasol, mipela i luksave tu olsem sampela long ol dispela ol sip, maski ol i nupela na kam stret long ol sip, ol i save luk olsem ol i 40 o 60 yia taim ol i kamap long PNG na NMSA i sekim bilong givim setifikesen na registresen.

#### Ol wok painim i tok olsem ol dispela ol sip em:

1. Ol i no bildim gut, (na i nogat banis pen long ausait skin bilong em);
2. Bikpela bilong en long bel na aninit bilong em i liklik moa long 10mm;
3. Stil ol i yusim em i no strongpela - i mas ol hap hap stil ol bungim wantaim gen.

Wok bilong ronim na lukautim sip o planti ol sip i mas i gat ol wokman i gat inap save long mekim gut wok, na i nidim ol bisnismenmeri long bosim ron bilong sip na menesmen, i nidim tu ol savemanmeri bilong mekim dispela wok bisnis i kamap gut. Sapos yu no makim gut sip i ken kaikaim bikpela hap mani bilong yu long wok mentenens, moa long bihainim stret rot bilong kisim sip long PNG.

Sapos yu no sekim gut sip bilong yu, em i ken bagarapim laip, propeti, na solwara tu i ken bagarap, na dispela ol samting bai daunim winmani yu laik mekim. Planti kantri husat i go pas long wok siping i no save

larim ol wan wan manmeri o bisnis i go aut long wok siping taim ol i nogat inap save insait long bisnis bilong ol.

Long dispela, NMSA i givim tok lukaut long ol lain manmeri na bisnis na jenera l pablik long save gut long wok bisnis bilong siping. Sapos i gat narapela ogenaisesen i laik kirapim wanpela sip menesmen bisnis, ol i mas wokbung wantaim ol lain i wok pinis long indastri. Nogat, bai ol i mas gat inap savemanmeri long opis bilong ol pastaim long ol i tingting long go insait long dispela kain bisnis. Astingting bilong dispela notis em bilong tok klia long ol ona na menesa bilong ol sip, bai ol i ken save gut long mekim gut wok.

Olsem Atoriti i go pas long strongim solwara sefti, na strongim ol stendat bilong siping indastri, NMSA i luksave long ol dispela samting, na givim tingting bilong en bilong lukim ol investa insait long kantri i lusim bikpela mani bihain long sampela yia tasol insait long dispela bisnis, na ol 'sip nogut' bilong ol i go drip nabaut long ol solwara bilong PNG.

#### YU MAS KISIM STREPELA TEKNIKAL ETVAIS LONG NMSA PASTAIM LONG YU TOK ORAIT LONG BAIM.

Tok Orait long dispela toksave i kam long:

**CHRIS K. RUPEN**  
Jenera l Menesa

# WANTOK KOMENTRI

## Manmeri stap tarangu yet.

LONG las wik tasol mipela i bin harim Minista bilong Komes na Industri Gabriel Kapris i tok maski i tok olsem Gavman i wok long mekim planti mani tasol ol pipel i stap tarangu yet.

Moa yet em i tok maski dispela kantri i gat planti ol gupela samting tasol sindaun bilong ol manmeri i no gupela.

Minista i bin mekim dispela ol tok long taim em i givim K3.8 milion aninit long Industriel Sentas Developmen Koperesen (ICDC) i go long PNG Pawa long givim pawa long ol pipel bilong em long Maprik, is Sepik Provins.

Em i tok trupela developmen i kamap taim manmeri i mekim samting na sanap long strong bilong ol yet. Long dispela taim Gavman i ken tok developmen i kamap na manmeri gat gupela sindaun.

Long aste tasol Dokta Laurence Chandy, wanpela saveman bilong ikonoms i stap long Lowy Institut long Sidni, Australia i givim wankain tok long makim bilong wok developmen Rapua Niugini i stap daun-bilo yet. Em i tok PNG i stap 148 namel long 182 kantri long wol. Em i mekim dispela tok long Nesanel Riset Institut long Waigani.

Ol manmeri bilong em i stap tarangu yet. Dispela i ken min ol manmeri bilong em i nogat mani long poket bilong ol o ol i no kisim gupela sevis long ol rot, bris, ples balus, haussik na marasin, skul na ol samting bilong lain.

Planti bilong dispela ol samting i no stap na olsem em i ken tok maski PNG i tok em i gat olsem samting tasol ol manmeri i stap tarangu yet. Na nau mipela i harim long radio, lukim long TV na ritim long pepa olsem ol bikpela wok bai kamap long sait bilong Maining na Petroleum, long Agrikalsa, piseri na forestri na kamap bilong dispela ol samting bai sapotim laip bilong ol manmeri.

Yes dispela i tru tasol long wanem taim tru sindaun bilong ol manmeri bai senis. Gavman i wok long kamapim dispela Nesanel Stretetik Plen (NSP) long 2010 i go inap long 2050 long taim em i wok long redi long kamap bilong Likufaid Nuturel Ges (LNG).


Dispela projek em Gavman i tok bai bringim senis long laip bilong planti Papua Niugini manmeri. Tasol Dokta Chandy i tok dispela i no tru taim Gavman i no skelim gut mani em i kisim long dispela ol projek.

Em i tok sindaun bilong ol manmeri i ken kamap gut long taim Gavman i mekim samting tru long wokim ol rot, bris, ples balus, wokim haussik, givim marasin, wokim skul na kamapim ol samting bilong skul.

Na ol manmeri i mekim wok bisnis. Taim dispela ol samting i kamap orait Gavman i ken tok sindaun bilong ol manmeri i senis.

Nau yet em i driman tasol, nogat wanpela trupela samting. Em i salensim Gavman long Gavman i mas skelim gut olsem samting em i kisim long ol projek na i mas kirapim ol wok tru bihainim plening bilong em.

Ating gupela dokta i tok tru na olsem Gavman i mas kisim tok bilong em na i no driman na mauswara tasol.



## LNG projek inap kirapim PNG

NAU yumi harim planti ripot olsem wanpela bikpela projek tru ol kolim LNG bai kamap long Papua Niugini. Dispela em ges projek we bai ron long Sauten Hailans i kam long Westen provins na go olsem long Kerema na go kamap long Mosbi siti we ol bai kamapim ges na salim go long ovasis.

Dispela em ol tok bai kamapim bilien kina mani kam long PNG. Planti tausen manmeri bai gat wok, ol papagraun we ges bai kam long en na tu ol papagraun we paip bai ron long en bai oigeta i lukim mani kam long ol.

Planti ol bikpela kantri na ol bikpela bisnis olsem benk tok tru tumas ekonomi o bisnis bilong PNG bai groa we ol tok PNG bai senis gut tru long sait bilong developmen na sevis bilong wanem bai gat planti mani tru bilong kantri yusim long kamapim ol dispela senis.

Bipo ol bikpela ovasis benk i save Papua Niugini em hatpela kantri long mekim bisnis insait. Dispela kain ripot inap pretim tru planti bisnis insait long ara-



pela kantri long kam mekim bisnis long hia.

Dispela kain ripot em nogut tru long developmen na groa bilong kantri long sait bilong bisnis we inap kamapim planti wok bilong ol manmeri na tu givim planti liklik spin op o kontrak bisnis kam long mipela ol asples PNG.

Tasol nau ating long LNG projek bai moa bisnis i kam insait na dispela kain ripot nogut inap stop o senis.

Tasol sampela kain hevi bilong kompensesen long graun, nogat pait na raskol pasin, arapela bisnis i stap bilong givim sevis na sapot long dispela bisnis, takis bilong gavman i no antap tumas, strong bilong mani long kantri ron strong agensim ol arapela ovasis mani, kantri gat planti ekstra mani long Sentrel Benk ol i kolim risev mani na planti ara-

pela moa inap helpim LNG projek long ron gut long bihain taim.

Sapos planti bilong ol dispela samting em gavman i stretim gut na i stap, bai ol bikpela kampani na bisnis inap ronim gut bisnis bilong ol na mekim profit na sapotim tu LNG projek long ron gut na go het yet.

Bipo long 2004 Esian Developmen Benk (ADB) bin kamapim wanpela ripot ol i kolim Swimming Against The Tide o swim tasol i no winim bikpela tait wara.

Dispela ripot i putim nem bilong ol sampela kantri na Papua Niugini tu i stap insait long dispela lain grup we ol i swim tasol tait wara i strong yet agensim ol.

Sapos PNG i no bin swim go winim dispela tait wara, ating em nau PNG i no go long wanpela hap yet long sait bilong bisnis, developmen, gupela sevis olsem edukesen, helt rot na arapela moa. Yumi no bin lainim o kisim skul long dispela kain ripot nogut bilong ol benk olsem na moa ripot nogut wok

long kamap yet.

Stretim gut menesmen bilong gavman long sait bilong politiks na kam long olgeta gavman opis na gavman bisnis. Yumi mas mekim wok stret na wok hat long kamapim risal o kaikai bilong wok wa sevis na developmen tru i mas kamap.

Ol bikpela hevi bilong Lo na Oda mas senis, helt sevis i mas kamap gut, edukesen i mas kamap strong, moa save manmeri mas kamaut long yunivesiti na ol trening koles long mekim ol wok.

Strongim agrikalsa wok bai olgeta pipel i mas gat mani bilong stretim sindaun bilong ol na mani mas ron namel long pipel na komyuniti. Opim ol rot na bris bai ol sevis na bisnis i ken ron i go kam.

Em planti samting lidasip na menesmen bilong dispela kantri mas lukluk strong long en na stretim nau. Yumi bai lukim planti mani nau long dispela bikpela projek olsem na yumi mas mekim samting stret nau.

# WANTOK

Published Weekly, Thursday, for  
Word Publishing Company, Ltd.  
P.O. Box 1982, Boroko, NCD  
Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia  
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
Elizabeth Konga

Editor  
Neville Choi

Published at  
Section 58, Allotment 3  
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising term.

**O**LGETA paining long olgeta ples i save pilai kainkain pilai dipen long wanem kain environmen ol i stap. Long taim papa na mama bilong mi i liklik pikinini mi harim olsem ol i save gat sampela gutpela pilai. Wapela bilong ol dispela gutpela pilai ol pikinini man i save bruk long tupela grup na sanap long tupela sait na salens long sel kokonas i spin.

Ol i save pasim rop raunim sel kokonas na spinim bai sel i mas danis longpela taim. Sampela krangi pikinini i save sapim sait-sait bilong sel na mekim bilong katim skin bilong ol narapela sapos sel i pas long lek bilong ol mangi long narapela sait. Lo bilong pilai'stret em husat mangi sel kokonas bilong em i spin longpela taim tru orait em i win.

Narapela pilai em ol pikinini man i save bruk i go tupela tim na sanap long tupela sait bilong ples. Tupela man i sanap long fran stret bilong tupela lain bai ron na traim long tasim man narapela. Wapela i tasim narapela fes orait narapela bai kamap kalabus man bilong em. Ol pren bilong dispela kalabus man bai traim long kisim bek wantok bilong ol na sapos ol i no laki, ol tu bai kamap kalabus man bilong narapela sait.

Ol pikinini meri i save sindaun long raun sekel, pasim ai bilong ol na singsing wantaim eksen taim wapela bai raun bihain long olgeta yet na haitim wapela hap laplap o wapela samting. Sampela taim ol pikinini meri bai bung na traim traim long mekim basket or giaman olsem ol salim samting long maket.

Long taim bilong mi planti long ol dispela pilai i bin stap yet na mipela kamapim sampela nupela pilai gen na mipela olgeta i save amamas tru long pilai, tasol i gat sampela pikinini i save buli na bagarapim amamas bilong mipela narapela. Wapela long ol dispela buli pikinini em Kahon Taroh. Long histori bilong Powai olgeta dispela man em i wapela bikhet man stret. I tru ol lain bilong mi no moa kilim man na kaikai olsem na narapela bai tok bikhet bilong Kahon Taroh em i hangamap liklik. Tasol dispela Kahon Taroh em i wapela kain mangi long taim bilong mipela. Hia nau sampela long ol stupit samting em i save wokim.

Dispela man bai droim lain long wesana singautim mipela olgeta long kam na resis. Sapos wapela mangi i les o ronowe Kahon bai ronim em inap em i holim em na paitim. Maski planti de i lus pinis Kahon bai stil paitim yet dispela mangi i ronowe. Na sapos mama o papa bilong dispela mangi i komplein Kahon i save pait wantaim ol. Sapos mipela olgeta i lain pinis, Kahon yet bai i kauntim 'wan redi, tu redi, go! Taim mipela olgeta i taitim bun long ron, Kahon i save kalap antap long baksait bilong Otto Kakik (em narapela pikinini) raunin han bilong em long nek bilong Otto na odarim Otto long ron i go long narapela sait. Sapos Otto i les, Kahon i save paitim em nogut tru.

Kahon i save kirap long Keloti na wokobaut i kam long ples, samting olsem 6 kilomita longwe long Pelipowai bihainim nambis tasol. Long dispela hap nambis i gat tripela bikpela wara em i mas kalapim na olgeta yet i gat pukpuk. Taim Kahon i kamap long ol dispela wara em i save mekim singaut bilong dog na wetim pukpuk long kam ronim em na tru tumas pukpuk i save kam tasol. Kahon i save ronowe.

Long dispela seim nambis i gat matmat bilong ples em i stap olsem 2 kilomita longwe long Pelipowai. Taim Kahon i kamap long dispela matmat, em i save go na digim wapela hol matmat na kisim bun bilong het bilong ol lain mipela i planim pinis. Em i save karim dispela bun bilong het na kis long em pinis orait em i save kisim i go long nambis na askim dispela bun olsem "yu ting mi husat?" na bihain bai em i tokim dispela bun "nau yu ting yu man tru a?" bipo yu save paitim mi, na nau, bai mitupela i resis long ron, bai yu winim mi o bai mi winim yu?" Kahon bai i rulum wapela lain long wesana na

## SENIS WANTAIM TAIM

# Ol Buli pikinini na sampela Rabis pilai ol i mekim long mi

brukim wapela yangpela diwai na sanapim bun bilong het long em na em i tok nau bai mitupela i resis i go long ples. Orait em i save kauntim, 'wan redi, tu redi, go! Man Kahon i save taitim bun stret na ron siksti stret olsem sampela lain i wok long ronim em'.

Wapela taim Kahon i tokim mi long bihainim em, mi save olsem em i bikhet man na mi les tasol mi poretim em tu olsem na mi bihainim em tasol. Mitupela i wokobaut i go bihain long ples na bihainim bus rot i go long lain mangru. Tupela ia bilong mi i blok stret bikos mi pret, mi traim skelim longwe bilong rot i go bek long ples. Mitupela i go yet na mi harim pairap bilong sampela lain i sapim diwai long bus. Kahon i go pas na mi kam bihain liklik. Husat i wok long sapim diwai mi nonap lukim, Kahon i lukim na em i mekim eksen long mi long redi long ron i go bek. Lewa bilong mi i pam pam na nek bilong mi drai. Taim mitupela i lusim ples mi no bin lukim sampela samting Kahon i holim long han tasol nau mi lukim Kahon i rausim tupela faia krekas na rausim pauda long wik bilong tupela na joinim tupela wik i go wanpela. Em i holim tu hap diwai paia i lait yet long em na em i laitim dispela faia krekas na taim i lait pinis em i holim liklik taim na wet inap paia i kam klostu long tupela krekas nau em i tromoi i go long daireksen bilong man i wok long sapim diwai long bus. BANG! Tupela samting ya i pairai na mitupela i ronawe kwiktaim i go bek long ples. Mi harim wapela man i kirap nogut long samting ya i pairap na em i singaut "Hei!" em maski, mi pilim win tasol i ron long tupela ia bilong mi. Mi sut long bus na kamap long nambis na hariap tru mi go haif long ol lain mangru na Kahon i ron yet i go olsem long ples. I no long taim mi lukim 'Albet' (em wapela longlong man) i ron wantaim sotpela hendel tamiok bihain long Kahon 'oh, mi putim bros bilong mi flet stret long wesana na mi slip i stap longpela taim stret.

Dispela seim Kahon wapela taim mipela planti pikinini i kalap long moto kanu bilong Michael Pondros na mipela i lusim Lorengau taun, abrusim Loniu bris na kamap long sait nambis na mangru bilong ol lain Rosun. Ol meri i stap long kanu na sampela i raun long drai wara long painim pis na ol gramse. Bihain liklik bai ol i kuk bilong mipela long nambis. Mipela ol pikinini man i holim wanwan tamiok na go long bus long painim kapul. Mipela i kilim sevenpela kapul dispela taim na olgeta kapul i bin isi long kilim wapela kapul tasol em i bikhet liklik na em i trikim mipela i go long wapela diwai na kalap i go long narapela na mipela i wok long ronim em na ol rop bilong mangru na rop nil i sigirapim pes bilong lek bilong mipela. Dispela wapela kapul i westim moa long tripela awa bilong mipela na olgeta mangi i hangre na les olgeta. Kahon i no givap. Em i ronim yet inap kapul i kam long wapela diwai mi stap long em. Mi holim kapul na mi singaut olsem mi holim pinis. Kahon i stap long het bilong narapela diwai, mi kirap nogut em i singaut i kam bek 'noken kilim em yet' larim mi kam lukim em pastaim. Orait mi pullim kapul i kam daun long diwai na mi holim teil bilong em na sanap long graun maimalum. Kapul i wok long singaut na traim holim ol rop na liklik diwai i stret long Kahon i kam.

Kahon i pulim kapul long han bilong

mi na em i tokim kapul "yu laik resisi wantaim mi ah?" orait bai mitupela i lukim". Em i larim kapul i hangamap yet long diwai na em i kisim tamiok na katim tupela han bilong kapul i raus. Man mi les stret na mi laik traun long pasin em i wokim. Mi ronowe go long nambis na stori long olgeta lain. Ol i mekim fani long Kahon tasol mi les olgeta na mi no kaikai dispela de.

Polon Tikimwe em i wapela yangpela man haus bilong ol stap klostu long haus bilong mipela. Dispela man i gat tripela sista na wanpela long ol dispela sista bilong em i save skul long gavman skul long Pelipowai. Dispela meri em i wapela bikhet meri stret na i gat ol stori bilong em bai mi mekim bihain. Nau yet mi laik stori liklik long wapela rabis pasin Polon i mekim long mi. Olgeta avinun taim ples i wok long tudak i save gat ol liklik flaingfoks i kam flai-lai nabaut long ples. Planti hanret na tausen i save flai nabaut inap ples i tudak olgeta. Mi no save ol i save slip we, tasol taim ol i kam flai ol pikinini na yangpela manmeri i save holim ol mambu na longpela diwai na paitim ol liklik bilak bokis. Mi tu mi save traim tasol save bilong mi i no bikpela inap long mi ken kisim sampela. Olsem na planti taim mi save ron i go painim liklik kandre bilong mi Melewen. Em i save paitim planti na sampela em i save givim mi. Mipela i no save kaikai dispela liklik pisin ya nogat, em mipela i save holim tupela wing bilong em na blowim long sait na wing bilong em yet i save mekim naispela saun olsem na olgeta pikinini i save mekim dispela kain pilai inap ol papa mama i singaut na mipela i go long wanwan haus bilong mipela.

Wapela avinun long dispela kain taim olgeta pikinini i ronim na paitim ol dispela liklik bilak bokis na mi go joinim ol. Planti i wok long paitim na taim liklik pisin i pundaun ol i resis tru long go kaim na givim long liklik brata bilong ol. Mi kam sanap na traim-traim i stap na mi kirap nogut mi pilim sampela kain wara i ron long baksait bilong mi long has mit bilong mi i go daun bihainim lek bilong mi. Wara em i no kol, nogat em i hat liklik na mi pilim fani liklik. Mi tanim na mi kirap nogut tru olsem dispela Polon Tikimwe i rausim laplap bilong em na i wok long pispis long lek bilong mi. Man mi bel hat strat tasol bai mi mekim wonem? Mi liklik tru na dispela man em i yangpela man pinis. Em i lap tasol na ronowe i go. Mi krai nogut tru tasol mi nonap kotim em long mama bilong mi bikos 'pispis em i samting bilong sem stret na nogat wapela pikinini i laik stori long em'.

Sampela taim sapos ol yangpela meri i bung na stori i stap mi save laik kam klostu na harim ol i toktok long wonem samting. Taim mi kam klostu ol bai i blokim mi aut na ol i toktok isi-isi namel long ol yet. Mi save kurios tru na mi laik save ol i toktok long wanem samting stret. Oltaim wapela namel long ol bai kirap na tok "chil, yu go, yu laik harim wanem samting? Fels bilong yu olsem fels bilong bilak bokis" sampela taim wapela bai kirap na paitim mi o pusim mi go longwe na tok "go yu laus bilong ol meri". Em mi mekim long tok pisin tasol ol i save mekim long tok ples na i gat dip mining tru na mi save sem long mi yet na mi save ting ating mi mas wapela rabis pikinini stret! Ating mi mas agli, o ating mi bilak olsem sospen o olsem wonem tr una olgeta pikinini i save bagarapim mi oltaim?

Wapela geng nogut tru insait long ples long taim mi pikinini em i geng bilong ol pikinini meri. Olgeta yet em ol i pikinini papa na mama i lusim bihain long lukaut bilong ol narapela. Planti bilong ol dispela pikinini meri i painim hat long sidaun isi long haus bikos ol famili i lukautim ol i save yusim ol olsem slave. Ol dispela pikinini meri i no save kisim gut kaikai, ol i mas wok hat oltaim sapos ol i laik kaikai, olgeta kros na pait bilong ol bikpela em ol bikpela i save yusim ol dispela pikinini meri olsem pans beg bilong ol, ol i save tok nogutim ol dispela meri na ol i mekim kainkain pasin long ol dispela pikinini meri. Dispela i mekim na planti taim ol dispela lain pikinini meri i pret long go long haus na ol i save kam painim mitupela sista bilong mi na slip wantaim mitupela. Orait bikos long begraun bilong ol, ol dispela pikinini meri i raun - raun nating insait long ples i go biknait na long dispela risen olgeta yet i save raun-raun long wapela grup na kisim sapot long wapela narapela.

Ol dispela pikinini meri i save mekim planti stupid samting long laip bilong ol yet taim mipela i liklik pikinini. Planti bilong ol samting ol i mekim long dispela taim em mi nonap stori tumas. Planti i doti stret tasol bai mi stori long sampela we i no bagarap tumas na yu yet yu ken kisim mining bilong ol samting mi traim long raitim hia.

Ol dispela lain 'raf' pikinini meri em sapos rot bilong kar i go long ples bilong mipela long dispela taim, ating mi ken reitim ol wankain long 'Merilyn Monroe' na lida bilong ol em liklik anti bilong mi stret 'Mutan'. Em bai pilai wantaim ol fren bilong em i stap long narapela hap bilong ples na taim em i pilim olsem em i laik go long toilet, man em i save ron stret long wonem hap mitupela Ludwina i stap na em bai i diman long mitupela i kisim em i go long ples hait.

Namel stret long rot taim mipela i wokobaut Mutan bai i rausim olgeta laplap bilong em na sidaun feisim mitupela na pispis. Sapos mitupela i rausim ai na lukluk igo long narapela hap em i save krosim mitupela na fosim mitupela long lukluk long em inap em i pinisim toilet bilong em.

Planti taim sapos mi wapela i stap long haus o mi pilai klostu long nambis, dispela meri i save salim ol liklik meri i kam na tokim mi olsem "Senis, Mutan ma o la" long tok ples i mining olsem 'Senis, Mutan i tok yu go'. Mi save pinis long wonem samting Mutan wantaim geng bilong em bai mekim long mi na mi save pret wantaim na bihainim ol liklik meri i go long ples Mutan i stap hait long em.

Wapela samting mi luksave em olsem Mutan em i sista bilong mama bilong mi olsem na olgeta samting em i wokim long mi, i hat tru long mi kotim em long mama bilong mi o ol bikpela man. Em i save raf tru long mi na mekim mi painim hat long tok nogat long ol samting em na lain geng bilong em i wokim long mi. Em i save paitim mi nogut tru na fosim mi long mekim ol samting long laik bilong em.

Dispela liklik anti bilong mi em i rabis meri stret, em i save lainim ol liklik na yangpela meri i stap has nating long sidaun o sanap long wapela lain na fosim mi long lukluk long bodi bilong ol. Sampela bilong ol dispela meri i yangpela meri pinis na bodi bilong ol i gat planti senis. Planti taim ol i save traim long holim holim skin bilong mi na mekim mi pilai kainkain pilai wantaim ol. Mi yet mi no klia long ol dispela kain pilai na mi save pret nogut tru tasol i hat long mi tokim sampela lain inap mi lusim ples na go long Lorengau. Dispela taim tu mi no klia long wapela samting. Sampela taim mi save ronowe i go long mama bilong mi, tasol planti taim tu mama na papa i go pinis long bus na mi nogat sapot. Long dispela kain taim Mutan i save fosim mi stret na sapos mi les em i save paitim mi nogut tru.

Long wapela skul holide mi kalap long wapela bikpela kanu bilong ol lain long ples na mi go long Lorengau.

Mi skul wantaim Ludwina long ples na mi kam holide long taun na mi laik go bek. Papa na mama i ting mitupela i stap gut wantaim 'bikpela papa' bilong mitupela long ples tasol nogat, lukaut bilong mitupela i no gutpela tumas so mitupela i save stap mitupela yet, longwe long famili bilong Kanau.

Taim skul i laik stat, papa i redim liklik skul fi bilong mitupela sista bilong mi na em i laikim bai mi kisim i go bek long ples. I gat wapela liklik sip bilong Katolik misin long Patu ol i kolim MV Papitalai, Patu na Lorengau na dispela taim kepten i kam mekim sampela wok long taun na i laik go bek long Patu. Papa i askim kepten na ol i orait long kisim mi i go long Patu na bihain sampela lain bai i kisim mi go olgeta long ples.


Papa i putim ol liklik kaikai olsem suga, bisket, bret na tinpis long wanpela liklik katen boks na em i putim sampela kaikai bai mi kaikai long rot long narapela boks. Long bik moning tru papa i go lusim mi long liklik sip. I bin gat ol narapela pikinini tu i kalap, sampela bilong ol em ol yangpela man na meri bilong ples bilong mi na ol i skul long Bundralis long not kos. Ol dispela yangpela man na meri i gat interest bilong ol yet na ol i mekim kainkain fani na holim-holim skin bilong ol na lap antap long sip. Tupela bilong ol dispela yangpela meri em mi save lukim ol olsem ol bikpela sista bilong mi tasol long dispela taim ol i mekim wanpela rabis pasin stret. Long boks bilong mi gat tupela botol lemonade na sampela drai bisket papa i tok mi ken kaikai sapos mi hangre long rot. Long narapela boks em i putim sampela samting long en na em i tok "dispela bai yu givim long meri bilong Kalai long Patu, bai em i stretim na yupela i kaikai taim yu slip wantaim ol, na dispela em bilong yutupela sista bilong yu, bai yu kisim i go olgeta long ples".

MV Simon em i wapela slow vesel stret na maski mipela i lusim Lorengau long 6:30 long moning, taim san i hat nogut tru long 1 kilok mipela i ron yet antap long Bunai na Pere. Ples i hat nogut tru na ol yangpela man na meri ya i pinsim skin bilong ol yet na mi sem liklik na mi go antap long baksait bilong sip.

Mi sidaun klostu long liklik mas na lukluk long ol samting long bikples i wok long muv i go bihain taim liklik sip i wok long ron isi-isj long solwara. I no longtaim bihain wapela long ol dispela yangpela mangi i kam joinim mi nem bilong em Robert Sokou. Em i bikpela mangi na mi nogat toktok bilong mekim wantaim em so mitupela i sidaun nating inap, i nogat toktok. Sampela lain i kam na tokim em long go ananit gen. Em i go pinis na mi yet i stap i go inap ai bilong mi i slip na mi go ananit. Taim mi kam ananit olgeta yangpela man na meri i slip nabaut long tupela fom bilong sindaun insait long liklik sip. Wapela bilong tupela meri i kam long Bundralis nem bilong em Tawe Siruo em i kirap na tok "mipela i kaikai pinis na bilong yu i stap, yu kaikai".

Tingting bilong mi, mi ting olsem ating em i gutpela pasin mi mas kontribut tu long kaikai bilong mipela so mi opim wapela boks bilong mi we papa i putim kaikai bilong mi long em. Han bilong mi i go insait na mi kirap nogut olsem wapela botol lemonade bilong mi i no stap na narapela em ol i dring pinis na liklik tru i stap long has bilong botol.

Mi lukluk antap na Tawe i lap nogut tru na i tok "em ol samting bilong yu ya mipela i brukim na kaikai bilong mipela pinis, dispela em bilong yu" bel bilong mi em i olsem traipela hol wapela i nonap karamapim long graun. Mi sekim ol bisket bilong mi na man mi kirap nogut tru, faipela paket bisket bilong mi ol i kaikai pinis na ol i larim tasol tupela hap lus bisket bilong mi i stap. Krai i pulap tru long ai bilong mi na mi no save bai mi mekim wanem inap tude, mi no fogivim yet ol dispela lain.




# BRIS KANDA

Rural Entaprais Developmen Program

Moni sapot i kam long Gavman bilong M...

## Toktok i kam long Jenerol Menesa



Mr Lukis Romaço  
General Menesa.

Bris Kanda program igo het long bungim ol nupela salens taim em i gohet long bringim kamap moa ol levlo bilong moni igo long ol famas insait long wok em i mekim long ol sab-sekta bilong kakao na fis. Sampela ol dispela salens em i bungim i givim hevi long gohet em long long sait bilong senisim tingting na pasin bilong ol famas long wok strong long mekim ol gutpela wok menesmen insait long fam long fil. Ino gat inap ol teknikal risoses long sapotim ol famas long wok bilong ol long fit i min olsem Bris Kanda i go insait long kamap wantaim tingting bilong "Famas igo Famas" trening, we ol famas husat i gat moa save i givim trening long ol narapela famas. Dispela kain rot i soim olsem planti gutpela wok i kamap na em i gutpela long bihain taim. Narapela bikpela salens Bris Kanda i bungim em long em ino inap long kisim ol patnas bilong en long mekim wok na go pas insait long sab-sekta em Bris Kanda i wok insait long en na 'tu long ol famas. Maski olsem dispela ol salens i stap BK i amamas long ol gutpela wok em i wokim we i lukim ol model famas bilong en i mekim sampela ol gutpela wok pinis.

Gavaning Komiti em Siaman (Geoffrey Fahey) i go pas long en i givim gutpela sapot long wok i kamap long fil na givim planti ol gutpela edvais long lukim olsem ol sevises em Bris Kanda i givim i goat gut.

Bris Kanda i stap strong long bikpela het-tok bilong en olsem "BK bai helpim tasol ol lain husat i laik helpim ol yet".

### Ol mak-bilong wok inap nau

Autsait long foa-pela ekonomik sab-sekta bilong Kakao, Fiseris, Kopi na Eko-Turism em ol i luksave long en insait long Maket Linkej Stadi em Bris Kanda (BK) i ogenaisim long 2007. Kakao na Inlen Fis Faming i go pas inasit long tripela LLG long Huon Galp Distrik (Salamaua, Morobe na Wampar) em Bris Kanda i kisim tok-orait long wok long en insait long 10 yia. Wampela bes-lain stadi em BK i ogenaisim wantaim wok-bung wantaim CIC wankain olsem long Fis na Kakao long development bilong Kopi Sab-sekta nau yet i gohet insait long 3-pela LLG na wok bai pinis long pinis mun Oktoba 2009.

Nau yet, Bris Kanda i amamas long ol sapot na hatwok bilong ol ruel famas husat i wok long kakao na inlen fis faming long bringim kamap gutpela ol wok insait long taim ol i makim-em long 2008 igo 2010. Gutpela samting tru long sait bilong wok em olsem ol lokal komyuniti i givim moa taim bilong ol long kamap olsem papa bilong wok na givim moa taim long wok bilong lukautim kakao na ol fis pond bilong ol. Ol save ol i kisim long ol kain kain trening i soim olsem ol i mekim gutpela wok tru.

Long go wantaim Stratejik Operesinol Plen bilong Bris Kanda long 2009, Industri Developmen Plen (IDP) bilong Kakao na Inlen Fis Faming em ol i developim long givim gutpela rot long dispela tupela industri. Sampela namba bilong IDP woksop i bin kamap long dispela yia (2009) na ol lain husat i bin stap insait long dispela woksop em ol stratejik patnas bilong BK olsem (Kakao Bod bilong PNG, Nesinol Fiseris Atoriti) husat i gat wok long promotim na developim dispela industri na tu wok insait long plening bilong dispela industri. Bihain long ol dispela IDP i kamap fainol insait long dispela ol sab-sektas, ol bai yusim olsem plen long bringim kamap bikpela prodaksin na kamapim gutpela kwaliti bilong kakao na fis insait long 2009 na ol yia i kam bihain.

### Jenda na Yut

Nambawan Bris Kanda rivi woksop i bin kamap long Septemba 2008 na i luksave long sampela ol bikpela senis we ol i mas lukluk gen long en insait long ol plen bilong 2008-2010.

Ibungim wantaim Jenda na Yut wok olsem wanpela bikpela program; wane mol gutpela rot BK i ken mekim long karimaut ol wok namel long ol meri olsem wan-kain 'bisnis patna wantaim ol man long mekim ol lokal bisnis na wankain tu long ol yut. (Em bikpela lukluk bilong NZAid long lukim olsem ol meri man na ol yangpela man i mekim gut wok long helpim ol yet long sait bilong ekonomik developmen na ol wanem wok ol i mekim ol i ken serim gut namel long ol yet) na

Ikamapim Tingting bilong Koporetiv Sosaiti

Ino gat ol wok kamap yet long sait blong ol Meri na Yut Developmen tasol plen i stap long karimaut wanpela Jenda stadi insait long Huon Galp Distrik long ol mun i kam. Dispela stadi bai helpim BK long developim wanpela gutpela plen long wokabaut bilong en long sait bilong jenda na yut wok insait long ol plen bilong en na long wankain taim tu bungim dispela plen igo long long 2008-2010 Operesin Plen bilong en.

### Glasim Akuakalsa liklik

Wanpela saveman bilong wok Inlen Akuakalsa long, Douglas Kawa i tok olsem strong bilong Inlen Fis Faming long ol smolholda koporetiv na ol wan wan ol famas long sait bilong fud-sekuriti na kamapim mani i wok long gro isi isi na nau i kamap olsem bikpela rot bilong gro bilong agrikalsa na kamapim moa kaikai insait long Distrik.

Inlen Fiseris i gat strong moa antap long ol narapela ekonomik sekta long bringim moni na ekonomik gro insait long ol ruel erias. Bringim kamap na senisim dispela ol sistem long kamapim moa rot long kisim moni na gutpela maket bai bringim kamap selp-rilaiens na daunim pasin bilong les na nogat moni. Inlen fiseris i ken givim gutpela rot long kisim mani na helpim long bringim kamap gutpela kaikai na abus long planti komyuniti insait long ol longwe ples olsem ol ples long Waria Veli long Morobe LLG, Wampar na Salamaua. Bris Kanda i redim tasol long helpim fiseris program na tu bringim kamap gutpela sindaun long bihain taim.

Bris Kanda i bin kamapim wanpela wok painimaut insait long 2008-2009 long kisim tingting long wanem dispela projek i mekim. 12-pela mun i go pinis na nogat fis i stap insait long ol liklik raun-wara o pond. Bris Kanda i gat strongpela bilip long ripot olsem moa long 100,000 fis nau i stap insait long ol pond o liklik raun wara bilong lukautim fis. Narapela hap bilong wok developmen em long helpim ol famas long go insait long komesal prodaksin bilong fis faming. Long wokim dispela, ol bikpela samting long luklu8k long en em gutpela saplai bilong ol fingsalings na i mas gat nid bilong ol fis i stap.

Project Area	Total number of Ponds	Total Number of Farmers/ farms	Estimated fish stocked
Wampar LLG	121	145	146 000
Salamaua LLG	98	40	6000
Morobe LLG	115	90	32 000

### Kakao

'Fama tu Fama'extensin sevises program em Kakao Bod bilong bilong Huon Galp Distrik insait long wok bilong BK long kamapim ol i bin lainim long dispela ol trening i lukim olsem prodaksin insait menesmen long ol blok bilong ol.

Integreted Pes na Disis Menesmen (IPDM) sitem i soim gutpela pela long ol ruel kakao groas insait long sait bilong kontrolim ol bi insait long Is Nu Briten provins, na tu long Madang wantaim ol Kopo bilong CoPNG.

Gutpela wok kamap bilong IPDM insait long ol Sosaitis long Mad gut tru na lukautim gut ol kakao blok bilong ol long daunim ol sik wok we i kamap long Maang em ol i surikim igo long ol Kakao Kopo.

Ol Audit ripot we i bin kamap insait long ol amamas sisen bilong lain bilong gro bikpela bilong kakao pod long ol diwai em wok i bin wok insait long ol kakao blok bilong ol.

Tebol ong daunbilo i soim ol wok we i bin kamap na ol ripot long IPDM namel long ol lain i kisim trening. Dispela audit i kamap long gutpela rot long bringim aut kakao.

Total namba bilong ol kakao IPDM groas insait long 18-pela vilo

No.	LLG	No. of IPDM Growers	Total Trees	IPDM Trees	Avg
1	Morobe	11	3,744	2,418	23
2	Salamaua	10	3,377	680	
3	Wampar	175	126,718	52,421	23
	Total	196	133,039	55,519	20

Dispela ol namba i soim 196-pela ol groas hust ol i kisim rekot long en pela em IPDM sistem i sin stap insait long 55,519 diwai. Averages pods o kaik pods we i bringim olsem 42478 kilogram wet bin em bringim mani-maki ol bilong kakao. Tupela (2) lokal maket em ol i luksave long en insait long W Jerry Martin long 6-Mail.

Long Intanesinol Maket, Bris Kanda i wok long toktok wantaim ol lain 'S Kakao groas na dispela wok i go gut long nau yet.

Long dispela gutpela wok igo yet, bikpela samting em olsem ol Huon G givim bikpela luksave long kakao faming olsem gutpela rot long bringim ka Long pinis bilong Oktoba 2009, ol kakao famas bai inap long luksave lo BK Projek

Nau yet Bris kande i wok long helpim na wok klostu wantaim 45-pela projek na ol narapela e mol laik wok olsem smol-skeil somil, rais faming, na wanpela gutpela stori bilong kamapi bilong nambawan Ekto Turism Lid Eji (CLPNG) em Eko Turism Maket Ejent insait long Huon Galp Distrik.

BK i bin toktok wantaim wanpela lain atoriti i go pas long Eko Turism, long dispela i lukim kamap bilong Culture Link PNG Ltd (CLPNG). Em i Turism marketing na Promosinol Sevises. Olsem wanpela kampani we i re Huon Galp Distrik.

Dispela kampani em Mista Maine Winny bilong ples Pema long Morobe kalsa na ol turism prodaks na tu lukautim ol tua operesins insait long




Fis Pond long Yamap, Salamaua LLG



Wanem Zabiyie bilong Sio... wampela kakao blok




**FPDA poteto sia  
skrin haus op  
long Tambul**



# BRIS KANDA INC.

Rurel Entaprais Developmen Program bilong Huon Galp Distrik  
Moni sapot i kam long Gavman bilong Miljan insait long NZAid

## Toktok i kam long Jenerol Menesa



Mr Lukis Romaso  
Generel Menesa.

Bris Kanda program igo het long bungim ol nupela salens taim em i gohet long bringim kamap moa ol levul bilong moni igo long ol famas insait long wok em i mekim long ol sab-sekta bilong kakao na fis. Sampela ol dispela salens em i bungim i givim hevi long gohet em long long sait bilong senisim tingting na pasin bilong ol famas long wok strong long mekim ol gutpela wok menesemen insait long fam long fil. Ino gat inap ol teknikal risoses long sapotim ol famas long wok bilong ol long fit i min olsem Bris Kanda i go insait long kamap wantaim tingting bilong 'Famas igo Famas' trening, we ol famas husat i gat moa save i givim trening long ol narapela famas. Dispela kain rot i soim olsem planti gutpela wok i kamap na em i gutpela long bihain taim. Narapela bikpela salens Bris Kanda i bungim em long em ino inap long kisim ol patnas bilong en long mekim wok na go pas insait long sab-sekta em Bris Kanda i wok insait long en na 'na' long ol famas. Masi olsem dispela ol salens i stap BK i amamas long ol gutpela wok em i wokim we i lukim ol model famas bilong en i mekim sampela ol gutpela wok pinis.

Gavanning Komiti em Siaman (Geoffrey Fahey) i go pas long en i givim gutpela sapot long wok i kamap long fil na givim planti ol gutpela edvais long lukim olsem ol sevises em Bris Kanda i givim i goaut gut. Bris Kanda i stap strong long bikpela het-tok bilong en olsem "BK bai helpim tasol ol lain husat i laik helpim ol yet".

**Ol mak bilong wok inap nau**  
Autsait long foa-pela ekonomik sab-sekta bilong Kakao, Fiseris, Kopi na Eko-Turism em ol i luksave long en insait long Maket Linkej Stadi em Bris Kanda (BK) i ogenaism long 2007. Kakao na Inlen Fis Faming i go pas insait long tripela LLG long Huon Galp Distrik (Salamaua, Morobe na Wampar) em Bris Kanda i kisim tok-orait long wok long en insait long 10 yia. Wanpela bes-lain stadi em BK i ogenaism wantaim wok-bung wantaim CIC wankain olsem long Fis na Kakao long development bilong Kopi Sab-sekta nau yet i gohet insait long 3-pela LLG na wok bai pinis long pinis mun Oktoba 2009.

Nau yet, Bris Kanda i amamas long ol sapot na hatwok bilong ol rurel famas husat i wok long kakao na inlen fis faming long bringim kamap gutpela ol wok insait long taim ol i makim em long 2008 igo 2010. Gutpela samting tru long sait bilong wok em olsem ol lokal komyniti i givim moa taim bilong ol long kamap olsem papa bilong wok na givim moa taim long wok bilong lukautim kakao na ol fis, pond bilong ol. Ol save ol i kisim long ol kain kain trening i soim olsem ol i mekim gutpela wok tru.

Long go wantaim Strategik Operesinol Plen bilong Bris Kanda long 2009, Industri Developmen Plen (IDP) bilong Kakao na Inlen Fis Faming em ol i developim long givim gutpela rot long dispela tupela industri. Sampela namba bilong IDP woksoi i bin kamap long dispela yia (2009) na ol lain husat i bin stap insait long dispela woksoi em ol strategik patnas bilong BK olsem (Kakao Bod bilong PNG, Nesinol Fiseris Atorit) husat i gat wok long promotim na developim dispela industri na tu wok insait long plening bilong dispela industri. Bihain long ol dispela IDP i kamap fainol insait long dispela ol sab-sekta, ol bai yusim olsem plen long bringim kamap bikpela prodaksin na kamapim gutpela kwaliti bilong kakao na fis insait long 2009 na ol yia i kam bihain.

**Jenda na Yut**

Nambawan Bris Kanda rivi woksoi i bin kamap long Septemba 2008 na i luksave long sampela ol bikpela senis we ol i mas lukluk gen long en insait long ol plen bilong 2008-2010.

Ibungim wantaim Jenda na Yut wok olsem wanpela bikpela program; wane mol gutpela rot BK i ken mekim long karimaut ol wok namel long ol meri olsem wan-kain 'bisnis patna wantaim ol man long mekim ol lokal bisnis na wankain tu long ol yut. (Em bikpela lukluk bilong NZAid long lukim olsem ol meri man na ol yangpela man i mekim gut wok long helpim ol yet long sait bilong ekonomik developmen na ol wanem wok ol i mekim ol i ken serim gut namel long ol yet) na

Ikamapim Tingting bilong Koporetiv Sosaiti

Ino gat ol wok kamap yet long sait bilong ol Meri na Yut Developmen tasol plen i stap long karimaut wanpela Jenda stadi insait long Huon Galp Distrik long ol mun i kam. Dispela stadi bai helpim BK long developim wanpela gutpela plen long wokabout bilong en long sait bilong jenda na yut wok insait long ol plen bilong en na long wankain taim tu bungim dispela plen igo long long 2008-2010 Operesin Plen bilong en.

**Glasim Akukalsa liklik**

Wanpela saveman bilong wok Inlen Akukalsa long, Douglas Kawa i tok olsem strong bilong Inlen Fis Faming long ol smolholda koporetiv na ol wan wan ol famas long sait bilong fud-sekuriti na kamapim mani i wok long gro isi isi na nau i kamap olsem bikpela rot bilong gro bilong agrikalisa na kamapim moa kaikai insait long Distrik.

Inlen Fiseris i gat strong moa antap long ol narapela ekonomik sekta long bringim moni na ekonomik gro insait long ol rurel erias. Bringim kamap na senisim dispela ol sistem long kamapim moa rot long kisim moni na gutpela maket bai bringim kamap sel-pilaiens na daunim pasin bilong les na nogat moni. Inlen fiseris i ken givim gutpela rot long kisim mani na helpim long bringim kamap gutpela kaikai na abus long planti komyniti insait long ol longwe ples olsem ol ples long Waria Veli long Morobe LLG, Wampar na Salamaua. Bris Kanda i redim tasol long helpim fiseris program na tu bringim kamap gutpela sindaun long bihain taim.

Bris Kanda i bin kamapim wanpela wok painimaut insait long 2008-2009 long kisim tingting long wanem dispela projek i mekim. 12-pela mun i go pinis na ol kamap fis i stap insait long ol liklik raun-wara o pond. Bris Kanda i gat strongpela bilip long ripot olsem moa long 100,000 fis nau i stap insait long ol pond o liklik raun-wara bilong lukautim fis. Narapela hap bilong wok developmen em long helpim ol famas long go insait long komasal prodaksin bilong fis faming. Long wokim dispela, ol bikpela samting long luklu8k long em gutpela saplai bilong ol fingalings na i mas gat nid bilong ol fis i stap.

Project Area	Total number of Ponds	Total Number of Farmers/farms	Estimated fish stocked	Total number of Hatcheries	Feed production/ Distribution centre	Commencement of projects	Fingerlings stocked
Wampar LLG	121	145	146 000	3	3	March 2008	120 000
Salamaua LLG	98	40	6000	2	1	February 2009	2 500
Morobe LLG	115	90	32 000	4	2	February 2007	12 000

**Kakao**

"Fama tu Fama"extensin sevises program em Kakao Bod bilong PNG i developim em gutpela hap bilong kakao sab-sekta program bilong Huon Galp Distrik insait long wok bilong BK long kamapim gutpela wok. Ol Model famas husat i soim save bilong ol long wok ol i bin lainim long dispela ol lukim olsem prodaksin insait long kakao blok bilong ol igo antap bikos ol i kamapim gutpela menesemen long ol blok bilong ol.

Integreted Pes na Disis Menesmen (IPDM) sitem i soim gutpela wok long sait bilong ol wok bilong PNG Kakao Bod olsem em i gutpela long ol rurel kakao groas insait long sait bilong kontrolim ol birua o pore tem Kakao Pod Bora (CPB) i bin kamapim long industri insait long Is Nu Briten provins, na tu long Madang wantaim ol Koporetiv Sosaitis olsem hap bilong CPB Strategik Menesmen Program bilong CoPNG.

Gutpela wok kamap bilong IPDM insait long ol Sosaitis long Madang i bin gutpela tru. Planti ol gutpela rurel kakao famas nau i stap gut tru na lukautim gut ol kakao blok bilong ol long daunim ol sik na binatang na i kisim gutpela moni long kakao bilong ol. Gutpela wok we i kamap long Maang em ol i surikim igo long ol Kakao Koporetiv Sosaitis insait long Huon Galp Distrik.

Ol Audit ripot we i bin kamap insait long ol amamas sisen bilong (2008-2009) long Integreted Pest na Disis Menesmen i soim olsem lain bilong gro bikpela bilong kakao pod long ol diwai em wok i bin kamap long en na ol famas tu i ken tok gutpela stori long ol dispela wok insait long ol kakao blok bilong ol.

Tebol ong daunblo i soim ol wok we i bin kamap na ol ripot long audit long luksave long ol wok i kamap bihain long gutpela bilong IPDM namel long ol lain i kisim trening. Dispela audit i kamap long long soim namba bilong ol IPDM famas na ol gutpela aplikesin na gutpela rot long bringim aut kakao.

Total namba bilong ol kakao IPDM groas insait long 18-pela viies we i save groim kakao i stap daunblo.

No.	LLG	No. of IPDM Growers	Total Trees	IPDM Trees	Avg. Pods	Avg. Bean Production & Sales Per Harvest			
						KG (wet)	Kina	KG (dry)	Kina
1	Morobe	11	3,744	2,418	23	68	K41 40		
2	Salamaua	10	3,377	680		16	2,715	K2,171.20	
3	Wampar	175	126,718	52,421	23	39,695	K19,418.81	12,909	K66,675.00
	Total	196	133,039	55,519	20	42,478	K21,631.41	12,909	K66,675

Dispela ol namba i soim 196-pela ol groas hust ol i kisim rekot long en total namba bilong kakao diwai bilong ol em 133,039 na insait long dispela em IPDM sistem i sin stap insait long 55,519 diwai. Averes pods o kaikai bilong kakao long wanpela diwai bipo long IPDM prodaksin em 20-pela pods we i bringim olsem 42478 kilogrem wet bin em bringim mani-maki olsem K21,631.41 long wanpela taim bilong pikim kakao insait long sisen bilong kakao. Tupela (2) lokal maket em ol i luksave long en insait long Wampar LLG (Morobe Kakao Expatas we i stat long Muiya, Munum Viles na Jerry Martin long 6-Mai).

Long Intanesinol Maket, Bris Kanda i wok long toktok wantaim ol lain Sokoleit Prodiusas long Jemani long kamapim wanpela maket bilong Huon Kakao groas na dispela wok i go gut long nau yet.

Long dispela gutpela wok igo yet, bikpela samting em olsem ol Huon Galp Distrik famas i surikim tingting bilong ol long buai igo long kakao, na i givim bikpela luksave long kakao faming olsem gutpela rot long bringim kamap ol bisnis ektiviti.

Long pinis bilong Oktoba 2009, ol kakao famas bai inap long luksave long wok bilong bringim kamap ol wok long smolholda gaden.

**BK Projek**

Nau yet Bris kande i wok long helpim na wok klostu wantaim 45-pela projek insait long Huon Galp Distrik. Planti bilong ol dispela em kakao na fis projek na ol narapela e mol laik wok olsem smol-skeil somil, rais faming, na painim pis long solwara na ol narapela. Bikpela samting long luksave em wanpela gutpela stori bilong kamapi bilong nambawan Eko Turism Lid Ejent long Huon Galp Distrik aninit long BK Program. Culture Link PNG Ltd (CLPNG) em Eko Turism Maket Ejent insait long Huon Galp Distrik.

BK i bin toktok wantaim wanpela lain atoriti i go pas long Eko Turism, Mr Maine Winnie long lukluk igo insait long tingting bilong bisnis. Na bihain long dispela i lukim kamap bilong Culture Link PNG Ltd (CLPNG). Em i rejista aninit long Kampanis Ekt 1997. CLPNG i stat pinis long givim Eko Turism maketing na Promosinol Sevises. Olsem wanpela kampani we i rejista, CLPNG bai maketim na promotim ol eko-turism prodaks i goaut long Huon Galp Distrik.

Dispela kampani em Mista Maine Winny bilong ples Pema long Morobe LLG i papa long en. Mista Winny i tok CLPNG bai maketim na promotim kalsa na ol turism prodaks na tu lukautim ol tua operesins insait long Huon Galp Distrik na Morobe provins. Em bai stap wok olsem wanpela



Gutpela kakao diwai i karim bihain long IPDM



Lokal kaikai (Unu) i promotim Eko Turism long Morobe LLG

intanesinol na lokal maket ejen bilong Rural Eko-Turism na Kalsarel Prodaks. Em i tok tu olsem kampani bilong em bai lukluk strong long wok bilong bringim ol turis igo long ol nupela ples long Distrik we ol i ken amamas long lukim na tu long sait bilong asteinabol na eko-turism wok. Kampani ya bai redim tu ol bookings, tua operesins na turism konsaltensi sevises.

Insait long ol kain kain wok bilong en, BK i bin helpim long kamaim 45-pela projek em ol i kisim hapim long wanem ol wok ol i laikim. Sampela ol i bung wantaim i pas wantaim ol wan wan sab-sekta na ol narapela i stap insait long ENTAPRAIS STAP-AP SEVISES, Kamapim na Menesmen Tok. Ol dispela em:

1. Entaprais Stat-ap
2. Developmen bilong Rekot Kiping Sistems; na
3. Kamapim bilong ol Rekot Kiping Sistems; na
4. Prodak Kosting na Praising

Nau yet, 13-pela namel long 45-pela projek em ol i makim pinis na ol i rejista pinis olsem ol bisnis; seven-pela (7) olsem koporetiv sosaitis, foa (4) olsem bisnis nem na tupela (2) olsem kampani. Ol narapela i redi long rejistarim ol projek bilong ol. Ol papa bilong ol projek i mekim pinis sampela ol rejistresin wantaim helpim bilong ol narapela lain long pastaim na i wok long kisim ol teknikal na menesmen halivim long kamapim gut ol projek bilong ol.

Bris Kanda i wok olsem wanpela stronpela sapota bilong tingting bilong Koporetive na i luksave long en olsem wanpela rot long promotim pasin bilong sel-pilaiens namel long ol lokal manmeri na komyniti na em i givim gutpela toktok long ol papa bilong ol projek o ol famas long ogenaism ol yet long wok insait long ol koporetiv grup. Planti ol papa bilong ol projek insait long BK nau i wok long yusim ol rot bilong Koporetiv long helpim ol long ol wok projek bilong ol.


Dispela ol papa bilong ol projek o ol famas, sampela i stap insait long ol Koporetiv, kampani o bisnis nau i kisim luksave olsem ol lain i bihainim lo wantaim teknikal na menesmen save i kam long BK. Tasol ol i serim wankai ol hevi we ino gat fainensol helpim ol moni-helpim ol lon bikos ol lain bilong givim mani ino inap givim na ol kondisen bilong ol i no gutpela long ol lain lokal pipel. Bikpela tenkyu igo long Membra bilong Huon Galp Distrik na Minista bilong Helt, Hon. Sasa Zibe long wanpela K500,000 em i givim igo long Nationwide Maikro Benk long givim igo long wok bilong ol famas insait long Huon Galp Distrik. Ol papa bilong ol projek o ol famas i wok long lukim ol gutpela wok kama long bruk lusim dispela ol tingting bilong 'fri hendauf'kalsa we i stap long hia longpela taim. Em i bikpela samting tu long lukim olsem dispela ol pipel i wok gut long kisim ol liklik dinau na i wok long bekim. Dispela i soim gutpela wok-mak na ol lain bilong givim moni i ken amamas long givim mani igo long ol famas.



Fis Pond long Yampar, Salamaua LLG



Monie Zabuye bilong Sis Mias long Yampar, Salamaua LLG, gaden bilong kakao blok.



Wanpela meri fis famas bilong Anise viies, Wampar, i soim wanpela fis-pond bilong em.



Praktiko wok bilong mekim fis na wokim ol ol rot long Postle Viles insait long wanpela wankai bilong ol fis famas.



# FPDA poteto sid skrin haus op long Tambul

Sapliment

## Tambul em 'poteto basket' bilong PNG

JAMES KILA i raitim

... PM tokaut long K5-milien long kirapim bek industri

**T**AMBUL insait long Westen Hailans provins em 'poteto basket' bilong Papua Niugini.

Dispela em toktok bilong Mema bilong Tambul-Nebilyer, Benjamin Poponawa ino long taim igo pinis long taim em i bin stap long launsim 12-pela nupela skrin-haus bilong kamapim ol nupela kru bilong poteto long Tambul stesin insait long Westen Hailans provins.

Mista Poponawa i givim bikpela tok amamas igo long FPDA long bringim dispela projek igo long Tambul bikos em i tok Tambul em 'poteto kapitol' bilong PNG na tu nau yet dispela ples i ken holim na strongim wok bilong industri long gohet long helpim ol narapela ples long kantri.

Tambul em i save go pas wantaim long kamapim moa poteto insait long kantri we i save saplai long ol bikpela taun na ol eria bilong wok maining, ol hotel industri na ol bikpela stua o supamakem insait long kantri.

Ol fres kaikai we i kamaut long dispela ples em i gutpela bikos graun long Tambul em i gutpela long groim ol kaikai we i save gro gut tru long kol ples

Dispela launsing bilong 12-pela nupela poteto skrin haus i mekm namba igo 24-pela ol skrin haus bilong groim ol kru bilong poteto na bihain planim long gaden long kamapim ol sids long givim igo long famas insait long PNG. Dispela FPDA long Tambul bai helpim tru PNG long bringim bek poteto industri we long yia 2003 i bin bungim bikpela hevi tru long sait bilong sik ol i kolim long 'poteto leit blait'.

Wanpela pastaim long FPDA i opim dispela nupela projek long Tambul, Praim Minista Se Michael Somare i bin go long Tambul stesin we i em tokaut olsem gavman bai putim K5-milien long kirapim bek poteto industri long PNG.

Jenerol Menesa bilong FPDA, Greg Liripu wantaim siaman bilong FPDA, Fabian Chow i tok olsem dispela ol nupela skrin haus long Tam-



bul bai helpim long bringim kambek poteto industri we i save bringim kamap olgeta yia samting olsem K100-million long helpim ekonomi bilong kantri. Planti dispela mani i save go daun long helpim ol liklik manmeri long viles na haus-lain husat i save wok strong long poteto industri.

Dispela ol nupela skrin haus tu bai helpim long strongim industri we i lukim tu sampela ples insait long kantri we i go strong tru long groim poteto: Ol dispela ples long PNG we i kol na gutpela long groim ol poteto em ol ples olsem Okapa na Daulo long Isten Hailans, Gembogl long Simbu provins na Laiagam na Kandep long Enga provins.

**Ol potato i gro long sid gaden bihain long ol i kisim ol long FPDA skrin-haus long Tambul**

**Poto i soim ol sain olsem ol intanesinol dona ejensi wantaim PNG Gavman i saptim wok bilong FPDA.**

Potos: JAMES KILA



## FPDA stap redi long strongim PNG frut na fres prodius industri

JAMES KILA i raitim

**F**RES PRODIUS Dvelopmen Ejensi (FPDA) em wanpela pablik koporesin we i lukautim wok bilong dvelopmen bilong hotikalsa na fres prodius industri stat long prodaksin igo long maket bilong ol dispela samting.

Em i bin stat nambawan taim tru olsem Maketing Frut na Vejtebol Projek (MFVP), na i bin statim wok bilong en long 1986 long bungim ol in-

fomesin na bringim igo aut ol infomesin long sait bilong maket na ol teknikal infomesin long ol frut na gaden kaikai. Dispela projek i gro igo na kamap olsem Fres Prodius Dvelopmen Kampani Limited ((FPDC) na i bin rejista aninit long Kampani Ekt long 1988.

Wok bilong FPDC em long lukluk long ol infomesin igo aut long sait bilong frut na ol fres gaden kaikai stat long prodaksin, painim ol hevi insait long dispela kain wok na

tu long gro bilong industri na long helpim wantaim ol teknikal infomesin, long givim edvais long kamapim gutpela frut na fres gaden kaikai industri long PNG. Dispela bai helpim long soim olsem PNG i ken kamapim gutpela frut na gaden kaikai long kantri na i ken prosesim tu wantaim.

Maski olsem FPDC i senisim nem bilong em igo long FPDA long yia 2005, em i holim yet dispela taitol olsem wanpela pablik koporesin.

FPDA i bin kamapim wanpela koporet plen bilong en long yia 2005 igo 2008. Olsem na i gat nid long dispela ogenaisisin long kamapim wantaim nupela Koporet Plen bilong en.

Dispela nupela Koporet Plen bilong FPDA em i bihainim Agrikalsa Risets long Dvelopmen (AR4D) tingting we i kam long Agrikalsarel Inovesin Sistem (AIS) kain plen. Ol tingting na plen bilong wok i luksave olsem risets na dvelopmen oge-

naisisin i gat pas klostu wanpela ol sab-sekta na bikpela samting long en em ol nesinol dvelopmen gol. Dispela lukluk long luksave long ol gutpela wok i ken kamap em ol pipel i kamapim na i wokim gut tru bihainim ol dvelopmen plen, tim-wok, patnasip, yusim ol kain kain teknoloji na ol institusen na ol gutpela polisi na pasin bilong wok bung-wantaim na kamapim wok.


Dispela Stratejik Plen i bin kamap insait long rot bilong

eksain lainim na gutpela wok bung we i karamapim 4-pela stekholda woksop, gutpela skelim bilong ol wok bai kamap na ol pepa wok we i gut wantaim ol plen em ol stekholdas i tok-orait long en.

Dispela ol woksop em ol lain i makim FPDA Bod wantaim ol sinia menesmen bilong FPDA na ol narapela stekholdas olsem ol famas, ol fres prodius treidas, prosesas, hoiselas, ol risets na dvelopmen institusen na ol lain gavman dipatmen.



# FPDA launsim nupela skrin-haus long kamapim potato sids long Tambul



Siaman bilong FPDA Fabian Chow wantaim Memba bilong Tambul, Benjamin Poponawa I givim toktok autsait long ol nupela skrin-haus bilong potato sids long Tambul.

JAMES KILA i raitim

**FRES PRODIUS** Developmen Ejenji (FPDA) i bin amamas long launsim o putimaut nupela 5-ya Koporet Plen bilong en bilong ya 2010-2014.

Gavana Jenerol bilong PNG, Gren Sif Se Paulias Matane, i bin launsim dispela koporet plen long Crown Plaza Hotel long Mosbi.

Bikpela gol o wok-man insait long dispela koporet plen em long bringim kamap moa gutpela fud na nutrisen sekuriti, kwaliti bilong laip, mani na rot long kisim mani igo long ol fam komyuniti na ol lain husat i save stap strong long hoti kalsa industri.

Moa long en dispela koporet plen i ken bringim kamap bikpela fud na nutrisen long ol man na meri famas na ol narapela husat i stap insait long dispela industri long strongim sait bilong ekonomi na gohet bilong hoti-kalsa industri long Papua Niugini.

Planti ol lain developmen patnas bilong FPDA i bin stap insait long dispela seremoni we i lukim Siaman bilong FPDA bod ov dairektas, Fabian Chow i givim bikpela tok tenkyu igo long gavman bilong Nu Silan aninit long NZAID na gavman bilong PNG insait long Dipatmen ov Agrikalsa na Laipstok (DAL) na Dipatmen ov Treseri long kamapim FPDA na givim ol teknikal sapot insait long las 20-pela ya em FPDA stat wok i kam nau.

Mista Chow i tok olsem PNG long tude i amamas long groim na kaikai planti ol kain kain lokal gaden kaikai. Tasol i gat planti moa wok i stap yet long bringim kamap moa gut fres prodius insait long PNG. Na FPDA i wok strong long traim bringim igo bikpela namba bilong ol fres prodius prodaksin na bikpela samting tu em long sait bilong kwaliti na prais bilong ol dispela gaden prodius.

Mista Chow i tokaut olsem long nau yet veliu o moni-mak bilong fres gaden kaikai ol pipel i groim na salim long maket i stap olsem K250 milien, tasol dispela mani mak igo long go antap long olgeta ya.

Em i tok olsem dimand o askim long ol fres gaden kaikai bai igo antap moa taim ol bikpela developmen long sait bilong LNG na petroleum na maining sekta wok i kamap. Olsem na long bungim dispela ol salens we i wok long kamap insait long hotikalsa sab-sekta em fres prodius i go aninit long en, FPDA na moa long 85 % ol manmeri insait long PNG husat i save kisim mani na laip bilong ol i pas wantaim fud krop, ol i mas redi gut na stap long gutpela posisen long dispela ol wok i kamap.

Mista Chow i tokaut olsem bikpela salens pastaim em olsem nogat koporet lukluk na dispela i mekim wok ino go gut long sait bilong ol projek na programs na tu ol koporet gol o mak. Dispela i mekim na ol pastaim gol bilong FPDA ino karim kaikai na ino go gut tumas

wantaim indasti na ol bikpela sektoral na polisi gol em Gavman i kamapim insait long midium tem developmen strateji (MTDS) na Nesinol Agrikalsa Developmen Plen (NADP).


Em i tok olsem bikpela na gutpela wok we nau kamap i lukim redim bilong wokabout na sistem bilong FPDA insait long developmen bilong fres prodius industri long PNG. Na dispela em developmen tu i lukim developmen bilong institusen em FPDA na ogenaisesin long karimaut ol wok-mak insait long dispela koporet plen.

Mista Chow i tokaut olsem ino long taim igo pinis gavman bilong Australia, aninit long AusAID i givim mani-helpim igo long ARDSF na Nu Silan gavman aninit long NZAID i givim mani-helpim long Institusinol Stretening Projek (ISP) long helpim FPDA long kamapim developmen insait long institusen na orgenaisesin wok bilong en long go strong na mekim gutpela wok long sevim ol stekholdas.

"Mi gat strong long tok tude olsem dispela nupela koporet plen, we bod bilong mi i komisinin na ol lain task fos komiti (TFC) em planti bilong ol em ol sinia wokman meri bilong FPDA wantaim teknikal sapot bilong ARDSF na ISP na ol praivet na pablik stekholdas olsem i gat gutpela rot-mep and gutpela klia koporet lukluk long FPDA i ken muv fowat na givim gutpela servis long Papua Niugini," Mista Chow i tok.



FPDA Jenerol Menesa, Greg Liripu I i givim toktok long ol poteto sids insait long skrin-haus.



Wanpela saintis bilong Nesinol Agrikalsa Risets Institiut (NARI), Humphrey Saese I givim toktok long ol nupela kuru potato em I kamapim long Aiyura na bringim igo long Tambul. Potos: JAMES KILA





# Poteto em gutpela kaikai long helpim bodi

**D** ISPELA lausing bilong 12-pela nupela apid poteto haus long Tambul bai helpim tru poteto indastri long Papua Niugini long kampaim moa poteto sids long saplaim ol famas insait long kantri.

Planti ol wokman bilong FPDA long sait bilong poteto bai gat gutpela ples bilong wok long kamapim ol gutpela kwality sids nau long givim igo aut.

Tru tumas, poteto em wanpela gutpela kaikai bilong bodi we i save givim strong na gutpela ol nutrients long bodi.

Poteto em wanpela gutpela kaikai we i save daunim ol sik long bel, lewa na kidni.

Poteto i gat waitpela skin na sampela olupela kain i save gat ret-pela skin. Ol kaikai bilong poteto em i raun na sampela i longpela liklik.

Insait long kantri planti ol baia i save laikim ol poteto we i gat gutpela sais, ino bagarap long binatang long sik, skin i drai gut na i strong, no-gat planti graun i pas long en na gut skin ino grin.

I gat tripela (3-pela) kain poteto varaiti i stap. Ol dispela poteto varaiti em:

Sekoia – Dispela varaiti i save karim planti poteto na i gutpela long kaikai.

Kenebek – Dispela varaiti ino save karim planti olsem sekoia tasol planti ol kai-ba i save laikim dispela varaiti bikos ol i save wokim gutpela sips wantaim dispela poteto

Sebago – Dispela em nupela varaiti na kala bilong flaua bilong en em pink.

Poteto i save gro gut long ples we i hot liklik long dei na kol long nait. Olsem na em bai gro gut long Hailans ples tasol daunbilo long 500-mitas em i hot tumas long nait na planti binatang na sik bai bagarapim poteto.

Hia em wanpela liklik toktok o infomesin long bihainim long taim long planim poteto long gaden na lukautim gut igo inap i rausim long graun long kisim igo salim o yu go kukim na kaikai wantaim femili.

Gutpela taim bilong planim poteto em long taim ren i stat long kam na ples i wet. Noken planim long taim bilong san na ples i drai.

Poteto i gat ol wei bilong saplaim maket olgeta taim we ol wan wan famas i save bihainim.

Wanpela rot em i olsem sapot yu groim 300-kilogrem (6-pela beg) long wan wan wik, yu mas planim olsem 50-kilogrem sid (1-pela beg) long wan wan wik. Sapos yu planim poteto sid long wan wan wik bai yu gat poteto long kisim long gaden olgeta taim. Yu nidim olsem 160 igo 200 mita skwea long planim poteto olgeta wik.

Sid haus bilong poteto

Poteto sid ino save kamapim kru hariap olsem na igat nid long wokim sid-haus.

Yu mas larim poteto sid long sid-haus long 3-pela mun na bihain sid bai kamapim kru. Sid-haus o ples we yu putim sid i mas drai, ino hot tumas, i mas gat spes long larim liklik lait na liklik win long poteto sid i ken karim gut. Dispela kain ples o sid-haus bai mekim kru i gro sotpela na strongpela. Long ples i tudak, ol kru bai kamap wait, longpela na ol bai bruk isi tasol.

Em i bikpela samting long yusim sid ino gat sik. Yu ken baim ol sid long ol sid-groa husat i wok klostu wantaim Fres Prodius Developmen Ejensi (FPDA).

Sapos ol sid beg i gat Gavman

Tiket, FPDA i givim i soim olsem ol sid inspekta i bin sekim ol poteto long gaden pinis na sid ino gat sik. Noken baim ol sid we ino gat Gavman Tiket.

Graun bilong planim poteto

Gutpela graun bilong planim poteto i mas lus liklik na isi long wara igo daun. Sapos yu laik planti poteto long olupela gaden yu mas putim sampela fetelaisa o pekpek bilong ol enimol o kompos long givim gris long graun.

Sapos yu planim poteto, kepsikum, tomato, eg-plent o brus long gaden bilong yu bipo, yu mas larim graun i malolo inap 4-pela yia. Bihain long dispela yu planim poteto long dispela graun. As bilong dispela em i olsem, nogut sampela sik i stap long gaden na bai bagarapim poteto bilong yu.

Fetelajia

Poteto i save laikim Naitrojen (N) long mekim bikpela lip, Posporus (P) long kamapim planti tuba o rop na Potasium (K) long mekim rop o tuba bilong poteto i strong.

Planti graun long Hailans i sot long Posporus olsem na yu mas putim planti long mekim poteto i kamap gut. Planti graun long Hailans tu i sot long boron. Boron i gutpela long mekim poteto i karim planti kaikai.


Krop-rotesin em wanpela gutpela wei long daunim binatang na sik bilong poteto. Dispela em pasin bilong senisim kain kain kumu long seim gaden. Noken planim wankain femili bilong poteto olsem tomato, kepsikum na eg-plent o brus long seim gaden.

Yu ken planim sampela bilong ol dispela kumu long krop-rotesin olsem kon, kaukau, pinait, Inglis kabis, zukuni, bin na poteto gen sapos yu laik.

Wanem taim poteto i save redi?

Poteto bai redi long digim long graun bihain long 14-pela o 16-pela wik bihain long yu planim.

Long painimaut olsem poteto i strong o no-gat, em rabim skin bilong poteto wantaim pin-ga bilong yu. Sapos skin bilong poteto i tekewei, yu mas larim long graun liklik taim moa. Poteto bai karim namel long 8 igo 30 tan insait long wanpela hekta gaden. Wanpela hekta i wankain olsem wanpela futbol fil.



Wanpela poteto groa i baim ol sids long FPDA long go planim



Wanpela viles extensin woka bilong FPDA i soim ol poteto na ol fres gaden kaikai long Tambul. Fotos: JAMES KILA



# FPDA em liklik ogenaisesin wantaim bikpela wok long PNG: FPDA siaman Chow



Siaman bilong FPDA Bod ov dairektas, Fabian Chow i givim toktok long Tambul.



FPDA elit poteto sid menesa Paul Siwi i givim toktok long poteto sid gaden long Tambul. Potos: JAMES KILA

JAMES KILA i raitim

**M**i GAT bikpela amamas tru long tokaut long ol gutpela lain husat i save wok klostu wantaim Fres Prodius Developmen Ejensi (FPDA) olsem ol stekholdas bilong mipela long koporet Plen bilong FPDA. Dispela plen bai muvim fres prodius indastri i go fowat stat long 2010. Bikpela lukluk bilong dispela plen em long helpim Gavman bilong Papua Niugini long lukim gutpela wok kamap bilong ol Developmen gol o mak bilong PNG long muv igo fowat.

FPDA em i wanpela semi-autonomos gavman ejensi we i kamap aninit long PNG Kampanis Ekt long developim ol gutpela na sasteinabol hoti-kalsa indastri long Papua Niugini.

Em wanpela liklik ogenaisesin wantaim bikpela wok tru bikos em i gat wok long developim ekonomik sab-sekta we i lukluk long sosel na ekonomik sindaun bilong ol liklik manmeri na ol pipel insait long kantri. Dispela ol pipel em moa long 70-pesen bilong ol manmeri insait long PNG. Taim invesmen i kam long FPDA and fres prodius indastri, gavman bai inap long bringim kamap moa gutpela ol fres prodius long mekim bikpela ol Developmen Indiketas o wanem ol mak long soim olsem PNG i wok long divelop gut.

Mista Chow i tok olsem FPDA bai wok strong long bringim kamap gutpela na strongpela ol wok long mekim ol meri na man insait long kantri na tu ol bisnis entaprais i wok hat moa insait long veliu-sein. Bikpela lukluk em long luksave long ol lain manmeri insait long kantri husat i olsem bikpela pilaia o lain husat i wok gaden na ol wok insait long fres prodius indastri husat i stap insait long saplai rot bilong fres-prodius long kantri. Dispela wok em long wokim kamap ol gutpela plen long sait bilong prodaksin, rot bilong prosesim ol fres prodius, post-havest o rot bilong redim ol kaikai gut long gaden pastaim long yu kisim, maket teknoloji na ol sistem we ol i ken yusim long strong FPDA long go insait long gutpela eksport maket o rot long salim ol fres prodius bilong PNG igo ovasis long ol yia i kam.

Mista Chow i tok olsem Koporet Plen bilong FPDA wantaim 6-pela bikpela pos em i sanap long en bai givim gutpela posisen long fres

prodius indastri long lukluk gut long stretim ol hevi nau i stap na lukluk tu long wanem ol gutpela rot i stap insait long wol long rjon na tu ol nesinol fevd na kamap wantaim ol gutpela wok patnasip olsem "pablik na praivet sekta patnasip long muvim indastri igo fowat.

Em i tokaut olsem bikpela ol salens i stap nau i stap em long sik olsem HIV/AIDS, ol sosel hevi olsem sik burn-nating bikos nogat kaikai, fud sekuriti, nogat gutpela wok namel long meri na man, hevi bilong lo na oda na klaimet senis we i wok long daunim ol kamap gut bilong ol kaikai na tu ol hotikalsarel krop.

Mista Chow i tok olsem ol gutpela wok em dispela nupela Koporet Plen bilong FPDA i laik helpim kamap bikpela laik bilong ol manmeri long kisim ol fres kaikai bikos namba bilong ol manmeri insait long ol taun na siti long kantri i wok long go antap. Narapela samting tu em i gat ol bikpela wok insait long ekonomi bilong kantri i go strong long sait bilong mineral na petroleum sekta, na tu gro bilong turisim indastri na tu olsem sampela maket i wok long kamap long sait bilong fres prodius long intanesinol maket. Dispela ol salens ol gutpela rot long mekim wok i kamapim gutpela plen bilong ol programs bilong FPDA long sait bilong ol projek bilong en na operesinol plens na tu insait long koporet wokabout bilong en.

"Em i bikpela tingting bilong mi olsem FPDA i ken mekim bikpela wok long sait bilong bringim kamap gut sindaun bilong 70-pesen ol manmeri long PNG, husat i save kisim strong long ol fud krop sab-sekta long sait bilong sabsistens faming na moa long en ol dispela lain husat i save salim kaikai na kisim moni long helpim sindaun insait long famili, komyuniti na distrik bilong ol na tu provins na kantri PNG," Mista Chow i tok.

Em i tok dispela plen i kisim gutpela sapot i kam long ol lain intanesinol developmen ejensi husat i gutpela patna bilong FPDA na ol dispela lain em PNG Gavman i ken luksave long gutpela sapot ol i givim na sapot bilong ol dispela intanesinol developmen ejensi i ken helpim tru FPDA long bringim gutpela sevises we i go wantaim ol Koporet Plen bilong en we i bihainim Developmen Gol bilong PNG.



Wanpela wokman bilong FPDA Robert Lutulele i givim buk i gat 5-ya koporet plen bilong FPDA igo long Gavana Jenerol bilong PNG, Gren Sif Se Paulias Matane.

# FPDA launsim 5-ya Koporet Plen 2010-2014

JAMES KILA i raitim


**F**RES PRODIUS Developmen Ejenji (FPDA) i bin amamas long launsim o putimaut nupela 5-ya Koporet Plen bilong en bilong ya 2010-2014.

Gavana Jenerol bilong PNG, Gren Sif Se Paulias Matane, i bin launsim dispela koporet plen long Crown Plaza Hotel long Mosbi.

Bikpela gol o wokman insait long dispela koporet plen em long bringim kamap moa gutpela fud na nutrisen sekuriti, kwaliti bilong laip, mani na rot long kisim mani igo long ol fam komyniti na ol lain husat i save stap strong long hoti kalsa industri.

Moa long en dispela koporet plen i ken bringim kamap bikpela fud na nutrisen long ol man na meri famas na ol narapela husat i stap insait long dispela industri long strongim sait bilong ekonomi na gohet bilong hoti-kalsa industri long Papua Niugini.

Planti ol lain developmen patnas bilong FPDA i bin stap insait long dispela seremoni we i lukim Siaman bilong FPDA bod ov dairektas, Fabian Chow i givim bikpela tok tenkyu igo long gavman bilong Nu Silan aninit long NZAID na gavman bilong PNG insait long Dipatmen ov Agrikalsa na Laipstok (DAL) na Dipatmen ov Treseri long kamapim FPDA na givim ol teknikal sapot insait long las 20-pela ya em FPDA stat wok i kam nau.



Ol lain bilong Watete Tieta i mekim pilai na karim ol gaden kaikai igo long Gavana Jenerol, Se Paulias Matane long taim bilong launsim bilong FPDA Koporet Plen. Potos: JAMES KILA

Mista Chow i tok olsem PNG long tude i amamas long groim na kaikai planti ol kain kain lokal gaden kaikai. Tasol i gat planti moa wok i stap yet long bringim kamap moa gut fres prodius insait long PNG. Na FPDA i wok strong long traim bringim igo bikpela namba bilong ol fres prodius prodaksin na bikpela samting tu em long sait bilong kwaliti na prais bilong ol dispela gaden prodius.

Mista Chow i tokaut olsem long nau

yet veliu o moni-mak bilong fres gaden kaikai ol pipel i groim na salim long maket i stap olsem K250 milien, tasol dispela mani mak i wok long go antap long ogeta ya.

Em i tok olsem dimand ol laikim long ol fres gaden kaikai bai igo antap moa taim ol bikpela developmen long sait bilong LNG na petrolum na maining sekta wok i kamap. Olsem na long bungim dispela ol salens we i wok long kamap insait long hotikalsa sab-sekta

em fres prodius i go aninit long en, FPDA na moa long 85 % ol manmeri insait long PNG husat i save kisim mani na laip bilong ol i pas wantaim fud krop, ol i mas redi gut na stap long gutpela posisen long dispela ol wok i kamap.

Mista Chow i tokaut olsem bikpela salens pastaim em olsem nogat koporet lukluk na dispela i mekim wok igo gut long sait bilong ol projek na programs na tu ol koporet gol o mak. Dispela i mekim na ol pastaim gol bilong

FPDA ino karim kaikai na ino go gut tu-mas wantaim indasti na ol bikpela sektoral na polisi gol em Gavman i kamapim insait long midium tem developmen strateji (MTDS) na Nesinol Agrikalsa Developmen Plen (NADP).

Em i tok olsem bikpela na gutpela wok we nau kamap i lukim redim bilong wokabaut na sistem bilong FPDA insait long developmen bilong fres prodius industri long PNG. Na dispela em developmen, en tu i lukim developmen bilong institusen em FPDA na oge-naisesin long karimaut ol wok-mak insait long dispela koporet plen.

Mista Chow i tokaut olsem ino long taim igo pinis gavman bilong Australia, aninit long AusAID i givim mani-helpim igo long ARDSF na Nu Silan gavman aninit long NZAID i givim mani-helpim long Institusinol Stretening Projek (ISP) long helpim FPDA long kamapim developmen insait long institusen na orgenaisesin wok bilong en long go strong na mekim gutpela wok long sevim ol stekholdas.

"Mi gat strong long tok tude olsem dispela nupela koporet plen, we bod bilong mi i komisinim na ol lain task fos komiti (TFC) em planti bilong ol em ol sinia wokman meri bilong FPDA wantaim teknikal sapot bilong ARDSF na ISP na ol praiwet na publik stekholdas olsem i gat gutpela rot-mep and gutpela klia koporet lukluk long FPDA i ken muv fowat na givim gutpela sevis long Papua Niugini," Mista Chow i tok.



# Ol FPDA viles extensin wokas mekim gutpela wok

JAMES KILA i raitim

**F**RES PRODIUS Developmen Ejensi (FPDA) i save mekim gutpela wok long yusim ol 'Viles Extensin Wokas' long bringim ol teknikol infomesin long wok bilong fruts na fres gaden kaikai igo long ol pipel long ol viles na haus-lain komyuniti insait long kantri.

Planti bilong ol dispela lain em ol voluntia tasol. Dispela i min olsem ol ino save kisim pei, tasol ol i save wok strong long bringim gutpela infomesin em FPDA i laikim long goaut long ol manmeri na ol famas insait long viles na haus-lain.

Sampela ol lain viles extensin wokas, husat i wok long sait bilong poteto, fruts na ol narapela fres gaden kaikai i amamas long FPDA long skul na save ol i kisim long wok bilong ol long bringim ol infomesin igo long ol manmeri long komyuniti bilong ol.

Wanpela bilong ol dispela viles extensin woka Kitto Kambauo i save wok long Anglimp Saut-Waghi na em i tok olsem em i amamas long wok bilong em long trenim ol famas long rot bilong kamapim ol neseri bilong ol frut na ol fres gaden kaikai.

"Mi save tisim ol famas long rot bilong wokim neseri bilong ol frut na tu long sait bilong post-harvest na tu sampela ol narapela skul long wok didiman long sait bilong planim ol gaden kaikai,

"Planti ol dispela skul em mi kisim long wok wantaim ol ofisa bilong FPDA na mi amamas long dispela ol skul na trening mi kisim," Mista Kambauo i tok.

Dispela viles extensin woka i save wok wantaim 86-pela ol smolholda famas insait long Kindeng eria insait long Anglimp Saut-Waghi Distrik.

Mista Kambauo i tok olsem planti ol viles manmeri i save amamas long ol skul ol i kisim long ol FPDA viles extensin wokas bikos planti ol infomesin long sait bilong groim ol fres gaden kaikai na frut em i nupela na ol i save laik kisim moa skul long en.


Tupela meri insait long Anglimp Saut-Waghi, husat i mekim bikpela wok tru long helpim ol famas insait long fres prodius industri.

Dispela tupela meri em Agnes Jonah na Angela Pinge.

Misis Jonah em wanpela viles extensin woka husat i mekim planti gutpela wok tru long ogenaisim ol famas insait long wok bilong fres prodius faming na tu helpim ol famas long fomim ol koporetiv grup long mekim gut ol wok bilong ol insait long Anglimp Saut-Waghi.

Misis Jonah i gat moa long 200-pela kontek famas em i save wok wantaim ol insait long Anglimp Saut Waghi na gutpela wok bilong em i mekim planti i save kolim em olsem "Ain Meri" bilong Distrik.

Em i bin go pas long kamapim Saut Waghi Ogenik Famas Asosesin, we ol famas i laik long yusim graun bilong ol long groim gutpela ol fres gaden kaikai long salim na mekim mani long helpim sindaun long famili, viles, komyuniti, distrik na provins.



Ol nupela kru bilong poteto i gro insait long poteto sid skrin haus long Tambul. Potos: JAMES KILA



Jenerol Menesa bilong FPDA, Greg Liripu husat i givim toktok i wok moa long 26-krismas ol-geta long wok bilong poteto



Tupela strongpela meri bilong groim ol fres gaden kaikai na frut em Agnes Jonah wanaim Angela Pinge.



**BUMI PNE IKAMAP STRONG**

# WOMEN INC.

Program Huon Galp Distrik  
Insait long NZAid

Number of Fisheries	Feed production/ Distribution centre	Commencement of projects	Fingerlings stocked
3		March 2008	120 000
1		February 2009	2 500
2		February 2007	12 000

G i developim em gutpela hap bilong kakao sab-sekta program ela wok. Ol Model famas husat i soim save bilong ol long wok ng kakao blok bilong ol igo antap bikos ol i kamapim gutpela

long sait bilong ol wok bilong PNG Kakao Bod olsem em i gut- o pore tem Kakao Pod Bora (CPB) i bin kamapim long industri v Sosaitis olsem hap bilong CPB Stratejik Menesmen Program

i bin gutpela tru. Planti ol gutpela rurel kakao famas nau i stap pinatang na i kisim gutpela moni long kakao bilong ol. Gutpela tiv Sosaitis insait long Huon Galp Distrik.

(8-2009) long Integrated Pest na Disis Menesmen i soim olsem ap long en na ol famas tu i ken tok gutpela stori long ol dispela

dit long luksave long ol wok i kamap bihain long gutpela bilong g soim namba bilong ol IPDM famas na ol gutpela aplikasin na

e i save groim kakao i stap daunbilo.

Yrds	Avg. Bean Production & Sales Per Harvest			
	KG (wet)	Kina	KG (dry)	Kina
68		K41 40		
16		2,715	K2,171.20	
	39,695	K19,418.81	12,909	K66,675.00
	42,478	K21,631.41	12,909	K66,675

al namba bilong kakao diwai bilong ol em 133,039 na insait long dis- bilong kakao long wanpela diwai bipo long IPDM prodaksin em 20-pela n K21,631.41 long wanpela taim bilong pikim kakao insait long sisen ar LLG (Morobe Kakao Expotas we i stat long Muiya, Munum Viles na

reit Prodiusas long Jemani long kamapim wanpela maket bilong Huon

Distrik famas i surikim tingting bilong ol long buai igo long kakao, na i p ol bisnis ektiviti. wok bilong bringim kamap ol wok long smolholda gaden.

insait long Huon Galp Distrik. Planti bilong ol dispela em kakao na fis nim pis long solwara na ol narapela. Bikpela samting long luksave em long Huon Galp Distrik aninit long BK Program. Culture Link PNG Ltd

aine Winnie long lukluk igo insait long tingting bilong bisnis. Na bihain a aninit long Kampanis Ekt 1997. CLPNG i stat pinis long givim Eko CLPNG bai maketim na promotim ol eko-turism prodaks i goaut long

G i papa long en. Mista Winny i tok CLPNG bai maketim na promotim Galp Distrik na Morobe provins. Em bai stap wok olsem wanpela



Gutpela kakao diwai i karim bihain long IPDM



Lokal kaikai (Unu) i promotim Eko Turism long Morobe LLG

intanesinol na lokal maket ejen bilong Rural Eko-Turism na Kalsarel Prodaks. Em i tok tu olsem kampani bilong em bai lukluk strong long wok bilong bringim ol turis igo long ol nupela ples long Distrik we ol i ken amamas long lukim na tu long sait bilong sasteinabol na eko-turism wok. Kampani ya bai redim tu ol bookings, tua operesins na turism konsaltensi sevises.

Insait long ol kain kain wok bilong en, BK i bin helpim long kamaim 45-pela projek em ol i kisim hapim long wanem ol wok ol i laikim. Sampela ol i bung wantaim i pas wantaim ol wan wan sab-sekta na ol narapela i stap insait long ENTAPRAIS STAP-AP SEVISES, Kamapim na Menesmen Tok. Ol dispela em:

1. **Entaprais Stat-ap**
2. **Developmen bilong Rekot Kiping Sistems; na**
3. **Kamapim bilong ol Rekot Kiping Sistems; na**
4. **Prodak Kosting na Praising**

Nau yet, 13-pela namel long 45-pela projek em ol i makim pinis na ol i rejista pinis olsem ol bisnis; seven-pela (7) olsem koporetiv sosaitis, foa (4) olsem bisnis nem na tupela (2) olsem kampani. Ol narapela i redi long rejistarim ol projek bilong ol. Ol papa bilong ol projek i mekim pinis sampela ol rejistresin wantaim helpim bilong ol narapela lain long pastaim na i wok long kisim ol teknikal na menesmen halivim long kamapim gut ol projek bilong ol.

Bris Kanda i wok olsem wanpela stronpela sapota bilong tingting bilong Koporetive na i luksave long en olsem wanpela rot long promotim pasin bilong selp-rilaisens namel long ol lokal manmeri na komyuniti na em i givim gutpela toktok long ol papa bilong ol projek o ol famas long ogenaism ol yet long wok insait long ol koporetiv grup. Planti ol papa bilong ol projek insait long BK nau i wok long yusim ol rot bilong Koporetiv long helpim ol long ol wok projek bilong ol.

Dispela ol papa bilong ol projek o ol famas, sampela i stap insait long ol Koporetiv, kampani o bisnis nau i kisim luksave olsem ol lain i bihainim lo wantaim teknikal na menesmen save i kam long BK. Tasol ol i serim wankai ol hevi we ino gat fainensol helpim ol moni-helpim ol lon bikos ol lain bilong givim mani ino inap givim na ol kondisen bilong ol i no gutpela long ol lain lokal pipel. Bikpela tenkyu igo long Memba bilong Huon Galp Distrik na Minista bilong Helt, Hon. Sasa Zibe long wanpela K500,000 em i givim igo long Nationwide Maikro Benk long givim igo long wok bilong ol famas insait long Huon Galp Distrik. Ol papa bilong ol projek o ol famas i wok long lukim ol gutpela wok kama long bruk lusim dispela ol tingting bilong 'fri hendaut'kalsa we i stap long hia longpela taim. Em i bikepela samting tu long lukim olsem dispela ol pipel i wok gut long kisim ol liklik dinau na i wok long bekim. Dispela i soim gutpela wok-mak na ol lain bilong givim moni i ken amamas long givim mani igo long ol famas.



Wanpela meri fis famas bilong Aitse viles. Anit na soim wanpela fis-pond bilong em.



Praktis wok bilong miksim fis na waram ol ol long Pofise viles insait long wanpela wan wok meri bilong ol fis famas

YUMIFM Radio Program

Program bilong Wanwan De Mande - Fraide

6am - 10am - Sankamap show - Host: KAS.T
6:15am - Komuniti Notis Bod
6:30am - Nius Hetlains / Bondei grittings
Trukai Rais - GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Toktok sapotim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Stori b'long Skelim Tingting

8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Radio Pilai)
9:30am - Trukai Rais - GES FAIA KOMPETISEN
9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM

2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde / Fondei) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta
3:10pm - Avinun cruz
4:00pm - Nius - YUMIFM Senta
4:10pm - "FOAPELA KAM GUD LONG 4"
4:30pm - Nius Hetlains
4:45pm - YUMI PANIM WOK Segment
5:00pm - MAJOR NIUS BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR NIUS BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raegs / Sally / Nenge
00:00 - Early Monin Taim Cruz (ol lain brukim tulait shift)
- Musik / Request / Tok pilai
- Kipim Kampani long ol nait shift.
Weekend Shift - Saturday & Sunday
6:00am - 11:00am - Wiken Sanrais
6:30am - Komuniti Notis Bod - Bondei grittings
7am - 9am - Wiken Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)
YUMIFM POROMAN TEAM:
Turner (KAS.T) Arifee - Team Leader / Program Director
Angra KENNEDY - Senior Announcer

Raun wantaim Wantok

Noblet makim king na kwin bilong en

Nicky Bernard i raitim

Planti skul i save i gat so bilong ol. Maski praimer skul, hai skul o nesanel hai skul, planti bilong ol dispela skul bai i so o resis bilong ol we yu - sapos yu sumatin long dispela skul - i ken resis long kamap olsem mista o mis o king na kwin bilong skul.

Las wik Sarere Noblet Katolik Skul loŋ Waigani long Nesanel Kapitel Distrik (NCD), i kamapim dispela kain liklik so na resis bilong skul long helpim long bungim mani long wokim ol wok long strongim skul bilong ol.

Resis long dispela liklik skul i bin long makim Mis na Masta Noblet - king na kwin bilong skul. Planti, bilong ol

sumatin - stat long elementary i go inap long gret 5 - i resis long kamap Mis na Mista Noblet.

Long 4 kilok apinun long Sarere, bihain long ol dispela sumatin i soim kain kain stail long ol dispela bilas na mekim sampela liklik toktok, ol jas i kolim nem bilong ol sumatin husat i win.

Wanpela mangi Sentrel provins i winim luksave olsem Masta Noblet, na wanpela meri hap Sentrel na Manus, i win luksave olem Mis Noblet.

Dispela meri em Kimberly Bernard.

Olgeta ol pikinini i bilas gut tru long resis.

I gat 5-pela kain we ol sumatin i mas bilas long dispela resis.

I gat bilas bilong pilai, bilas bilong skul, bilas bilong putim na raun, bilas bilong wok, bilas bilong go long ol bikipela haus kaikai long kaikai long nait, na bilas bilong ol tumbuna.

Olgeta ol pikinini husat i resis i mekim gutpela wok long helpim strongim skul bilong ol, na long dispela as yumi ken tok olsem olgeta tu i ol win.



National Weekly Hit Parade:

Sponsor: Digicel - bigger, better network
Produced & Host by: Kas.T
Statistics: Enjo Dabix & Poroman Crew

Week Ending: Saturday - 31st October 2009

Table with columns: W/B, LW, TW, C/Song, Artist. Lists top 20 songs from the National Weekly Hit Parade.

Song In: Olsem kain Mahn Lokitoitoe David Rangs Pitz
Song Out: Conmeri Kudougu Labfinzkh AK47 ft Bemu



MISS NOBLET 2009: Kimberly Bernard i sindaun wantaim liklik brata bilong em Rexford Tony Bernard soim trofi bik sis i bin winim. Rexford tu i resis long kamap mista Noblet tasol nogat, em winim ivning wea tasol. Poto: Nicky Bernard

RADIO AUSTRALIA TOK PISIN PROGRAM

HARIM LONG: 101.9 FM
Radio Australia Tok Pisin Program - MANDE
Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.00PM Stesen Op
7.15PM Ol Hetlain na Program Priviu
7.30PM Musik na Chit Chat
7.45PM Nius na Karent Afes
8AM Yumi
8.15PM Musik/Spots
8.30PM Nius
8.45PM Vama Graun Riplei
8.55PM Musik
9PM Stesen Pas
TUDE Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.00PM Stesen Op
7.15PM Ol Hetlain na Program Priviu
7.30PM Musik na Chit Chat
7.45PM Nius na Karent Afes
8AM Yumi
8.15PM Musik/Spots
8.30PM Nius
8.45PM Vama Graun Riplei
8.55PM Musik
9PM Stesen Pas
FONDE Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.00PM Stesen Op
7.15PM Ol Hetlain na Program Priviu
7.30PM Musik na Chit Chat
7.45PM Nius na Karent Afes
8AM Yumi
8.15PM Musik/Spots
8.30PM Nius
8.45PM Vama Graun Riplei
8.55PM Musik
9PM Stesen Pas
FRAIDE Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.00PM Stesen Op
7.15PM Ol Hetlain na Program Priviu
7.30PM Musik na Chit Chat
7.45PM Nius na Karent Afes
8AM Yumi
8.15PM Musik
8.30PM Nius
8.45PM Yumi Riplei
8.55PM Musik
9PM Stesen Pas
SARERE Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas
SANDE Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Famili Blong Serah (Radio Plei)
8PM Lukuk Bek Long Wih
8.30PM Nius
8.40PM Musik/Chit Chat

EM TV TV GAID

FONDE OKTOBA 29, 2009

5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINE UP
CLASSROOM BROADCAST
2.59PM STATION OPEN
KIDS KONA
3.00PM G G2G: GOT TO GO
3.30PM G THE KINGDOM OF PARAMITHI
4.00PM G SLEEPOVER CLUB (return)
4.30PM G THE SHAK
4.57PM G EMTV TOK SAVE
5.00PM G THE SHAK
5.29PM G EMTV NEWS UPDATE
5.30PM G HOT SOURCE
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G SPORTS SCENE
7.30PM PG ELITE MUSIC ZONE (New Time)
7.57PM G EMTV TOK SAVE
8.00PM PG WWE AFTERBURN
9.00PM G ELITE MUSIC ZONE
9.30PM PG ADULTS ONLY 20 TO 1: Celebrities Exposed (New Series)
Hosted by Bert Newton, it's a countdown of shameful and shameless celebrity behaviour. From unconventional relationship to unintentional revelations, you may never look at fame

10.00PM M THE STRIP
Drama Series.
The Strip - centres on the Criminal Investigation Bureau (CIB), a small and elite group of detectives who investigate the major crimes in Australia's playground of excess. - Stars: Aaron Jeffrey & Frankie J. Holden.
11.00PM G NATIONAL EMTV NEWS REPLAY
11.30PM Australia Network
FRAIDE OKTOBA 30, 2009
5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINE UP
CLASSROOM BROADCAST
2.59PM STATION OPEN
KIDS KONA
3.00PM G DOGSTAR
3.30PM G THE KINGDOM OF PARAMITHI
4.00PM G SLEEPOVER CLUB (Series Return)
4.30PM G THE SHAK
4.57PM G EMTV TOK SAVE
5.00PM G THE SHAK
5.29PM G EMTV NEWS UPDATE
5.30PM G HOT SOURCE
5.55PM G CRIME STOPPERS
6.00PM G NATIONAL EMTV NEWS
6.30PM G A CURRENT AFFAIR

6.59PM NEWS UPDATE IN TOK PISIN
7.00PM G IN MORESBY TONIGHT
All the latest in entertainment and arts ground Port Moresby, and PNG, with a special feature segments, a weekly studio guest and a weekly highlights of what's on your screen.
7.27PM EMTV TOK SAVE
8.00PM PG 20 TO 1: "What Were They Thinking"
8.30PM PG THE SIMPSONS
9.00PM M FRIDAY NIGHT MOVIE: BEYOND BORDERS
2003) Drama/Romance/War - Beyond Borders is an epic tale of the turbulent romance between two star-crossed lovers set against the backdrop of the world's most dangerous hot spots. Academy Award winner Angelina Jolie stars as Sarah Jordan. Also Clive Owen, Linus Roache.
11.30PM G NATIONAL EMTV NEWS REPLAY
Midnight Australia Network
SARERE OKTOBA 31, 2009
11.29AM STATION OPEN
11.30AM PG THE MUSIC JUNGLE
1.30PM G ENGLISH SUPER LEAGUE
St. Helens v Wigans
2.50PM G THE PACIFIC NATIONS CUP "LIVE" (teams: tba)
EMTV brings you live coverage of all the action of the 2009 Pacific from the Lloyd Robson Oval, Port Moresby.
5.00PM G SPEED MACHINE

5.30PM G MXTV
6.00PM G NATIONAL EMTV NEWS
6.30PM PG AUSTRALIA'S FUNNIEST HOME VIDEO SHOW
7.27PM EMTV TOK SAVE
7.30PM PG MORESBY TONIGHT
8.00PM PG TOTAL RUGBY
9.00PM G THE PACIFIC CUP REPLAY (teams: tba) - EMTV brings you all the action of the 2009 Pacific Cup played at the Lloyd Robson Oval, Port Moresby.
Midnight Australian Network
SANDE NOVEMBA 1, 2009
6.30AM G IT IS WRITTEN
It Is Written is an international, Christian television ministry dedicated to sharing insights from God's word with people around the world.
7.00AM G HILLSONG
7.30AM G TODAY ON SUNDAY
8.30AM G TOTAL RUGBY
9.00AM G WIDE WORLD OF SPORTS
10.00AM G AUSTRALIA NETWORK
2.09PM G STATION RE-OPEN
2.10PM G TOP SOIL
2.40PM G TOTAL RUGBY.
2.50PM G THE PACIFIC CUP GRAND FINAL - EMTV brings you live coverage of the Pacific Cup 2009 Grand Final from the Lloyd Robson Oval in Port Moresby.
5.00PM PG SPECIAL ENCORE PRESENTATION - THE APPRENTICE

The search for the Australian Apprentice begins with 12 candidates from all around the country competing for the life-changing opportunity to be named apprentice to one of Australia's most successful businessmen, Mark Bouris.
6.00PM G NATIONAL EMTV NEWS
6.30PM PG RANDOM ACTS OF KINDNESS
7.30PM G 60 MINUTES
8.30PM PG SUNDAY NIGHT MOVIE PREMIERE: FIRST DAUGHTER (2004) Comedy/Drama/Romance
The daughter of the President of the United States goes off to college after insisting that she be able to enjoy her school years without the omnipresence of the Secret Service. The government agrees to her demands but assigns a young agent to go undercover as a student in order to keep an eye on her. The first daughter and the agent fall in love, until she learns his true identity.
Stars: Katie Holmes, Marc Blucas, Michael Keaton.
8.27PM EMTV TOK SAVE
10.30PM G HEALING PLACE TV
11.00PM G NATIONAL EMTV NEWS REPLAY
11.30PM Australia Network
MANDE NOVEMBA 2, 2009
5.00AM G JOYCE MEYER Religious Program

B	U	D	L	E	R	H	O	E	N	S	I	N	W	S	A	B	
J	A	M	I	N	T	A	L	D	E	B	U	T	I	P	O	E	
R	O	M	A	S	I	N	O	K	E	S	M	A	L	E	M	N	
E	L	I	P	R	E	D	I	G	L	O	P	U	W	E	N	S	
S	A	P	B	A	T	E	R	I	R	L	F	E	I	K	U	I	
K	I	R	T	K	E	L	I	A	O	I	M	N	L	E	P	N	
I	N	T	A	N	I	S	E	N	L	I	S	T	I	M	A	S	
O	F	A	Y	A	M	E	S	T	R	A	I	M	I	L	I	R	
S	K	R	U	P	O	O	K	E	M	F	R	T	U	R	I	K	
I	L	O	P	E	R	I	T	U	N	R	A	K	G	M	M	A	
K	O	S	E	R	G	D	A	Y	O	B	E	I	K	V	A	I	P
O	E	R	T	Y	B	I	O	P	N	A	M	D	O	L	L	A	
B	A	M	I	M	R	E	N	T	B	I	S	K	I	T	A	H	
A	I	N	I	S	N	E	D	O	U	I	O	P	I	U	O	I	
I	S	T	I	A	K	L	T	O	P	O	R	A	M	S	I	M	
G	A	T	E	R	B	O	N	A	S	O	D	L	U	B	W	I	
H	J	E	K	L	M	I	O	K	S	C	U	N	G	O	P	R	

Painim ol dispela toktok bilong wok mekanik

BAMPA	BATERI	BENSIN	BULDOSA	ENSIN
ENSINIA	GIA	GIABOKIS	GRIS	GUMI
HANDEL	HATIM BATERIJEK	KA	KAPA	
LEKTRIK	MASIN	MOTO	MOTOBOK	MOTOKA
SEN	SKRU	STIA	SUTLAM	WILWIL

			5		2		6
6			9				5
	8	5		7	3		1
4		8		5	7		9
3		7				5	4
5			4	3		7	8
8			7	6		3	9
	3			1			
9		2			8		

6	1	4	8	2	3	5	7	9
3	5	7	9	1	6	8	2	4
9	8	2	5	7	4	3	6	1
5	4	3	2	9	1	7	8	6
1	7	6	4	3	8	9	5	2
8	2	9	6	5	7	4	1	3
7	3	5	1	6	9	2	4	8
4	9	1	7	8	2	6	3	5
2	6	8	3	4	5	1	9	7

SUDOKU  
bilong las  
wik isu...

A	F	A	I	L	I	M	S	H	D						
K	R	O	B	A			I		I						
I	S	B		B	G		S	N	W	N	S				
		O	O	N	S	L	I	N	I						
		A		A			L		S	S	A				
K	O	L	T	A	A					P					
S			U	S			W	U		I					
S	I	M	D		S		I	N	A	I	R	K	M		
	E		E	A				L		S					
S		N	U		K	L	A	M		G		P			
K	I						A	N				I			
O	S	A	M	A	P										
N															
A							P	L	A	N	G	I	A	L	B

PAINIM NEM  
bilong las wik  
isu...

TORO



BIABIA



KANAGE



TOKWIN...

ABAU I SENIS...

Sapos yu ron long rot long boda bilong Rigo Distrik igo olsem long Abau Distrik, bai yu lukim olsem bikipela senis tru i kamap. Rot i kamap gut tru long sait bilong Abau Distrik. Dispela em gutpela wok Memba bilong Abau na Deputi Praim Minista, Dokta Puka Temu i kamapim. Taim bilong bipo we ol kar i save kisim hat taim tru em i pinis. Nau sampela seksin em kolta i stap pinis na ol draiva i ken draiv gut tru na ol pasindia long baksait i ken stap isi na kisim filings na i ken singsing na amamas. Planti lain Abau pipel i givim bikipela tok amamas

long Dokta Puka Temu. Rait man.

Wok painimaut i go het yet long dispela hait pasin

PNG i stap long woa o?....

Fran kava bilong Post Courier aste i soim ol ol kastoms long intanesenel ples balus i kisim wanpela kago we i pula long hai pawa gan. Dispela gan em ol soldia boi o polis tasol i save holim. Ol i tok dispela kago i bin kam long kantri Manila na oli no klia long we dispela ol gan i kam long PNG. Tasol i painimaut olsem em i kago bilong wanpela man sentral i kam bek long PNG. Man, dispela i mak nogut nau. Yumi pait wantaim husat na kankain ol haipawa gan i wok long kam insait long kantri bilong yumi. Husat em birua bilong yumi? Yu tok!

Kunai strit stap long Kundu 2 TV

Gutwan NBC long kamapim Kunai Strit redio pilai bilong NBC Redio long TV. Nau yumi ken lukim long TV we Kunai Strit i kamap laip stret olsem liklik ol seris muvi bilong EMTV olsem "Home & Away" long bipo Bai yumi gat ol ektas bilong yumi yet long mekim dispela muvi. So ol wantok, putim was long Kundu 2 TV long bihain taim. rait ologeta!!!

Tokwin tasol...

TV GAID

5.30AM	G	TODAY
9.00AM	G	EMTV PRIME TIME LINE UP
2.59PM	G	STATION OPEN
CLASSROOM BROADCAST		
Education learning through television broadcast for Primary Schools for Grades 7 Mathematics & Science, Grade 8 Maths, Science; Grade 6 Personal Development.		
9.30am	G	Grade 7 - Mathematics
10.20am	G	Grade 7 - Science
11.10am	G	Grade 8 - Mathematics
12noon	G	Grade 8 - Science
1.00pm	G	Grade 6 - Personal Development
1.50pm	G	Grade 7 - Making A Living
2.30pm	G	Teacher Training & DEPI Program
2.59PM STATION OPEN		
KIDS KONA		
Join Sussan B. Hila as she presents some of the kids favourite shows such as cartoons series The Backyardigans, the favourite and high energy kids series Hi-5, The Pyramid & The Shak. It's an exciting, fun-filled show with games, competition and lots more....		
3.00PM	G	THE BACKYARDIGANS
3.30PM	G	HI-5
4.00PM	G	THE PYRAMID (new series)
4.30PM	G	THE SHAK
4.57PM	G	EMTV TOK SAVE
5.30PM	G	WHO WANTS TO BE A MILLIONAIRE - HOT SEAT
5.55PM	G	CRIME STOPPERS
6.00PM	G	NATIONAL EMTV NEWS
6.30PM	G	A CURRENT AFFAIR
7.00PM	G	TOK PIKSA

7.30PM	G	SURVIVOR: GABON
8.30PM	G	PASTOR JOSEPH KINGAL MINISTRIES
9.00PM	G	THE PACIFIC CUP GRAND FINAL REPLAY - (teams tba)
EMTV brings you all the action of the Rugby League Grand Final match played in Port Moresby.		
9.30PM	M	THE GIFT
10.00PM	M	GREY'S ANATOMY
11.00PM	G	NATIONAL EMTV NEWS REPLAY
11.30PM	G	Australia Network
TUNDE NOVEMBA 3, 2009		
5.00AM	G	JOYCE MEYER Religious program
5.30AM	G	TODAY
9.00AM	G	EMTV PRIME TIME LINE UP
CLASSROOM BROADCAST		
Education learning through television broadcast for Primary Schools for Grades 7 Mathematics & Science, Grade 8 Maths, Science; Grade 6 Personal Development.		
9.30am	G	Grade 7 - Mathematics
10.20am	G	Grade 7 - Science
11.10am	G	Grade 8 - Mathematics
12noon	G	Grade 8 - Science
1.00PM	G	MELBOUR CUP 2009
The race that stops a nation, as well as lead-up races LIVE from Flemington Racecourse, Melbourne, Australia.		
2.59PM	G	STATION OPEN

KIDS KONA		
Join Sussan B. Hila as she presents some of the kids favourite shows such as cartoons series The Backyardigans, the favourite and high energy kids series Hi-5, The Pyramid & The Shak. It's an exciting, fun-filled show with games, competition and lots more....		
3.00PM	G	THE BACKYARDIGANS
3.30PM	G	HI-5
4.00PM	G	THE PYRAMID (New Series)
4.30PM	G	THE SHAK
4.57PM	G	EMTV TOK SAVE
5.00PM	G	HOT SOURCE
5.30PM	G	WHO WANTS TO BE A MILLIONAIRE - HOT SEAT
6.00PM	G	NATIONAL EMTV NEWS
6.30PM	G	A CURRENT AFFAIR
6.57PM	G	NEWS UPDATE IN TOK PISIN
7.00PM	G	HAUS & HOME
7.57PM	G	EMTV TOK SAVE
8.00PM	PG	THE APPRENTICE (Series Premiere)
	G	GREY'S ANATOMY
9.30PM PG		
The race that stops a nation, as well as lead-up races LIVE from Flemington Racecourse, Melbourne, Australia.		
10.00PM	M	ARMY WIVES

- a television drama series that follows the lives of four army wives, their families, and an "army husband" whose wife is in the army.		
11.00PM	G	EMTV NEWS REPLAY
11.30PM	G	Australia Network
TRINDE NOVEMBA 4, 2009		
5.00AM	G	JOYCE MEYER Religious Program
5.30AM	G	TODAY
9.00AM	G	CLASSROOM BROADCAST
Education learning through television broadcast for Primary Schools for Grades 7 Mathematics & Science, Grade 8 Maths, Science; Grade 6 Personal Development.		
9.30am	G	Grade 7 - Mathematics
10.20am	G	Grade 7 - Science
11.10am	G	Grade 8 - Mathematics
12noon	G	Grade 8 - Science
1.00pm	G	Grade 6 - Personal Development
1.50pm	G	Grade 7 - Making A Living
2.30pm	G	Teacher Training & DEPI Program
2.59PM STATION OPEN		
KIDS KONA		
Join Sussan B. Hila as she presents some of the kids favourite shows such as cartoons series The Backyardigans, the favourite and high energy kids series Hi-5, The Pyramid & The Shak. It's an exciting, fun-filled show with games, competition and lots more....		
3.00PM	G	THE BACKYARDIGANS
3.30PM	G	HI-5
4.00PM	G	THE PYRAMID (New Series)

4.30PM	G	THE SHAK
4.57PM	G	EMTV TOK SAVE
5.00PM	G	THE SHAK
5.29PM	G	EMTV NEWS UPDATE
5.50PM	G	WHO WANTS TO BE A MILLIONAIRE - HOT SEAT
5.55PM	G	CRIME STOPPERS
6.00PM	G	NATIONAL EMTV NEWS
6.30PM	G	A CURRENT AFFAIR
6.57PM	G	NEWS UPDATE IN TOK PISIN
7.00PM	PG	THE WORLD AROUND US
Neil Diamond: Hot August Night in N.Y.C. Highlights from one of Neil Diamond's most memorable concerts from earlier this year when he performed live at Madison Square Garden in New York. Includes his classic and beloved hits America, Cherry and I Am, I Said		
9.15PM	PG	WEDNESDAY NIGHT MOVIE
PREMIERE: M SCORCHED		
Sydney, five years from now. There has been no rainfall for over 200 days. The city has nearly run out of water and is fast becoming reliant on its desalination plant. During a severe heat wave the city is ringed by bushfires which simultaneously break their containment lines leaving Sydney under siege and without sufficient water to defend itself.		
Stars Cameron Daddo, Vince Colosimo, George		



# Gavman plen long givim sapot long ol musik atis

PAPUA Niugini long dispela mun bai sainim wanpela bikpela Memorandum bilong Save (Andastending) wantaim ol kantri long Afrika, Karebien na Pasifik (ACP) long helpim ol musik manmeri.

Kamap bilong dispela MOU bai lukim ol musik manmeri na ol kampani we i save karim ol musik manmeri i go aut i gat gutpela sans long samting ol i mekim long em.

Minista bilong Turisim, Ats, Kalsa na Sivil Aviesen Charles Abel long wokabaut bilong em olsem Minista i go long Brussels bai sainim dispela ol pepa wantaim Sekretariat bilong ACP na Yuropien Yunion opis long PNG.

Dispela em bilong lukim PNG i kisim



helpim long sait bilong mani long soim ol "Nambawan" musik manmeri bilong PNG long wol.

Kain samting em opis bilong Minista i plen long kamapim long narapela tupela yia.

Dispela em i gutpela nius, moa long ol manmeri bilong mipela husat i gat gutpela save bilong musik.

Kain samting i kamapim sans long ol musik atis long ol i ken mekim mani long wokabaut bilong ol.

Na i soim tu olsem Nesenel Gavman i no mauswara long toktok bilong em tasol i mekim

samting tru long givim sapot.

Long Gavman i givim sapot bilong em long painim, developim na lukim ol musik atis i mekim mani.

Long namel bilong mun i go pinis long dispela pes mi bin tok long sans we ol PNG musik atis bai gat taim ol i go long narapela kantri long soim ol yet.

Sampela long ol bikpela pilai we ol inap long soim ol yet em Australiesien Wol Musik Ekspo bilong wanwan yia long Melbon, Australia long Novemba dispela yia na APRA Vanda na Young Songrait Resis we i kamap tu long Novemba.

Long dispela ol taim mi salensim Gavman aninit long Minista bilong Kalsa, At na Turisim na nau Sivil

Eviesen Charles Abel olsem Gavman bilong mipela i mas givim sampela gutpela luksave long ol musik ekspo na salim ol musikmanmeri bilong mipela i go aut na soim ol yet long wol.

Dispela bai tokaut long wol long stap bilong mipela, long kalsa na long save bilong mipela long musik.

Mi askim tu olsem kain samting em Minista Abel i mas go pas long en na moa yet em tu i wanpela musik man na i kamapim pinis sampela ol albam na piksa long vidio.

Dispela em wanpela rot we ol musikmanmeri bilong mipela i ken kisim luksave long wol we oltaim mipela i save harim nem bilong ol arapela lain tasol. Yangpela musik



SAPOT KAM: Biknem PNG musikman George Telek long wokabaut bilong em i go long Amerika pastaim long dispela yia

industri long kantri i wok long kamap gut bikos long sapot bilong sampela ol praivet sitisen we i lukim industri i no pundaun.

I nogat wanpela gutpela sapot i kam long gavman long sapotim dispela sekta we i strongim planti ol yangpela na nau em i taim gavman i mas skelim gen tingting bilong em.

Sapos nogat wanpela gutpela sapot i kam long sekta long dispela taim na ol taim i kam bihain dispela bai mekim ron bilong industri i hat na inap long pundaun.

Long dispela as mi askim Gavman long givim sapot long ol musikmanmeri bilong mipela taim em i mekim mani plen.

Mi pinisim dispela tingting wantaim hap tok bilong wanpela memba bilong famili olsem sapos Gavman inap long helpim ol musikmanmeri bilong mipela long soim ol yet long narapela kantri, wanpela de mipela inap long tok olsem mipela i nambawan long wol.

Na yes Mista Abel husat i save skelim taim bilong em olsem Memba bilong Alotau, Minista bilong Gavman na wanpela musikman i kisim dispela salens na i askim wanpela strongpela man bilong musik em lan Piggy Boas na mi long wanpela bung we mipela i toktok long we Gavman i mas givim sapot bilong em musik industri.

"Tingting bilong mi em long salim ol top musikmanmeri bilong mipela i go long narapela kantri na soim ol yet," Abel i tok.

Long taim em i mekim dispela tok em i kamap wantaim ol plen long ol rot we Gavman sapot mas go insait long industri.

Em i stretim gen Ministri bilong em we em i laikim bai mas stap aninit long wanpela nem em Opis bilong Turisim, Ats na Kalsa.

Na Turisim, Promosen Atoriti, Nesenel Kalsurel Komisen na i kisim tu wok bilong wokim ol muvi olsem long Gorok na, Nesenel Filim Institut long Goroka, Institut bilong PNG Stadi bai stap wanpela na Musium na JK McCarty Musium long Goroka bai stap aninit long Nesenel Musium na Ats Galari.

Em i rait i go pinis long Yuropien Yunion Komisen long kisim helpim long ol ACP.

Abel i gat ol musik grup olsem Wabo Knights bilong Alotau wantaim CHM Supasaun.

Nau yet em i wok long redi long go bung wantaim ACP opis long Yurop.

Long taim em i mekim askim em bai bringim tok tu olsem kain sapot i bihainim tok bilong Yunaited Nesen long tok bilong daunim tarangu sindaun (poveti ridaksen) na lukim ol manmeri inap long sanap bilong ol yet na i strong yet long ol taim bihain.

"Mi stretim Ministri bilong mi long kamapim "Hiros" musik na ats long givim gut-

pela luksave long ol musikmanmeri bilong mipela na givim sans long ol long ol i soim ol yet long wol."

"Mi pilim dispela em i gutpela rot bilong mekim samting."

"Long givim kain sapot mi tingting long kamapim wanpela independen Komiti o Bod long lukim dispela ol plen i karim kaikai," Mista Abel i tok.


Mi sapotim Minista long tingting na plen bilong em bikos bihain long 34 krismas mipela i no bin harim ol lukim kain sapot olsem i kam long Gavman na olsem mi givim bikpela salut long em.

Dispela pilot projek bilong Minista bai go aninit long lukaut bilong biknem PNG Musikman em Daniel Waswas, Raymond Chin bilong CHM, Minista yet na mi, dispela raita.

"Long narapela tupela yia mi lukim wok i mas kirap tru long dispela plen."

"Mi laik askim long wanem as long planti ol musikmanmeri bilong Solomon Ailans inap long salim kaset bilong ol long PNG tasol long PNG i mekim wankain i nogat," Minista i askim.

Long opis bilong Yuropien Komisen long PNG Minista i bung wantaim het bilong Komisen em Ambeseda Aldo Dell'Aricecia na long Brussels em bai bung wantaim Se John Kaputin husat i wanpela PNG man tu.



## PABLIK NOTIS

Hunter Strit bai pas stat long 8:00 kilong Sarere 31st Oktoba igo inap 5:00 pm long Sande 1st Novemba 2009


Dispela bai givim taim long ol wokman long rausim ol ain pat blong tawa-krein em kontrakta i wok long en long projek eria.

Ol pipel husat i yusim Defence Haus na Fairfax apatmens i ken gohet long kam insait long Hunter Strit na ol wokman bai givim rot long yupela long go long ples bilong yupela.

Ol narapela lain long pablik i kam olsem long friwei mas yusim Stanley Esplanade na ol narapela rot sotpela taim tasol taim ol i kam insait long taun.

Toksave i kam long NCDC a/City Menesa  
Mista Leslie Alu

Raun wantaim Kanage olgeta wik



- NEM:** Jimmy Nisa  
**KRISMAS:** 17 (man)  
**ADRES:** C/- Kilipau Village, P.O. Box 56, Vanimo, Sandaun Province  
**SAVE LAIKIM:** Harim musik, raitim pas, go skul, wok gaden, mekim pani
- NEM:** Awi Pani  
**KRISMAS:** 15 (man)  
**ADRES:** C/- Elo Community School, P.O. Box 283, Vanimo, East Sepik Province  
**SAVE LAIKIM:** Go skul, pilai soka, raun raun, raitim pas na harim musik.
- NEM:** Mathew Kei  
**KRISMAS:** 15 (man)  
**ADRES:** C/- of Elo Community School, P.O. Box 283, Vanimo, Sandaun Province  
**SAVE LAIKIM:** Pilai soka, harim musik, raitim pas, go skul na raun raun
- NEM:** Standford Anzie  
**KRISMAS:** 19 (man)  
**ADRES:** Kanabea Catholic Mission, P.O. Box 220, Kerema, Gulf Province  
**SAVE LAIKIM:** Harim musik, pilai soka, basketball, mekim pani, raitim pas na mekim pren
- NEM:** Jenice Merinere  
**KRISMAS:** 18 (meri)  
**ADRES:** C/- John Wamane, P.O. Box 674, Wewak  
**SAVE LAIKIM:** Lukim TV, stori, go lotu, mekim pani na raitim pas.
- NEM:** Kama Hasu  
**KRISMAS:** 17 (meri)  
**ADRES:** Oil Palm Industry Cooperation, P.O. Box 592, Kimbe, West New Britain Province  
**SAVE LAIKIM:** Pilai spot, makim pani, ritim buk, harim musik na lukim TV
- NEM:** Paulus Laumu  
**KRISMAS:** 36 (man)  
**ADRES:** P.O. Box 635, Buka, ARB  
**SAVE LAIKIM:** Raitim pas, mekim pani, wok na harim musik.
- NEM:** Elvis Woni  
**KRISMAS:** 22 (man)  
**ADRES:** C/- Trevor Maiyu, Post PNG Ltd, Vanimo, Sandaun Province  
**SAVE LAIKIM:** Raitim pas, mekim pani, harim musik, pilai soka, stori na lukim TV
- NEM:** Jockey Sam  
**KRISMAS:** 18 (man)  
**ADRES:** Omati West TFI, P.O. Box 184, Port Moresby, NCD  
**SAVE LAIKIM:** Raitim pas, harim musik, mekim pren, lukim TV, pilai ragbi, na volibol.
- NEM:** Sai Libi  
**KRISMAS:** 19 (man)  
**ADRES:** Ela Motors, P.O. Box 3182, Lae, Morobe Province  
**SAVE LAIKIM:** Pilai Sports, raitim pas, lukim TV na mekim pren

**K**anage em wanpela kaunsela. Kaunsel opis o kibung ples i stap klostu long nambis. Olgeta Fraide, Kanage ino save wokim gut miting long wanem ol pipel save lukluk i go ausait long ol moto na ol man long nambis. Kanage i no save wan bel long ol pipel bilong em.

Long wanpela bikpela miting bilong kaunsel, Kanage bilas gut tru. Em pasim laplap na werim nek tai. Tasol em i no werim anda pens. Kanage toktok i stap na wanpela dingi i ron i kam. Ol manmeri ron i go ausait long tok gutbai na tromoi han long ol wantok. Dispel wokim na Kanage stop namel long miting bilong na wait long ol manmeri long kam insait. Taim dingi i go pinis, ol manmeri ikam bek insait long kibung. Kanage wokabaut i go long fran bilong ol. Em tanim isi tasol, brukim baksait na apim laplap bilong em. Em nau askim ol, "Yupela lukim wanem?" Olgeta manmeri pasim ai na daunim het. Nogat wanpela bilong ol bekim Kanage. Kanage tokim ol, "Lukim gut, em dingi tasol. Moto bagarap olsem na propel i hangamap nating i stap!"

Noxii Aigo  
Kerema

Kanage em man bilong lotu, na em wanpela bilip man tu. Wanpela Sande, Kanage wantaim poro bilong em go lotu. Pater laik opim lotu wantaim wanpela prea na olgeta manmeri pasim ai. Kanage tu pasim ai na beten. I no long taim na wanpela mosquito kaikai nek bilong em. Kanage isi tasol tokim poro bilong em long ronim mosquito. Poro bilong opim ai na lukim mosquito ya pulap long blut. Em isi tokim Kanage, "Brat, mosquito ya bel pulap olgeta long bulut bilong yu ya!" Kanage tokim em long kilim tasol. Poro bilong Kanage i no isi, em givim wanpela strongpela wan. Kanage kisim taim na pundaun namel long prea. Pater opim ai na tok, "The Spirit is moving!"

Jack Nasuandi  
Boroko

Tupela yangpela boi hatim stori na kilim skin stret long lap i stap. Wanpela meri salim buai istap belhat nating na em tok long tupela, "Hei, liklik gut wan!" Tupela boi kirap na bekim meri ya, "Wadex, Nogat time ya!" Meri belhat olgeta na em kisim wanpela hap diwai na ronim tupela boi ya igo.

Dozzie Gumuna  
Madang

Kanage em wanpela mangi Morobe, Markam stret. Em stap long haus na mama bilong em tokim em long go katim kalapua banana. Kanage kisim bus naif na igo long gaden. Kanage katim banana pinis na wanpela sentipit pundaun long baksait bilong Kanage. Sentipit ya bihainim baksait bilong em igo long lek bilong Kanage na kaikaim em. Kanage pundaun long as bilong ol banana krai stap. Wanpela lapun



man harim em karim na em i kam lukim em. Kanage tokim em olsem, "Bubu, wanpela sentimta kaikai mi ya!"

Betty Omboki  
Boroko

Kanage em man bilong eksenim ol driman bilong em. Wanpela nait em driman olsem balus i weitim em. Boi kirap kisim sutkes bilong em na tait tasol igo opim dua na go outsait. Em aipas wantaim na spit igo long kalap long balus long driman. Turangu, boi givim siksti igo na lain bilong hagamapim ol kolos, huk sotim nek bilong Kanage. Baga kirap nogut long driman na singaut nogut tru. Misis bilong em harim na ron i go outsait na lukim Kanage wantaim sutkes bilong slip long gras na tanim tanim i stap. Misis Kanage kisim sutkes tasol na lusim Kanage silip istap. Baga man kisim bikpela taim long kol na kirap ronawe i go insait long haus.


Sista Kanage  
Nuigo, Wewak

Kanage em bilong Tari tasol i save stap wantaim ol lukaut familj bilong long Gerehu. Em man bilong toktok and pilai nabaut. Wanpela taim, wanpela bubu bilong em stori long Jona na Sakias. Boi

sindaun isi harim stori bilong dispela man Jona. Long avinun, mama bilong em pinis wok na kam sindaun kisim win long haus kuk istap. Kanage i ron i go na tokim mama bilong em: 'Mama, bubu meri tokim mi long wanpela stori na mi laik stori long yu'. Mama bilong em smail tasol na tokim em long stori. Kanage kirap na stat: 'Wanpela man, em ino man bilong harim toktok bilong papa got. Wanpela taim em kalap long wanpela sip igo na bikpela win na ren pundaun. Ol lain kisim taim stret. Ol lain long sip tromoi Jona igo insait long solwara na wanpela bikpela pis daunim em. Pis ya kisim em na igo, igo, igo.....' Mama bilong em kirap na askim em: 'Na pis kisim igo we?'. Kanage tokim em: 'Yu wait. Klostu nau. Pis i kisim em igo, igo, igo na em kamap long wanpela ples. Pis ya kirap tarautim Jona na Jona, em tarautim Sakias!'. Mama bilong em ino toktok. Em i kaikai klos tasol na indai long lap. Kanage i lukim mama bilong bilong em karai long lap na em tok mama bilong em long noken karai long Jona na Sakias.

Mambu  
Wantok bilong yu yet

**Ol skwat!**  
 Salim ol gutpela Kanage tok pilai i kam long: Kanage Tok Pilai P.O. Box 1982, Boroko, NCD Port Moresby. Bai yu i gat sans long winim "Raitman Kanage" t-siot!



**BAI YU WINIM WANPELA WANTOK T-SIOT O LAPLAP!**  
 Salim i kam long: Pani Toktok Kompetisen, P.O. Box 1982, Boroko, NCD Port Moresby. Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Nem: ..... Adres: .....

Krismas bilong yu: ..... Telepon: .....

Yu baim Wantok niuspopa long wanem hap: .....

(Rot, Maket, Stua).....

Katim long hap: .....



Opis bilong Sekreteri bilong Dipatmen bilong Leba na  
Indastriel Rilesens

## **MIDIA TOKTOK**

*Dispela Pres Rilis i kam long Dipatmen bilong Leba na Indastriel Rilesens*

### **OL BIKPELA TOKSAVE LONG OL WOK PEMIT RINIUAL APLIKESAN, OL TRENING RIPOT, OL WOK PEMIT INSPEKSEN PROSIDIA: I STAP PINIS**

#### **Ovaviu**

*Employment of Non-citizens Act 2007* i sanapim sampela ol provisin long riniuum ol eksisting wok pemit o wok pemit i stap pinis, bilong ol wokmanmeri bilong arapela kantri. Wanpela bikpela luksave long rot bilong riniuum ol wok pemit, em ol aplikesen bilong riniuum i mas kam tripela (3) mun pastaim long ekspai de bilong wok pemit.

Narapela bikpela luksave i mas stap wantaim Wok Pemit riniuum aplikesen em wanpela Trening Ripot olsem i stap klia aninit long Seksen 26 (1) bilong Ekt.

**Astingting bilong dispela notis em bilong toksave gen long olgeta stekholda long ol bikpela rot bilong bihainim long stretim gut ol dispela ol samting daun-bilo:**

**Ol Wok Pemit Riniuum Aplikesen; na  
Ol Trening Ripot; na**

**Bikpela wok bilong ol Otorais Dipatmen Opisa i save mekim ol wokples Inspeksen raun.**

#### **Ol Wok Pemit Riniuum Aplikesen**

Mipela i tok klia gen olsem ol Wok Pemit Riniuum aplikesen i mas kam tripela mun pastaim long ekspai de i stap long wok pemit. Dispela bai givim inap taim bilong prosesim na glasim gut ol aplikesen na taim bilong givim disisen insait long 42 de lo yet i makim.

Tasol, sapos olgeta samting bilong Aplikesen i stap, na wanpela gutpela Trening Ripot i kam wantaim Riniuum bilong ol Wok Pemit aplikesen fom, Dipatmen bai stretim insait long tripela wik.

#### **Trening Ripot: Ol senis i stap nau**

Trening Ripot em i wanpela samting i mas stap, we i givim Dipatmen evidens long mak na strong bilong ol lain i aplai long wok pemit, na ol bisnis bilong ol trening na developmen rot i stap long ol Papua Niugini wokmanmeri. Wanpela **Trening Ripot** em i rekot bilong wanem kain trening i kamap long las tripela yia. Tasol sampela taim, kwolati na infomesen bilong sampela Trening Ripot i no gutpela, na planti ol wok pemit riniuum aplikesen em mipela i no tok oraitim.

Long narapela sait, wanpela **Trening Plen**

em i narakain long **Trening Ripot**, na em i save kam long Nesanel Trening Kaunsel, wanpela narapela bodi i save was long trening na developmen ol bisnis i save kamapim bilong ol wokmanmeri bilong ol.

Wanpela **Trening Ripot** em i stap long pes 24 bilong Blu Wok Pemit Gaitlain Buklet, tasol nau em i polisi bilong dipatmen olsem ol bisnis i mas givim tu ol dispela infomesen long soim klia tingting bilong ol long givim moa save, trening and developmen long ol wokmanmeri bilong ol:

Ol nem bilong olgeta PNG wokmanmeri na ol wokmanmeri bilong arapela kantri husat i kisim trening; na

Stori bilong olgeta kain trening (insait long kampani o opis o ausait) we bisnis o bosmanmeri i givim ol lain PNG na ausait lain i givim dispela ol trening; olsem, kastoma sevis trening, IT (infomesen teknoloji) trening, taim menesmen trening, yusim kes rejista treing, HIV/AIDS awenes trening, mentoring o tisa trening program, ol aprentisip skim; na

De na ples ol dispela trening i kamap; na Wanem kain komyuniti wok o sponsasip we bisnis o opis na ol liklik bisnismenmeri yet i save mekim.

**Plis tingim: Yu mas givim wanpela kopi bilong Trening Ripot bilong yu i go long NTC**

**Olgeta bosmanmeri bai go het long givim ol Trening Ripot wantaim ol aplikesen bilong Riniuum bilong Wok Pemit i go long Foren Emploimen Divisin (Foreign Employment Division), na kopi i mas go tu long Dairekta, Nesanel Trening Kaunsel (NTC), P. O. Box 1170, Boroko.**

**NTC bai sekim Riniuum Wok Pemit Trening Ripot (sapos ol i pinisim trening) wantaim ol wok trening i stap insait long Trening Plen we bisnis o opis i givim i go long NTC pastaim.**

**Sapos i gat sampela samting i paul namel long Plen na Ripot, bai nogat tok orait bilong ol Wok Pemit Riniuum aplikesen.**

**Ol Dipatmen Opisa i gat Atoriti**  
Ol dispela opisa i gat pawa long sekim ol Trening Rekot bilong ol wokples olsem ol i

mas gat ol gutpela trening program, we ol i tok makim insait long Trening Plen bilong ol, na dispela i mas karim kaikai. Ol wokmanmeri bilong PNG yet tu i mas autim belhevi o belwari bilong ol long dispela Opis sapos ol i bilip olsem i nogat inap trening i kamap.

Ol dispela Otorais Opisa i ken go insait long wokples long:

Sekim wok ol wokmanmeri bilong arapela kantri i mekim, o wanem ol masin o samting ol i yusim long mekim wok;

Askim ol kwesten na askim long stori bilong wanpela wokmanmeri bilong arapela kantri;

Glasim wanem ol wok pemit na wok pemit kat;

Glasim ol trening na developmen ripot we i ken go tu long askim ol wokmanmeri bilong arapela kantri ol askim long trening ol i kisim; na

Glasim na kisim kopi long wanem ol rejista o rekot we i stap wantaim wok bilong wanpela wokmanmeri bilong arapela kantri.

Olgeta bosmanmeri na ol wokmanmeri bilong arapela kantri i mas wokbung wantaim ol Otorais Opisa na halivim ol long kari-maut gut wok bilong ol. Husat manmeri i no wokbung wantaim, i pasim rot o i no opim rot bilong ol Otorais Opisa em i asua pinis na i ken kisim mekimsave fain inap long K5,000 o kalabus inap 6 mun. (Seksen 48(4)).

Mi laik askim olgeta stekholda husat i gat ol belwari o askim long plis ringim Opis bilong Eksekutiv Menesa, Emploimen Promosen, long telepon (675) 325 2911 o salim askim bilong yu i go long [enquiries@workpermits.gov.pg](mailto:enquiries@workpermits.gov.pg)

**David K. G. Tibu, LLB  
Ekting Sekreteri**

**LNG project i kam gut tasol bai i gat hevu tu**

Paul Zuvani i raitim

MASKI long kamap bilong bikpela Likwifaid Naturel Ges (LNG) projek planti manmeri bai kisim taim yet.

Inap long taim Gavman i skelim na yusim gut mani em i kisim long dispela projek na ol arapela ges, petroleum na maining projek sindaun bilong manmeri bai i no inap gutpela.

Dispela em tok bilong em tok bilong Dokta Laurence Chandy bilong Lowy Institut long Australia i tok.

Em i mekim dispela tok long Nesenel Risest Institut (NRI) long Mosbi long aste bihainim wok painim bilong em mekim long wok developmen long Papua Niugini.

Em i tok em i tru olsem 60 pesen bilong mani ol kampani long narapela kantri i save go aut na 40 pesen i stap bek.

I olsem long 10-pela samting, 6-pela i go aut na foapela i stap insait.

So maski Gavman na developa i tok dispela projek bai kamapim planti mani, planti bilong dispela ol mani i no inap helpim sindaun bilong ol manmeri.

"Na long 40 pesen sapos Gavman i skelim gut dispela mani bai lukim stap bilong ol kamapim i kamap gutpela."

"Sapos nogat dispela 40 pesen bai go long liklik lain tasol na planti manmeri bai go het yet kisim taim nogut."

"Na olsem manmeri husat i gat sans long holim dispela mani bai skruim yet wok bilong kamapim moa kago na mani bilong em na liklik manmeri bai stap olsem tarangu," Dokta Chandy i tok.

Tasol sampela ol man olsem bipo Seketari bilong Foren Afeas Gabriel Dusava na bipo Vais Sansela bilong Yunivesiti bilong Papua Niugini Joseph Sukuwano i tok ol toktok bilong Dokta i no tru.

Ol i tok PNG i lukim sampela gutpela senis pinis na i no tru olsem kantri i stap daunbilo tru long wok bilong developmen long mak bilong Yunaited Nesen.

"Toktok bilong mi i givim narapela hetpen long mi."

"Mi ting mi kamap orait tasol yu givim mi narapela pen gen," Mista Dusava i tok.

Na Mista Sukuwano i tok Dokta Chandy i mekim wok painim long ol laibreri na kompyuta tasol.

Em i no bin go aut tru tru long ol lokol ples long painim aut sapot ol pipel i stap long mak nogut.

"Mi laik save Dokta Chandy i go long Maramundi, Angugnak o Lek Kopiago."

"Mi laik tok olsem mi bin go na mi lukim ol manmeri i stap klina na i gro gut."

"Long yu kam na tokim mi olsem stap bilong mi i nogut em dispela mi no klia," Sukuwano i tok.

Tasol Dokta Chandy i tok em i tokaut long PNG i stap tarangu yet maski long gutpela ron bilong kantri long wok bilong mani long 7-pela yia sindaun bilong kantri i nogut yet.

Em i tok dispela i no-long sait bilong mani tasol moa long sait bilong infrastraksa em long ol rot, bris, ples balus, ol haus sik na skul.

Dispela ol samting i brukdaun yet, Dokta Chandy i tok.

**Kampani mas helpim trenim man**

Paul Zuvani i raitim

OL kampani we i mekim wok long Papua Niugini i mas helpim long trenim ol lokol manmeri long mekim wok.

Dispela bai helpim long stretim hevi bilong sot bilong ol speselis wokmanmeri insait long kantri.

Long wankain taim kain pasin i bihainim tu polisi bilong Gavman long kamap bilong lokolaisesen polisi.

Dispela em tok bilong Minista bilong Petroleum na Mema bilong Mt. Hagen William Duma long taim em i opim Petroleum na Ges Seminar (kibung) long Crowne Plaza Hotel, Mosbi long Tunde dispela wik.

Kibung we PNG Maining na Petroleum Samba i kamapim i bilong givim taim long ol petroleum na maining kampani long tokaut long pien na wok bilong ol insait long kantri.

Long Tunde na aste em kibung bilong ol petroleum na ges kampani olsem ExxonMobil na InterOil na long tude na tumoro em kibung bilong ol maining kampani olsem Ok Tedi na Ramu Nikel.

"Ol eneji kampani i mas stat tingting tu long kamapim ol wok na trenim ol lokol manmeri long wok."

"Mipela i gat ol mahmeri



**GUTPELA WOK:** Mista Duma (namel) i toktok wantaim dairekta bilong Samba Maining na Petroleum Greg Anderson (lep han) na Emma Cochrane bilong ExxonMobil.

husat inap long lain na holim ol wok na helpim long developim kantri."

"Wantaim kamap bilong ges projek we ExxonMobil i go pas long em mipela i save dispela projek bai gat laik long kisim moa wokmanmeri."

"Tasol dispela ol wok i no ken go long ol manmeri bilong narapela kantri."

"Sapos i gat ples bilong

kisim ol lokol manmeri long wok ol kampani i mas kisim ol."

"Na sapos nogat ol kampani i mas trenim dispela ol speselis wokmanmeri," Mista Duma i tok long taim em i tokaut tu long sapot bilong Gavman long ol kampani long wok bilong ol.

Mista Duma i tok moa olsem ol kampani we i kisim lainsens long mekim

eksplorasen o developmen wok i mas lukim olsem ol i bihainim tok bilong ol.

Ol i no ken giaman long kisim ol lainsens na bihain i no kamapim wok.

"Mipela i laikim ol kampani we i bihainim tok bilong ol."

"We ol i tok ol bai mekim eksplorasen o developim projek dispela em ol i mekim."

Em i tok amamas long InterOil we maski em i bin bungim hevi bilong mani tasol i sanap strong inap long em i painim tupela bikpela ges risev em long Elk 1 na 4 na Antelop 1 na i no longtaim i go pinis i painim Antelop 2 long Galp Provins.

PNG bai salim ges bilong em long 2013 o 2014 na bai kamap namba 20 long ol kantri we i save salim ges.

**Se Peter no amamas long kamap bilong Ramu Nikel na PMIZ**

Paul Zuvani i raitim

LONG stat bilong Ramu Nikel projek mi no bin laikim kamap bilong dispela projek.

Dispela i no gutpela kontrek gavman i sainim.

Saina i gat nem nogut bilong mekim ol wok, bipo Gavana bilong Madang na siaman bilong Melanesian Faundesen Se Peter Barter i tok.

Em i mekim dispela tok long taim Wantok Niuspepa i askim long dispela wik long tingting bilong kamap na wok bilong Ramu Nikel na Pasifik Merin Industriel Jon (PMIZ) projek.

Em i tok maski ol toktok i kamap olsem ol samting daunbilo long solwara na ol manmeri i no inap kisim bagarap long ol rabis em kampani i tromo i go daun long solwara, bagarap bai kamap yet.

"Long tok stret mi no bin laikim kamap bilong dispela projek."

"Gavman i go het na bihainim laik bilong em long askim Saina kampani long kam mekim wok," Se Peter husat i memba bilong (Somare) Gavman we i bin askim na sainim dispela kontrak.

I nogat planti spin ov bisnis bai kamap long dispela projek na sol-

wara we ol manmeri i save kisim helpim long em bai bagarap tu.

Ol rip aninit long solwara bai kisim bagarap tu, Se Peter i tok.

Em i tok dispela i wankain long PMIZ.

Em i tok Katolik Misin i salim graun long Gavman na nau Gavman i papa bilong dispela graun.

Ol tarangu manmeri long ples nau bai stap olsem lus man long graun bilong ol yet.


"Mi ting Nesenel na Provinsel Gavman bai kamap wantaim sampela gutpela tingting long sindaun bilong ol lokol manmeri tasol dispela i nogat."

"Nogat wanpela atoriti i gat tingting long ol as ples manmeri."

Em i tok long narapela eksplorasen kampani em Marengo we i mekim wok long Yandera long Bundi Distrik olsem dispela kampani tu i bagarapim ol wara tu long wok bilong em.

Em i tok Marengo i no statim yet wok developmen bilong projek na longtaim yet i bagarapim pinis wara na bus bilong ol manmeri long yusim na dring.

Em i tok inap long wanpela gutpela politikal lida i kamap na senisim rot bilong mekim olsem,



Madang pipel bai kisim taim nogut. Em i tok ol pipel i bilip long Se Arnold long go pas long ol na i votim em tasol em tu i no laik kisim tingting bilong ol long kamap bilong dispela ol projek.

**NO AMAMAS:** Se Peter i no amamas developmen i kamap.

# “the world in your pocket”

**Features:**


- 3 mb speed
- CDMA ver 2 tech
- wireless broadband
- plug & play

**EVDO**  
K'cess Internet



**TELIKOM**


For enquiries contact 323 4444




**BAKSAIT:** Kepten bilong Cook ailans, Tere Glassie skelim yunifom bilong em bipo long gem las wik long wanpela bung long Lamana hotel long Mosbi. Ol i winim Fiji las wik na bai stap long fainol wantaim PNG dispela Sande. **POTO: Andrew Molen.**



**SALENS:** Joan Kandu bilong St Pauls praimer skul i resis wantaim birua bilong em bilong Gerehu praimer skul long gren fainol bilong anda 13 skul soka resis bilong oi meri long Gerehu kantri soka long Mosbi. St Pauls i w. 2-1 long penolti sut. **POTO: Andrew M**



**HOLIM EM:** Ian Gore bilong Madang Madgauns i holim wanpela PNGDF pilaia long gem bilong ol long MRDC PNG ragbi sevens las wik Sarere long Mosbi. Tupela tim wantaim ino go long fainol tasol ol i bin givim salens tru. **POTO: Andrew Molen.**



**TROMOI:** Bola bilong Taora i tromoi bal agensim KCC long gem gem bilong ol long Mosbi kriket resis long COLts pilai graun las wik Sarere. **POTO: Andrew Molen.**

# bemobile PAINIM BAL RESIS!



Putim mak (X) long wanem hap yu ting bal i stap long en na salim i kam long:

**Bemobile  
PAINIM BAL RESIS  
WANTOK NIUSPEPA  
P.O. Box 1982 Boroko,  
NCD  
Port Moresby.**

Bai yu gat sans long winim **sampela gutpela prais** i kam long Bemobile na **K100** i kam long Wantok Niuspepa long wanwan mun.

Lo bilong resis: Ol wokmanmeri bilong Wantok Niuspepa no inap pilai long dispela resis. Wantok Niuspepa tasol bai i makim wina. Nogat potokopi. Taim bilong dro em bihain long foapela wik bai ol i droim wina na nupela pilai bai i stat gen. Nem bilong wina bai kamaut long pepa neks wik bihain long dro.

**bemobile WANTOK**

Nem:.....Krismas.....

Atres:.....

Phone namba:.....

**Yu baim pepa long we?**

Long strit/ rot/ stua:.....

Katim na salim i kam



# Kumuls gat planti wok long mekim

**Bustin Anzu i raitim**

**PAPUA Niugini Telikom Kumuls i gat planti wok yet long mekim bihain long pilai bilong ol wantaim Tonga long dispela bikpela SP Ragbi Lig Pasifik kap Las wik Sande Long Mosbi.**

Kumuls i win 44-16 tasol dispela ino inap long wanem, ol i go slip long namba tu-hap taim ol i lukim ol Tonga i sot win long strongpela san.

Ol i gat bikpela wok long mekim long kamapim gutpela pilai dispela wiken.

Long narapela pilai namel long Cook Islands na Fiji, ol Cooks i bin bagarapim sindaun bilong Fiji 24-22 na dispela i min Cook Islands na PNG bai pilai long fainol long lukim husat

bai kisim Pasifik kap. Fiji na Tonga bai pilai long namba tri na 4 ples.

Long las 20 minit insait long namba tu hap, ol PNG Kumuls ino pilai strong na dispela i lukim ol Tonga i putim tupela isi trai long kisim narapela 12 poin long surik i go antap.

Ol i pundaunim planti bal tu we sapos ol i bin lukautim gut bai ol inap long putim sampela moa poin bilong ol.

Kumuls i pilai gut insait long namba wan hap we ol i kisim isipela 20 poin na narapela 14 poin long namba tu hap. Tasol long las 20 minit. ol i sot win na givim bikpela spes na taim long Tonga long putim tupela isi trai.

Long mak i soim olsem PNG abrus long

mekim 17 takol na Tonga i abrusim 24.

Long trening dispela wik, Kumul kosa Adrian Lam bai mekim planti wok long stretim dispela asua.

Skoa lain inap long senis na ol inap long putim tupela trai long las hap bilong namba tu hap tasol ol Tonga i lukim olsem Kumuls i slip na ol i hariap long skoa.

PNG hap bek, Keith Peters i tok ol ino wokim gut insait long las hap tasol ol i bin skoa gut long namba wan hap na dispela i holim ol i go long ful taim.

Na tu, ol sapota tu i bin givim gutpela sapot stret.

Tasol dispela ino mekim wanpela samting long ol Tonga na kepten na faiv eit bilong

ol, Feleti Mataio i tok ol i bin kisim bikpela bagarap long PNG bilong wanem ol i pilai strong tru long win.

Maski Tonga em ino wanpela strongpela kantri long ragbi lig, dispela ino wanpela samting long wanem, 4 nesens ragbi lig long 2010 em stat nau.

Kumuls i mas pilai gut nau long stat na wok moa long ol hap eria we ol ino mekim gut long en.

Tonga i bin gat sampela ol pilaia husat i save pilai long NRL na Toyota kap resis long Australia na tu long Supa Lig long Inglen.

Wankain long PNG, ol i kisim ol pilaia long NRL na Supa Lig tu wantaim ol asples.



**PILAI:** Gande (lephan) bai tingim dispela gem olgeta taim. **WANTOK POTO.**

## Pasifik kap em bikpela samting long Gande

**Andrew Molen i raitim**

WANWAN pilaia i gat tingting long pilai bilong ol yet insait long Pasifik kap salens tasol long Bintangor Lahanis na PNG Kumul fowet, Sigfred Gande, dispela em i bikpela samting tru long laip bilong em.

"Insait long laip bilong mi bai mi no inap lustingting long dispela gem.

"Em i olsem wanpela bikpela samting i kamap long laip bilong mi namel long taim mama i karim na taim mi dai, em i bikpela samting tru," Gande i tok.

"Em i wanpela samting we mi bai ken tingim na stori long ol pikinini na bubu bilong mi bihain taim," em i tok.

Long 2008 Gande i

bin wanpela bilong ol 49 pilaia husat i stap long Kumul skwat bilong wol kap tasol ol ino bin kisim em i go long pilai.

Em i bin kisim sampela bagarap tu na dispela i stopim em.

2009 sisen i bin gutpela yia bilong Gande we i lukim tim bilong em i go long semi fainol bipo ol i lus long ol Toyota Mioks.

"Mi pilai gut dispela na mi amamas long fom bilong mi nau.

"Nau mi stap long tim na mi bai soim tru gem bilong mi," em i tok.

"Mi save olsem ol arapela pilaia tu i pilim wankain olsem na dispela bai wanpela strongpela gem tru," Gande i tok.

PNG kepten, John

Wilshere tu i tok dispela tonamen i gat bikpela as long tingting bilong ol Kumuls na tu planti ol manmeri bilong kantri.

"Mi kepten olsem na em bai bikpela samting tru long mi sapos mipela i winim dispela tonamen.

"Em bai soim tru bilip bilong mi, olgeta manmeri, olpela na yangpela, ol bipo na nau Kumul, long wanem as tru mipela i save laikim dispela gem na pait long werim dispela jesi," Wilshere i tok.

Cook ailans, Fiji, Tonga na PNG i stap insait long dispela resis we tim i win bai go pilai insait long 4 nesens resis long 2010 wantaim Australia, Nu Silan na Gret Briten.

## Lam bilip long Peters

PAPUA Niugini Kumul kosa, Adrian Lam i bilip hap bek bilong em, Keith Peters i ken mekim wok inap long kisim ol i go insait long 4 nesens resis long 2010.

Nogat planti man i save luksave tumas long Peters.

Ol ino save ron bihainim em na karim em long fil i go long bas o singautim nem bilong em tumas olsem ol i save mekim long ol arapela Kumul pilaia long PNG.


Tasol Peters em i wanpela man husat i save mekim nais insait long fil moa long em i save mekim long outsait.

Kumul kosa, Adrian Lam husat i bin hap bek bilong Kumuls bipo i tok em i gat bilip long Peters.

"Mi yet i lukim olsem as bilong planti gutpela samting i kamap long tim em long gem bilong em (Peters)," Lam i tok dispela wik Tunde.

Em i ting gutpela pilai na isipela pasin bilong Peters i helpim long kisim ol i go klostu long bungim Australia, Nu Silan na Inglen long 4 nesens resis long 2010.

"Keith (Peters) em i olsem ai na maus bilong



**RAIT MAN:** Lam i gat bilip long Peters i ken kisim ol i go long 4 nesens. **POTO:** Andrew Molen.

mi insait long fil bilong wanem em i lukautim ron bilong tim insait long gem.

"Em nambawan long dispela bilong wanem em i save mekim samting stret.

"Long las 4-pela yia i kam, save na tingting bilong em long pilai go bikpela stret," Lam i tok.

Na Peters i soim dis-

pela save na strong bilong em long pilai taim em i bungim biknem NRL pilaia, Feleti Mateo husat i pilai olsem faiv eit bilong Tonga las wik.

Tasol rot bilong dispela mangi hap kas Hanuabada long Mosbi no isi.

Em i bin wokhat tru long go antap taim em i lusim PNG na i go long Aus-

tralia long 1993 taim em i gat 7-pela krismas tasol.

Em i mekim rot bilong em long ol junia divisen i go antap na nau em i stap insait long sinia skwat bilong Penrith Panthers long NRL.

Peters i stap long wol kap tim las yia na nau em i traime long kisim ol i go antap long wol gen.

"Namba wan samting i save kam long tingting bilong mi em long makim PNG," Peters i tok.

"Dispela em ples we mama i karim mi...em i ples we mi bikpela long en bipo mi go long Australia.

"Mi laik kam bek long hia na mekim mi yet na femili bilong mi amamas," em i tok.

Peters i tok em yet wantaim planti ol arapela memba bilong Kumuls tim i lainim planti samting long wol kap las yia na dispela i strongim ol nau.

Cooks ailans i gat strongpela tim we bai bungim ol dispela Sande na Peters i tok ol bai no inap isi long ol.

"Ol i winim Fiji na Samoa na i kam longpela rot pinis olsem na mipela bai no inap givim sans long ol," em i tok.

## Lam no wari long saik


**Andrew Molen i raitim**

ADRIAN Lam ino wari long saik bilong ol arapela Pasifik ailan tim insait long Pasifik kap resis.

Em i tru olsem narapela tripela tim insait long dispela resis i gat ol pilaia husat i bikpela na hevi moa long ol PNG pilaia.

Tasol Lam i tok ol ino wari long dispela na bai givim strongpela salens long ol yet.

"Em i gutpela long gat ol bikpela pilaia tasol save na stail bilong pilai em i wanpela samting tru we i ken winim gem sapos yu nogat ol bikpela pilaia," Lam i tok las wik



**LIKLIK SAMTING:** Lam ino wari long ol bikpela pilaia bilong narapela kantri tim. **POTO:** ANDREW MOLEN.

Fonde long Mosbi. Em i amamas long ol pilaia i stap long tim na i save olsem ol i gat save na stail bilong pilai we i

ken winim ol tim we i gat ol bikpela saik pilaia.

Na toktok bilong Lam i kamap ples klia taim ol i winim Tonga las wik Sande.

Ol Kumuls i tromoi bal na ron i go i kam olsem ol i pilai ragbi tas.

Hat bilong san tu i mekim na ol bikpela Tonga pilaia i tait hariap tru.

Kumuls bai gat bikpela moa salens dispela Sande bilong wane mol Cook ailans i gat ol bikpela moa pilaia long ol Tonga.

Lam bai lukluk long tim bilong em i tromoi bal i go i kam long mekim ol Cooks i wokhat olsem ol i mekim long Tonga.

# Australia laik bekim dinau yet

DARREN Lockyer i tok Australia bai bekim dinau bilong Nu Silan yet bihain long ol i dro 20-20 long Twickenham Stoop long Inglen las wik Sande.

Tupela trai bilong ol wol sempion, Nu Silan i kam long Lance Hohaia na Frank Pritchard i givim ol sans long winim Australia tasol laspela trai bilong Cameron Smith i sevim laip bilong ol Kangaroos.

Cameron i kisim wanpela lus bal we Greg Inglis i tromoi klostu long trai lain na em i kalap i go na putim trai isi tasol tupela minit bipo long ful taim.


Jonathan Thurston i kisim tupela moa poin long mekim ol i sanap wankain.

Bel bilong Australia i wok long hevi yet bihain long Nu Silan i winim ol long fainol bilong wol kap long 2008 na klostu dispela lus i kamap gen.

Lockyer i tok tim bilong em i wok long kisim bek gutpela fom bilong ol.

"Mipela ino pilai gut tumas long planti ol ron bilong mipela long hia tete," em i tok.

"Dispela em bilong



SALENS: Tupela kepten i pait strong long kantri bilong ol.

wanem mipela ino pilai wantaim tumas bipo long dispela gem olsem na em i kamap olsem.

"I luk olsem mipela i bungim liklik hevi tasol laspela trai kisim mipela i kam bek," Lockyer i tok.

Em i tok ol bal nap painim hat tru sapos ol i bin lusim dispela gem tasol nogat olsem na ol bai kam bek strong yet.

"Nu Silan i bin go pas tasol, ol ino pasim dua long mipela olsem na

mipela i wok long kam bek strong long ol.

"Nau mipela i gat sans long pait strong yet insait long dispela tonamen," Lockyer i tok.

Dispela gem i mekim Lockyer i kamap namba

wan Australia pilaia long pilai moa gem makim kantri bilong em.

"Mipela i save nau long wanem hap mipela i mas stretim na redi bipo long mipela i pilaim Frans na Inglen - mipela bai strong moa na gutpela moa long narapela gem i kam," em i tok.

Nu Silan kepten, Benji Marshall i tok tim bilong em ino amamas tru long Australia i kam bek na dro wantaim ol.

"Mipela olgeta i tok mipela i mekim inap long winim dispela gem tasol nogat olsem na mipela wari tru," em i tok.

"Planti manmeri ken tok olsem mipela winim nating wol kap tasol mipela i soim hia tete olsem mipela ino bin win nating," Marshall i tok.

"Mipela i bin stap daunblo long sampela hap insait long gem tasol mipela i som strong bilong mipela taim mipela i kam.

"Mipela i bin inap long win tasol nogat na mipela i wari long dispela tasol mipela i amamas tu long pilai bilong mipela," em i tok.

## Kari apim tupela gol medol

RITA Kari apim nem bilong Papua Niugini gen taim em i winim tupela gol medol long komonwelt wet lifting sempionsip long Malaysia las wik.

Kari winim wanpela medol long sinia divisen na narapela long junia divisen.

Em i pilai insait long 58kg mak.

Kari winim dispela medol namel long narapela 11-pela husat i resis wantaim em long divisen bilong ol meri.

Tim menesa, Frank Robby i amamas long pilai bilong Kari na i bilip em bai winim narapela awod olsem nambawan pilaia bilong junia divisen tu.

Guba Hale long 69kg na Kathleen Hare long 48kg tu i mekim gut long resis bilong ol meri.

Hale i kam namba tu ples na kisim silva medol agensim 4-pela narapela pilaia long divisen bilong em.

Hare i resis wantaim narapela 13 meri na i kam namba tri ples long kisim brons medol.


Hare i brukim rekot bilong em yet taim em i apim narapela 10kg antap long dispela mak.

Tupela man wantaim, Morea Baru (56kg) na Steven Kari (69kg) i pinis long namba 5 ples long sinia divisen.

Steven, 16 krismas em liklik brata bilong Rita na i resis agensim 13 narapela pilaia.

Em i kam namba 4 ples long junia divisen.

Baru husat i pilai agensim 12-pela narapela i pinis namba 6 ples long junia divisen.



MALOLO: Fidelis Andrew wantaim meri bilong em Marie sindaun malolo antap long nupela ples bilong sindaun na lukluk long wanpela kriket gem long Colts pilai graun long Mosbi las wik Sande.

## Nupela sit

OL wok long redim ol pilai graun bilong PNG gems bihain long dispela mun i wok long kamap nau na planti ol senis i wok long kamap tu.

Long Colts oval, ol i putim pinis ol nupela ples bilong sindaun raunim pilai graun.

Wok bilong stretim ples tu i wok long kamap.

Ol wokman i putim dispela ol ples bilong sindaun raun pilai graun bai ol manmeri ken sindaun gut na lukluk long gem bilong ol.

Colts pilai graun em we kriket na ruls futbol resis (Rules Football) i save kamap. PNG Gems bai stat long Novemba 19 dispela yia.

### SPOT RAUN

WANTAIM

Scott Vavine, ML



## Lukautim wokabout bilong tim Original

I GAT tripela wik moa i stap bipo namba 4 PNG Gems bai stat hia long nesanel capitol distrik (NCD).

Mi save olsem olgeta manmeri stap long NCD bai pulap long ol pilai graun long dispela wanpela wik long lukim dispela ol pilai kamap.

Sampela bai kam long pilai, wok, helpim ol sapot tasol.

Bikpela amamas bilong olgeta manmeri long siti long bung wantaim ol arapela bai kamap long dispela taim tasol bikpela hevi bai stap long tingting bilong ol pilaia long traun na winim medol bilong ol tim bilong ol.

Wanpela bikpela samting long kisim ol tim i go long dispela gem em long wanem kain gutpela wok menesmen i ken kamap long lukautim ol gut.

Dispela em wanpela bikpela samting we i ken helpim wanem kain risal tim i nap kisim long dispela gem.

Taim bilong wokabout o raun i go long ol narapela ples i ken kamap wanpela gutpela samting tru we yu nap lainim na lukim sampela nupela samting na tu yu kisim gutpela strong na nupela tingting.

Em i ken givim sans long ol spotsmanmeri tu long go bungim na pilai wantaim ol arapela spotsmanmeri bilong ol narapela ples.

Ol kosa na ofisol tu i ken bungim tingting bilong ol tut aim ol i kam bung long dispela taim.

Sampela taim yu ken pilim sore na bel hevi tu sapos yu no redim gut olgeta samting gut na i go pilai long narapela hap.

Dispela bai kamap taim nogat gutpela wok redi kamap long ol pilaia long redim ol long ol nupela samting ol bai bungim.

Long dispela as ol menesmen ofisol i mas tingim ol dispela samting pastaim na redi long en.

Ol i mas tingting long wanem kain ol hevi bai nap kamap long dispela raun na tingim ol rot long stretim, dispela bai helpim long strongim etlit long putim ai na tingting bilong em long pilai tasol bai em i ken mekim gut.

Yu ken redim planti ol wok bilong dispela raun staitim yu staim wok redi bilong yu long taim yet bipo long yupela i lusim ples.

Maski sapos yu redi gut na i go, kain kain ol liklik hevi bai kamap yet we yu ken lainim planti samting long en.

Sapos hevi kamap, noken wari tumas, yusim ol samting yu gat long lukluk long dispela hevi na bikpela samting em noken lustingting long tokpilai na lap.

Dispela i min olsem ol menesmen ofisol bilong tim i mas save long wok bilong ol na i mas wok gut long taim bilong pilai.

Ol i mas makim ol lain husat i gat gutpela pasin na tingting long mekim dispela kain wok long lukautim tim.

Ol i mas makim ol bipo long olgeta arapela wok redi bilong tim i stat.

Dispela ol lain i mas i gat gutpela save na eksperiens long mekim kain wok olsem.

Bihain long tim i makim dispela ol lain orait ol i mas soim ol long wanem kain wok ol i mas mekim.

Wanwan memba bilong menesmen tim i mas save gut tru long wok bilong em.

Long wik i kam bai mi tokaut klia long sampela wok tru bilong ol menesmen tim bilong wanem mi laik helpim ol tim husat bai kam pilai long dispela gem.





# Wanpela moa

# gem

## Pait bilong PNG na Cook ailans

Andrew Molen i raitim

**RESIS bilong winim namba 4 ples insait long 2010 4 nesens ragbi lig salens nau i stap namel long Papua Niugini na Cook ailans.**

Tupela tim bai bung dispela Sande long Mosbi long lukim husat bai winim Pasifik kap long kisim ples insait long 4 nesens salens.

Oi Kumuls i winim Tonga 44-14 las wik Sande long stap insait long fainol agensim Cook ailans dispela wik.

Oi Cooks i bin rausim Fiji 24-22 las wik Sarere.

Feleti Mateo wantaim tim

bilong em ino bin inap long stopim ol Kumuls husat i pilai strong tru long asples bi long ol.

Hat bilong san tu ino isi long ol Tonga.

Kumul kepten, John Wilshere i tok bipo long gem olsem dispela tonamen em i bikpela samting long ol tru na olgeta bai pilai strong long en.

"Dispela em gutpela sans bilong ol yangpela pilaia bilong mipela long pilai gut na go long bikpela intansenenel level," Wilshere i tok.

Em i tok tu olsem ol i lukim olgeta tim insait long dispela resis i gat wankain strong tasol ol bai pilai strong tasol long traim na winim dispela tonamen.

"Mipela kam long pilai olsem na win na i gutpela olsem mipela i kamap klostu nau wantaim wanpela moa gem i stap," Wilshere i tok.

"Gutpela win bilong mipela long hia tete tasol mipela i save olsem wanpela moa gem i stap yet," em i tok.

PNG go pas 20-4 long hap taim na i paia gen long namba tu hap bilong gem ol i putim 4-pela moa trai bipo Tonga i bekim tupela.

Gem bilong ol Cook ailans na Fiji no ron longwe bilong wanem tupelo wantaim i pilai strong wankain.

*Mtoa/long/Pes 31.*

**REDI: Oi Kumuls i wetim kik ol long gem bilong ol agensim Tonga las wik Sande long Mosbi.**

FOTO: ANDREW MOLEN

### INSAIT:

Kumuls i gat planti wok yet long mekim. **Pes 30.**

Kari apim tupela gol medol long Malaysia. **PES 31.**


Australia laik bekim dinau yet long Nu Silan. **PES 31.**

## Mitsubishi FUSO Rosa Bus



Engine upgraded  
130 Hp  
4 cylinder diesel

Dispela em spesol offer  
wantaim limited units  
istap lo olgeta hap  
long kantri



**K125,000**  
draiv awel

Act nau na kam lukim  
Boroko Motors dealership

offer basi pinis  
30th November 2009  
or image stock is pinis

**BOROKO  
MOTORS**

PORT Moresby Ph: 525-5255 LAE Ph: 422-1144 ROTUNDA Ph: 542-1030 HOBART Ph: 582-8175  
VANUA Ph: 582-8256 TOROKA Ph: 548-5040 TONGAREVA Ph: 682-2000

Email: [info@borokomotors.com.pg](mailto:info@borokomotors.com.pg)  
Website: [www.borokomotors.com.pg](http://www.borokomotors.com.pg)



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.